

**VITA ET MORS
GLORIOSÈ
SUSCEPTA, R.P.
ALBERTI
ML-CINSKI, ...**

Albertus Mecinski, Maciej
Ignacy Tluczynki





M



VITA

ET

MORS



Gloriosè suscepta,

R. P.



ALBERTI
MECINSKI

POLONI è SOCIETATE
I E S V.

In odium Sanctæ Fidei Catholicæ apud Ia-
pones vnâ cum alijs quatuor ex eadem
Societate Patribus interempti.

Anno Dñi. M. DC. xxxx. iiii. 23. Martij.

C R A C O V I Æ,

Apud Viduam & Hæredes Francisci Cezàry, S. R. M.
& Illustriss. Episc. Crac. Typographi, 1 6 6 1.

2
V I T A M*Patris ALBERTI Mecinski.*

1. **S**cripsit P. Philippus Alegambe de Societate stylo Latino.
2. Scripsit eandem Franciscus Rosini in sua Breui Relatione de 4. Patrum Martyrio stylo Italico.
3. Scripsit eandem P. Franciscus Roas Societatis I E S V.
4. Scripsit eandem P. Ioannes Biezanowski ex eadem Societate I E S V, collectam partim ex suprà dictis Scriptoribus, partim ex habitis in Polonia fide dignis Authoribus, ac testimonijs.



Prote-

P R O T E S T A T I O ³

Authoris.

VT sanctè, ac religiosè veneror S. Sedem Apostolicam, eiusque sanctiones ita Decretum S. Romanæ, & uniuersalis Inquisitionis anno 1625. editum, ac deinde anno 1634. confirmatum, iuxta declarationem Urbani VIII. inuiolatè à me seruari volo, adeoq; protestor, me hac scriptione vitæ R. P. ALBERTI Męcinski, è Societate IESV non id agere, ut illi famam sanctitatis arrogem, aut cultum religiosum conciliem, aut his, quæ scribo, maiorem, quàm humanam fidem adhiberi velim, aut velut approbata ab Ecclesia proponam: sed potius omnia quæ afferò, non alio à me studio scribi, vulgariq; quàm ut humanam duntaxat fidem mereantur.

A P P R O B A T I O.

Venerabilis Viri è Societate IESV
 R. P. ALBERTI MĚCIN-
 SKI sanctæ memoriæ, qui pro fide
 Christi glorioso agone luctatus in Ia-
 ponia, illustrem ex genere, & gente
 Rosarum sanguinem suo sanguine pur-
 puravit Martyrio Nangasachi perfun-
 ctus; vt vita à pio quodam autore de-
 scripta luci publicæ typis edita propo-
 natur non solum permitto libenter,
 sed etiam cupio, ad solatium totius
 Poloniæ, in quâ hic flos exortus ver-
 nauit felicissimæ æternitati, suâque
 ipse coronâ Patriam coronauit. Cra-
 couiæ 2. April. 1661.

HYACINTHVS *Liberius I. V. D.*

Præpositus SS. Corporis Christi.

Canonicorum Regularium. Librorũ

in Diacesi Cracouiensi

Censor.

Peril-

Perillustri ac Magnifico Domino,

D O M I N O

STANISLAO
SKARSZEWSKI,

C A P I T A N E O
S A M B O R I E N S I,
E T D R O H O B I C E N S I.

Solidam, veramq; Prospe-
ritatem experiri.



*Henicem Orientis, è dissipatis re-
diuium cineribus, ac heroicis
virtutibus animatum, Tibi Per-
illustri Domine, fero. Menci-
nius est, inclytus Iaponia Martyr,
historico vitæ mortisq; compendio circumscriptus.
Nequicquam vana exsultet Tyrannis, & perÿsse
iudicet, quem sÿduuit p rãdidisse. Superstes polo
agit, & solo; atque simul vitam, simul famam
ducit, utramq; immortalem. Haud vniuersa
saniere*

*ſeuière in Diuinum athletam elementa. Vndis,
 & flammis ad interitum uſa barbaries, non tel-
 lurem, non ætherem ſua famulari còegit crude-
 litati. Quà iacet terreſtris, quà celeſtis ſphæ-
 ra patet ambitus, integra, viuidaq; Mencinij glo-
 ria manet. Quanquam aquas quoque quid ac-
 cuſem, & ignes? Limpidior, ac illuſtrior ab illis
 conſtantia fortiffimi enituit Herois. Quot ſtil-
 las exorbuìt nobilis heluo, tot nectareos Chri-
 ſto propinauit hauſtus; quot ſuſtinuit vel in exa-
 nimi corpore ſcintillas, tot accenſa caritatis ar-
 doribus aſtuauit. itaq; ſtillas, atq; ita ſcintillas eo-
 uertit, ubi fontes voluptatis, ubi fauſtitatis fa-
 ces, ſuauiſſimum longè naufragium, & incendiū
 miniſtrant. Sparſus in Oceanum puluis, quid ni
 ſementis fuerit, quæ felicem, in æuum omne tulerit
 meſſem? Iocus aurarum, atomi æternos ſu-
 pernae Sionis anne non excreuerunt in colles? Sed
 ne triumphum canere prius videar, quàm victo-
 riam, Vir Magnifice, ſpectes; ipſam glorioſi certa-
 minis arenam Tuis ſub oculis pando. Quod ge-
 neris Mencinio decus, quis ſplendor Proſapia,
 quanta Maiorum tot ſeculis ſeries, & amplitudo,
 ſi quiſquam alius. Tu probe cognitum ac perſpe-
 ctum babes, quem Patrita ſimul, & externa eru-
 ditio plurimum commendat; nidus inſuper nido
 propinquus, & uicinia patrimoniorum, ſingula
 do uère. Nec Mencinius ſolūm Tibi familiaris
 olim*

olim exstitit, sed Parentes quoque & Aui, caterique aborigines vestri mutuam amicitia necessitudinem coluerunt. Deuoluta quin etiam in ALBERTVM latifundia, quo abdicata primùm Christiana magnanimitatis spiritu, quo pietatis dein Religiosa affectu dedicata, consecrataq; Deo, dum Societatem IESV. ac post, Iaponiam esset ingressurus, abunde nosti. Illud sepositum Regnis, atque Insulis, totoq; Neptuno erat, quicquid extra suæ gentis conscientiam, apud remotissimos, ferocissimosq; populos, lustris aliquot, ad usque dira leti, egit, passusq; est. Dabit igitur liber iste quod euoluas, quod prædices, quod mireris. Contemptam, & relictam, amore Christi, Poloniam, atque Europam, ast ambitam, aditamq; Asiam, & Iaponiam; superatum sæpius vastissimū æquor; captiuitatem Hollandicam, decumanas tempestates, pericula piratarum tolerata; famis, sitisque, ac frigoris sauitiam, morborum longa, crebraq; luctamina, laboris difficillimi contumaciam vel elisam, vel infractam hic leges. Talia Menciniana virtutis impendia fuere, ut Christum lucrifaceret, in ultimis, unde pretiosissima quæque petuntur, terris. Ipsam denique prodigus, sed prouidus idem emptor, vitam, sanguinē ipsum pulchra adeo dignaq; licitationi locauit, Calum mercatus, ac Deum. Hac Tibi, cateraq; præterea, modicum istud explicabit volumen.

§ Atq; id ut Nomini dicarem Tuo, manibusq; in-
ferrem, eximia, quam in Mencinium exeris, pie-
tas suavit, panemq; iussit. Hæret menti cordiq; Tuo
sacer pugil, sedent animo vultus, & ora, pe-
ctus Apostolico plenum entheo, memoria obuer-
satur. Qualem videris Perusij, dum sapientia
vacares, cui supremum dixeris Vale, Lusitaniam
adeunti, ac nauem inde conscensuro, quem votis
prosecutus fueris, Tuo ante acclinem collo; nunc
recolis, & porro colis. Properantem in Indias
contemplatus iam Nangasacbi captum, & vin-
ctum, & tractum cerne; iam funibus adstrictū;
iam pendulum è trabibus, iam tot hydris aquæ
violenter potatum; ac siquidem placeat specta-
culum (nec ambigam placere) victimam I E S V
Mencinium intuere, mox sectos ferro artus, mem-
bra rogo vsta, sparsos in Oceanum cineres, præ-
cordijs, infer. Ita Tuus erit Mencinius semper,
pontoque & celo, quæ duo illum habent, suppar
amicitiæ capacitas erit. Claudetur hoc pectore,
quod virtutem claudit, & sinu fovebitur qui
sanctimonie fauet. Quò amiciores Numini fidis,
eò Tibi fauentiorem credito, & gerito intimorem.
Plurò faxis ista, Perillustis Domine, ac sospes
eris ad bonorum vota.



Vllam Christianæ fortitudini inaccessam esse Regionem Regnumq; quantumvis remotissimis terræ marisq; disiungatur spatijs, æculo & memoriæ nostræ, Iaponici Imperij status, abundè testatur. Ex eo enim tempore, quo Diuus FRANCISCVS XAVERIUS primus in eas Insulas, magnis exantlatis laboribus, totoque multoties enavigato Oceano, lucem Christianæ Fidei, euitâ resistētis perfidiæ & tenebrarum Principis potestate intulit, magnamque accessionem Catholicæ rei, per se, lociolque suos fecit, Francisco Bungi Rege alijsque plurimis Christiano, ex more, lustralibus aquis ablutis, excaudit subito Regnorum illorum supremus Imperator Taycosama, & grauissimæ persecutionis excitato æstu, teneram illam plantationem, quam per agricolas suos Cælestis Pater plantauerat, penitus extirpare abolereq; ex omnibus Imperij sui ditionibus, moliebatur. Sed quæ ex animo & destinatione Tyranni, ad excidium plurimum valitura videbantur; hæc in Sacræ illius vineæ, maius ornamentum, & futuri progressus, non inanem conuersa sunt expectationem. Erubuit quippè multorum Heroum sanguine irrigata illa candida Iaponiæ gleba, & tot Martyrum largè profusus cruor, semen factus est Christianorum eorumque Athletarum seminarium qui primæquam illam inter Diocletiani secures & Tyrannorum omnium tormenta, referant Ecclesiæ faciem. Continuo enim vbi Religioni ac Fidei bellum indictum est, præter eos quos prima persecutionis tempestas, in ipso impetu Iaponici tumultûs repertos, per varia suppliciorum genera ad æternitatis portum transuexit; classicum agoni suo per totum quâ patet Christianum orbem, intonuit de cælo Dominus, deditque vocem suam, extimulatis insignium virorum cordibus & voluntate; vt posthabito Patriæ dulci nomine, illam, quæ per vltima discrimina ipsiusque iacturam vitæ obtinenda esset, cælestem inquirerent; neque sinerent per vim diabolicam eripi illa regna Deo, quæ CHRISTVS Redemptor noster sanguine suo in tanta senescentis sterilitate mundi,

mundi, eò cariora, quo tardiora pignora pepererat. Certum est proinde Europæ fere Regnorumq; omnium studijs, laborante qualibet Provinciâ Catholicâ, vt idoneos campo huic obtinenda submitteret operarios: sed quia res periculosa erat alex in magna competitorum frequentia, magnus adhibitus est delectus, ita tamen, vt nulla planè Catholico è portu solueret in Indiam classis, quæ inter merces suas & arma, illa quoque destinata Fidei in Iaponiam præsidia non transportaret; magno & deuehentium in rebus æternæ salutis commodo, & illorum qui vehebantur virtutis exercitio, tyrocinium nempe futuri Martyrij fuerat, inter languentes diuturnâ navigatione nautas & maris incommodis fracta ægrorum corpora versari, exhibito omni Christianæ charitatis obsequio. Accurrit vicinorum studijs excitatâ quoque Polonia, & quamuis Regnum illius seposuisse longius ab huius accessu Apostolicæ felicitatis natura visâ est, tamen eam ciuibz instillauit indolem virtus, vt optima sint faciles amplecti, & in ea proni ruere, quæ sunt honoris Diuini & gloriæ decora. Itaq; & ex Polonis nonnulli, quos Diuinæ bonitati ad Societatem I E S V aggregare placuit, eidem sese obsequio adiuuandi periclitantes Iapones, libenter & animatùs obtulere. Quorum quidem singulorum recensere præclare facta & illustres agones propositum mihi non est, nisi quantum Historiæ ratio tulerit. Vnum mihi præ reliquis assumo, cuius crudele supplicium in Fidei Catholicæ causâ fortissimè susceptum, & prænijs tantæ gratiæ doctes suscepi enarrandas. Hic autem est gloriosæ memoriæ. P. ALBERTVS MECIMSKI Societatis I E S V, Vir ab ipsa penè pueritiâ Iaponiæ natus, eoque ita Diuinâ deductus manu, vt cum materni lactis yitali alimonia, sanguinem Authori vitæ, vitamq; suam deuouerit: quod actionum & commorationis ipsius productior series amplius est manifestum factura.

CAPVT

CAPVT. I.

P. ALBERTI MĘCINSKI.

*Maiorum splendor & Illustres
Natales.*



Nter celeberrimas Regni Po-
loniæ Familias recensetur iu-
re Familia Rosinorum. Quo-
rum Gentilis Rosa, vbi alijs
Regionibus Regnisq; pluri-
mum purpuræ & odoris affudisset, non
modo Summorum Ecclesiæ Pontificum
occupatis tiaris, orbisque totius primarijs
exornatis curulibus, sed & in Cælestis Or-
bis æternaturam gloriam deducta propa-
gine per Sanctissimos Viros; per vtrumq;
Vrsinum (quorum Apostolorum Audi-
tor vnus, alter Gregorij Magni Pontificis
encomio celebris) per Volusianum Præsulem
Turonensem eundemq; Martyrem;

*a Ioannes Bapti. Ferrar. Orat: in Funere Alex:
Vrsini, numerat ex Familia hac quatuor Pontifices
Max: Purpuratos Patres quatuor & triginta: duos
& sexaginta Senat: Romanos, eiusdem Romane urbis
Præfectos quatuor, Ecclesiæ Romane Vexilliferos sex:
centum bellicos Imperatores. &c.*

per Mo-

per Monasticæ Familiæ in Occidente Con-
 ditorē Benedictum, per generosos. deinde
 traduces, nostræ quoq; propius admota
 est Poloniæ. Primum enim à Diuo ADAL-
 BERTO. ex Bohemia à Pragensibus. Infu-
 lis. ad Gnesnensem in Polonia Archiepi-
 scopatum delata, & Martyrij ac Apostola-
 tûs gloriâ illustris, per germanum ipsius D.
 ADALBERTI Fratrem (à cuius nomine,
 arma quoque denominationem Poray ac-
 cepere) illa accepit incrementa, in eumq;
 excrevit honorem, ut utriusque subsellia
 Senatûs, tum Sacri, tum sæcularis impleue-
 rit Heroibus, æternâ memoriâ & fastis
 dignis. Præter enim S. ADALBERTVM
 Præsulem, quem Patrem & Apostolum
 suum Cælitum honoribus colit Polonia,
 eidem proximos gloriæ (ubi Apostolicæ
 Sedis accesserit digna eorum meritis, au-
 ctoritas) recenset alios viros. Sanctimo-
 niâ & morum pietate insignes. Talis est
 Gaudentius D. ALBERTI non sangui-
 nis modò, sed & virtutum coniunctione
 Frater : qui ad Gnesnenses Insulas, Mar-
 tyrio defuncto Fratri successit, easque pari
 industriâ Christianaq; probitate governa-
 vit. Sed & eiusdem Rosæ vernanti deco-
 re infi-

re insignitur Vernerus Plocensis Episcopus, quem cum promouendæ disciplinæ Ecclesiasticæ zelus, exacta vitæ morumq; grauitas magnū in Episcopali munere Præsulem fecissent, etiam gloriosa mors pro tuendis Ecclesiæ bonis accepta, coronauit. Accedit Vincentius, ob corporis constitutionem modicam Kadłubek appellatus, qui præterquam quod primus latino idiomate Historiam Polonam posterorum obliuioni exemerit, addidit præterea illustris virtutis insignè specimen, quando ad Cracouiensem prouectus Tyaram, illa in tantum usus est, vt magno labore Ecclesiarum restorationi, promotioni, cultuique prouideret. Vltioribus verò annis grauiorem in dies sentiens administrationem muneris quo mentem sibi ac suæ subduceret deuotioni, impetratâ Innocentij Summi Pontificis benedictione, Episcopatu decessit; & quod residuum erat vitæ, Andreouiæ in Monasterio PP. Cisterciensium eiusdem Ordinis Religiosus factus, magnâ sanctitatis opinione (quam etiam calitūs impertita ad sepulchrum eius beneficia testantur) toto septennio exegit. Non enumero reliquos qui satis

qui satis abunde paginam mihi implerent, si eorum laudatam celebremq; vitam, exprimerem. Sit satis compendioq; dictum, quod præter Archiepiscopos Gnesnenses, Regni Poloniæ Primates Primosq; Principes, duodecim numerentur Episcopi, Senatorij omnes Ordinis, Palatini præterea, & Cancellarij complures, quos insignis & probata indoles bello paceque clarissimos fecerat.

Cum autem numerosa adeo Familia, maioribus aucta in dies incrementis assurgeret; servata Patrij Stemmatis Origine, in diuersas distincta est classes. Varia quippe sortiti sunt successores nomina, ab ijs plerumque quas adibant deducta possessionibus. Horum è numero fuere illi, quibus iure succedaneo Rosarum Korozwanki cesserant; viri illustres & supremis in Republica muneribus celebratissimi; quorum facili negotio constaret ex Annalibus Polonicis desumptum catalogus, nisi me prohiberet Alberti Nostri modestia: ne, quæ ille seposuerat & inferiora duxerat,

b Vide Bielscium, Paprociũ. Ianiciũ, Cramerum, & horum nouissimum Collectorem P. Okolski S. Ordinis Predicatorum Tomo 2. sub titulo Poray seu Rosa.

tanquã

nquam alienæ virtutis decora, intentus
oprijs in tantum exaggerare hinc videar.
onstat tamen Auos Proauosq; & sanguine
iunctos Cracouienses & Sendomiriens-
es Palatinos, Regni totius Cancellarios,
uin & in Regis Ludouici absentia tunc
ungarici Regni regimini intenti, eodem
x genere Korozuanscorum vice Regis
fficio, Poloniae Zauisium præfuisse.

Ab horum itaque Origine Maiorum P.
Alberti Męciński, de quo nobis præsens est
narratio profectus Parens, & eiusdem di-
tionis Korozwanki dictæ hæres, iunctâ ma-
trimonio Felicitate Głoskowska de Armis
Gentilitijs Accipitrum & Maiorum San-
guine & virtute propriâ illustri Fœminâ,
hunc planè Felicitatis partum est consecu-
tus. Licet enim Parens ipse, sparsâ per
Poloniam Hæreticorum dogmatum se-
mente, peruersæ eorum doctrinæ cū alijs
pluribus tanquam nouæ (solito humanæ
mobilitatis genio) adhæssisset : non tamen
permisit Deus, progenito in lucem insigni
Christianæ Fidei apud gentes barbaras præ-
cone, diutiùs in Patre perfidiæ inueniri lo-
cum. sed veluti natus Filius oculos aperuif-
set Patri, ad se reuersus, eiuratâ Hæresi &
Catho-

Catholicæ Religioni data manu, in eadem quâ Illustrissimi Maiores sui pietate, reliquos vitæ annos, quatuor vixit, & altero relicto Filio Stanislao minorenni, piè sanctèque decessit.

Patre eius è viuis sublato tota educandæ prolis teneræ moles incubuit Matri; quæ tum de excolenda Filiorum indole multum sollicita, tum maximè virtuti & probitati eorum attenta, eos substituit infantia moderators, qui cum primis literarum, elementis, rudimenta simul, & velut tenues pietatis scintillas, facili ad concipiendam quamlibet flammam ætati admouerent, erupturas auctis postmodum annis, in virtutis incendium. Et patuit quidem, properè, quantum Alberti indoles virtuti maturuisset ante ætatem; cum statim à pueri auidâ mente & conatu, totum id apprehenderet, quod Deum Sanctosque & Sanctissimam præcipuè Deiparentem Virginem (quam ille vnicum asylum necessitatum suarum appellare solitus fuerat, inq; eius tutelam totum se tradiderat) concerneret. Nihil in moribus eius leue, aut licentiâ dissolutum, sed quædam modesta, grauitas & affabilis ad omnes candor, qui
magnam

magnam spem futuræ probitatis iniiceret omnibus. Totum Domi inter pueriles ludos negotium, moliri altariola : & imitatione tenerâ Ecclesiarum ritus consequi; verba ex suggestu ad æquales dicere, & iam inde assuescere, aut potius naturæ inclinantis manu duci ad futuros labores Dei, & Religionis causâ facilius perferendos.

C A P V T II.

Educatio & Studia.

HÆC vbi initia inter nutricum manus & Parentum domesticam eruditionem collocauisset Albertus, annos natus quatuordecem cum Fratre minore nato Stanislao Lublinum (minoris Poloniæ Ciuitatem præcipuam, & Iudicijs Regni Tribunalitijs, quæ illic singulis annis magnâ nobilitatis frequentia peraguntur insignem) mittitur; vt in Collegio Patrum, Societatis I E S V literarum simul ac virtutum imbueretur studijs. Et non defuit utrisque Albertus, à natura enim sortitus animam bonam, acri & viuido ingenio,

B. facile

facilè ea omnia quæ addiscenda propone-
rentur memoriæ commendabat, & sine
gravi contentione, felici tamen passu, præ-
cuntium Præceptorum assequebatur du-
ctum.

Sed in stadio virtutis iam tempus adfue-
rat, quo euidentialibus indicijs, quæ intus
deposita vigeat gratiæ diuinæ flamma,
extra proderetur. Compertum ex ipsius-
met Inspectoris eius testimonio habeo, (qui
etiam postmodum Presbyter iam Societa-
ti I E S V aggregatus, ætatem totam adiu-
uandis infirmis, disponendisq; ad vltimum
agonem moribundis, magnâ laborum to-
lerantia exegit) Albertum ex Congrega-
tionis præscripto, conscientiæ facto exami-
ne, Litanisq; dictis sæpè sæpius illius cir-
cumspeditionem pietatis suæ vigilantibus
attentione elusisse; & simulatâ cum alijs so-
mni quiete, tacitè lecto relicto, humi de-
positis genibus, horas integras, Diuino e-
xorando Numini impendisse.

Aduertit id quidem ille seriùs, & ne o-
rationis præcox feruor defraudato somni
quiete corpori, aliquam valetudinis no-
xam inferret, grauiori reprehensione con-
tinuare somnum compulit, sed ille tam
quidem

quidem sine omni sensu animi obluant-
tis dicto paruit: quantum tamen euita-
re notitiam Inspectoris potuit, semel in-
choatæ gustum deuotionis, & vsum conti-
nuare non destitit.

Ex quo fonte illa promanabat vultus &
gestuum omnium corporis moderata com-
positio, vt nec in actionibus aliqua insolens
obseruari potuerit leuitas; nec in sermo-
ne friuolum aut iuuenili concitatione as-
perum dictum.

Germanum natu licet minorem fratrem
magnâ comitate Dominum appellabat,
decentiam modestamq; affabilitatem, præ-
cipuum ætatis suæ ornamentum & decus
præ cæteris amplexus. Interea frequens,
tum in Congregationum confessu, tum in
fidei impressis Iaponiæ prædicatio fereba-
tur. Enarrabantur Iaponiæ Martyrum glo-
riosis triumphis, qui pro Sancta IESV Chri-
sti Fide, crudelissima quæq; tormenta &
carnificinas inuicto animo pertulerunt.
Lentis alij exusti flammis, alij diuturno
carcere, squalore, inedia, rerumq; omnium
indigentia ægrè animam trahere permissi;
alij bonorum omnium iacturâ mulctati,
crucibus alligati crudeliter, lanceisq; con-

fossi; & quidquid Tyrannica persecutio adinuenire excogitatissimæ crudelitatis poterat, perpeffi. Quæ omnia adeo profundè Alberti animo inhærebant, vt nullus ei sermo suauior, nulla collocutio magis familiaris occurreret; quàm illorum Martyrum referre agones, de prædicare felicitatem, admirari fortitudinem & quandam concipere famem ac maturum desiderium paria audendi, si modus & occasio viam aliquam ea quæ animo conceperat, persequendi, aperirent.

C A P V T III.

Adeunda Religionis propositum & impedimenta.

PLacuere Maieftati Diuinæ primi illi impetus & fundendi pro CHRISTO sanguinis celerata auiditas. Ideoq; vt cognitis Prouidentia suæ modis & rationibus Athletam quandoq; futuro præpararet certamini, mentem ei indidit, aggregandi se & deuouendi DEO ad obsequium in Societate I E S V. Quem ille instinctum tanquam

quam è cœlo arreptum ignem, quotidiana-
nis orationibus, frequenti Sanctissimorum
SACRAMENTORVM vsu, alijsq; pijs exerciti-
js, tam diu alere non destitit, gratiamq; per-
ficiendi flagitare; donec maturuisse res ad
executionem visa est: præsertim vltimâ
iam humanioribus literis manu imposita.

Quod subodoratus, vaferrimus bono-
rum desideriorum hostis, omnem admo-
uit lapidem, quatenus iam clandestinis
suggestionibus, iam apertis terriculamen-
tis, mentem adhuc eiusmodi prælijs inas-
fuetam, à sancto auocaret proposito. Mul-
tus in exaggeratione erat honoris & glo-
riæ, cuius patentissimum campum & Ma-
iorum tritum satis vestigijs, aperiri sibi
cerneret: sequeretur bonæ impetum indol-
lis, & in magnam posteritatis admirati o-
nem breui se euasurum confideret, cum &
natalitius splendor, & Parentum studio à
multis annis congestæ opes, pronum eius-
modi contentioni daturæ essent suffragi-
um. Eiusmodi flabellis sufflaminata, ca-
lens à natura, & in altum quidlibet pro-
pensa generosi sanguinis inclinatio, tan-
quam inter medios naus constituta ven-
tos, tenebat dubium iuuenem, cui nam



permittenda vela, totisq; inhærendum remis esset. Ita perplexus dum oculos in cœlum, opis flagitandæ gratiâ ad DEI MATREM Dominamq; suam conuertit, adfuit Diuina Parens, & illâ effigie (qualis Romæ in Exquilijs Maioris titulo colitur) stitit se obtutibus, cuius gratissimo tanquam sereni solis aspectu, cum dispelli mētis præteritas nubes vmbrasq; experitur, ecce tibi transiens per plateam mendiculus, qui stipis efflagitandæ causâ aliquid pium præcinando oberrabat, eo tempore Psalmi verba illa cecinit. *Nolite confidere in Principibus, in filiis hominum; in quibus non est salus.* Quæ verba præsentē interprete Pretiosissima Deiparente satis erant ad resolvendam & quieti restituendam mentem, promptissimi ad diuinos instinctus iuuenis: qui tanto Numine adeò obstinatè pectus in bonum armauerat, vt nulla iam penitus clandestina hostis machina quidquam proficeret. Sed ille tantâ efferatus constantiâ, palàm sæuire & obstrepere non est veritus; Musæolum in quo ille commentationes scholasticas & Diuinas peragere solitus fuerat, iam motibus quatiebat assiduis; iam dissonis inconcinnisq; clamoribus perso-

na-

nabat; quin & ante oculos noua & inusitata Regnis hisce proijciebat, miracula; quæ vix à quadringentis leucis asportata haberi poterant: vt eiusmodi conchiliorum nugarumq; lenocinio & raritate, pretium aliquod sui Mundiq; circulator ille improbus, apud mentem iam cœli ac Religionis studiosissimam, compararet. Verum hæc ille omnia generoso contemptu, & quod ei præcipuum erat inuocatâ ope & subsidio Pretiosissimæ Parentis Virginis feliciter superauit; hostemq; clàm & palàm ferocientem, puer ferè adhuc, debito rubore & ignominiâ confudit.

Accidit interea vt feriarum œstiuatum libero à literis tempore, simul cum Illustrissima Parente in pago quodam ditionis suæ, animi & quietis gratiâ verfarentur; ibi tum commoda visa est occasio aperiendi suppliciter Parenti Illustrissimæ voluntatem suam; & petendi, vt illius bona venia & benedictione nuncium remittere sæculo & se se Religioni Societatis *JESU* dedicare posset. Accessit itaq; & simplici candore Parenti vota sua exposuit. Quæ & materni affectûs acta stimulis, & (quæ frequens parentibus nimium bilem,

mouet) magnam Familiæ prætexens ipsius iacturâ orbitatem, impetuosâ primûm aggressa est reprehensione. Ideòne, inquit, nequam tot ego profudi sumptus, tot impendia collocaui, vt ijs exercitus, nulli mihi & Patriæ vsui sis? ideòne te ad Collegium Patrum Societatis direxi, vt literarum loco, eorum Religionem arriperes? mox accessit obiurgationi acris alapa, quam filio irata mater inflixit. Vbi experiri incipiens Albertus, quàm suaue esset in causa pietatis pati; vultu adeò immoto ictum accepit, vt neq; puerili comploratione, neq; murmuratione aut querelis, Matris seueritatem perstrinxerit; sed rem intra se toto planè vitæ tempore tacitus aluerit.

Perstitit tamen in concepta pertinacia Mater, & redeunte Septembri (quo tempore ex more Prouinciæ Renouatio studiorum in Collegijs Societatis Iesv institui consuevit) missos Lublinum vbi ante studuerant, filios, collato cum alijs minus vocationi eius fauentibus amicis, consilio; subito aliarum rationum efficto prætextu, reuocatos; Cracouiam amandat, vbi in celeberrima Poloniæ Academica Vniuersitate alijs Præceptoribus & Magistris, alium
vitæ

vitæ ſtatum arriperet : & iam ante concepti propoſiti immemor, eo magis affectum inclinaret, quo illum diues ſucceſſio & ſpes magni in Republica ſplendoris euocaret. Sed quantumuis ille Matris eſſet ad imperia cercus, Diuinæ tamen vocationis ſemel accepta cognitio, illum adeò fecit, animo immobilem ; vt locorum diuerſitas æerisq; mutatio, firmæ voluntati non obefſet ; alijsq; addiçtus Magiſtris, eandem tamen vbiq; virtutis retineret conſtantiam.

Hoc ei plurimum emolumenti contuliſſe Academica commoratio dici poteſt, quòd eo tempore publicæ variarum ſcientiarum prælectioni intentus, Medicinæ (ſecus quàm alia Polona Nobilis Iuuentus, quæ belli potiùs & Martis, aut pacis Reipublicæ ſtudijs innutrirſi ſoleat) attentus inuigilauerit : non quod mens eſſet, eam aliquando profiteri ſcientiam, ſed priuatæ conſeruandæ valetudinis gratiâ. Cæterum hoc DEI conſilium erat, qui illâ Alberti induſtriâ ad multorum reſtituendam ſanitatem, ipſiusq; ſingulare meritum olim vti deſtinabat, prout illius partim ad Indias nauigatio, partim apud Hollandos captiuitas docebit inferiùs.

Admirabilis verò Diuinæ gubernationis dispositio, turbari seriem à se constitutam quantumuis accuratis hominum inuentionibus passà non est. Dum enim secura iam Mater Filij. eum extra Religiosæ vitæ castra se collocasse præsumit; & nouas illi occupationes, nouos meditatatur adolescentiæ splendores, propius vitæ suæ accedens factis, necessitate mortis persolutâ, filio vitæ aditum patefecit; quò sui iam effectus iuris, quæ ante animo conceperat, facilius exequeretur.

Mortem Parentis ita moderatâ tulit significatione mœroris, vt & debitum genitrici testaretur dolorem, & eius recordaretur Patris, cuius nutu cum omnia terrena regantur, luctandum cum Diuinis eius edictis non est, sed potius omni demissione, parendum. Elato proinde Parentis funere, iustisq; persolutis, pro ea quam eius dignitas merebatur decentia, postquam sopito dolore semet reddidit sibi, de vltiori progressu vitæ sollicitus, rem cum propinquis communicat. Eligerent illi & destina-
rent, quam vellent occupationem: ignauo domi otio vitam dererere, Maioribus suis insolitum, sibi minimè videri ho-

norificum, : in illa positum se ætate, illâq; præparatione animi, quæ multorum adhuc studiorum capax, & exteris & proprijs applicari possit. Non deesse Illustrium Parentum prouidâ curâ ministratas opes, & subsidia; quæ talibus impendijs ex honore sufficiant. Multa apud exteros reperiri posse, quæ deuictum animum, & melioribus informatum experimentis, tanquam diutiùs agitatam sphæram, certo demum defigant puncto. Neq; tam faciliè patere posse locum vitijs, quæ succedanea variarum occupationum studia, gratâ vicissitudine excludant.

Prouidæ adeò destinationi accessit sanguine iunctorum assensus, conclusumq; Albertus iret primò in Belgium, vltiorem deinde Italiam peragraret, comes additus Illustrissimo cuidam Episcopo consanguineo suo, qui in certis Ecclesiæ negotijs idem moliebatur iter. Stanislaus verò natus minor, viciniorem elegit, quam inuiseret Hungariam, vbi gentis moribus & Regionis, quantum ex vsu Patriæ esset, perspectâ consuetudine, totum se ad rei, seu militaris, seu familiaris administrationem, rectè & cum timore DEI gubernandam

dam conuerteret. Hic itaq; breuius nactus peregrinationis suæ curriculum, non multò post retulit se in Patriam, quò tum suæ, tum fraternæ intentus commoditati, opportunas debitis temporibus prouideret impensas. Albertus verò sui iam effectus iuris, tanquam laxata neruo sagitta, quàm primùm semel destinato scopo accurrere, nitebatur. Omnium fuerat contentionum, laborum, itinerumq; meta, Romam celeratis itineribus accurrere, & deliberatam diu electamq; Societatem I E S V precibus omnibus assequi; illiq; quam experiebatur ad lucrandas animas feruenti siti, hoc veluti prægustandum propinare delictum, curam & institutionem salutis propriæ.

Quare Regiones alias vix delibasse prætereundo visus est, tædio illo quodam ad vltiorem stimulante quietem. Fecitq; Diuina benignitas & Pretiosissimæ Parentis in clientem suum fauor, & tutela; vt magnis viarum & latronum periculis, quæ in tanta itinerum & locorum varietate occurrebant, non sine miraculo DE I genitricis inuocatâ ope, eriperetur; præparante illi Domino, aditum eius vitæ, quam post
mo-

modum plenam laboribus & extremo discrimine fuerat amplexurus. Itaq; Romam adueniens, & sacro Martyrum cruore abundè fertilem terram attingens, vbi eorum sacra Lypsana & immortales exuuias debitâ fuisset veneratione profecutus, re cum DEO communicatâ, Sanctorumq; imploratis subsidijs, ingressum Societatis IESV apud Generalem Societatis IESV Præpositum Mutium Vitellescum flagitare institit. Ille fuit petentis ardor, ita exaggerata rationum vis, & effusæ animæ enixa supplicatio; vt facilè appareret, cœlitus eam inditam mentem, non alium auctorem, propositi testari, præterquam eum, qui sanctarum cogitationum promotor est, Diuinum Spiritum. Probata Iuuenis virtute præmissisq; experimentis consuetis, compos efficitur voti, & ad Probationis domum, quæ in Quirinali monte ad S. Andræ sita est, remittitur.

C A P V T IV.

*Religionis ingressus & prima Religiosa
vitæ rudimenta.*

Nulla

NVlla opinor dies sereniore gaudio Alberto arrisit, quàm cùm vidit se vnum è medio eorum, & quidem assumptà Religionis veste initiatum Tyronem, quorum esset proprium præmissà propriæ salutis curâ, enixè in aliorum quoq; salutem incumbere; neq; computatis impendijs sanguinis, aut vitæ tam beato lucro adducendarum DEO animarum inhiare. Plaudibat tum primùm aperiri sibi campum, in quo generosa promissà ad metam adigeret; seriòq; secum & cum animo suo concludebat, nihil hîc impigrum, nihil desidiâ torpens cogitari debere, vbi altissima vocatio magnam resoluti animi requireret contentionem. Hic præparanda arma & velut in vmbra meditandum diligentius, qualem postea in ipsa arena Athletam inuenirent aduersa; experiretur tyrannus. Hoc itaq; præfixo termino ad eum collimare omnibus Religiosæ vitæ primis exercitijs visus est, vt è Societatis institutione & norma, omnes actiones illi conformaret ideæ, quam conuertendis animabus multisq; pro CHRISTO tolerandis aduersis, idoneam, perfectio religiosa coloribus proprijs ad viuum expresserat.

Pri-

Prima erat quæ oculos animumq; alle-
xit Alberti, insignis ſui rerumq; omnium,
deſpicientia & continuus peruerſorum,
animi motuum infringendorum conatus,
qui veluti ſuppedaneam aliarum orna-
mentis virtutum præpararet & ſubmitte-
ret baſim. Quam vt firmiter collocaret,
præter internum humilis & demiffæ opini-
onis ſenſum, qui facilè euaneſcit, niſi exte-
rioribus firmetur ſubſidijs, ita ſe ad ſube-
unda quæq; vilia & abiectiſſima ministeria
paratum exhibuit ac facilem; vt non vana
ſimulatione, ſed ſincero rectoq; affectu
omnia ab illo perfici concitata quædam
alacritas, & ſpecialis feruor monſtraret.
Inde quidquid in Probationis Domo, eiuf-
modi Exercitiorum eſt, quibus illæ nunc
primùm à ſæculo tumidæ mentes, ad Reli-
gioſæ humilitatis deprimuntur moderatio-
nem, tanto obiuit cum ſtudio; vt quamuis
alijs ageret communia, ſemper tamen emi-
neret aliquid excogitatae indiſtriæ, tan-
quam condimenti ſingularis; quo latens
animo virtus, tanquam per cancellos quos-
dam clariùs innotefceret. Sumebat verbi
gratiâ in triclinio ſolitam cum alijs reſecti-
onem, & demiffionis exercendæ gratiâ, ad
alio-

aliorum pedes humi desidebat; iam præter communem morem vilissimum aliquem & detritum lauandis lancibus arripiebat linteam, eoq; mappulæ loco utebatur; residua ab alijs panis aridi frustula emendicabat, & quem potuit in ea demissione extremum præoccupabat locum. Cui tam audio humiliandi se desiderio, nullæ sufficere posse videbantur occasiones; nulla occupationum locorumq; diuersitas. Iam ille ad eluendas communitatis lineas vestes, (qui grauior labor est, & ferè eorum tantum, quibus temporalia Societatis committuntur obsequia) prior Superiorum, imploratâ licentiâ accurrere, & quâ poterat alacritate aliorum fulcire operam; iam ad corrogandam ostiatim per vrbis plateas stipem, suspensâ de humeris manticâ, tanquam CHRISTI insignium dulci sarcinâ hilaris incedere: iam breuem centonibusq; crassioribus obsitam vestem indutus, defectus proprios in triclinio euulgare, illisq; veniam precari: verbo dicam ad abiectissima quæq; pari ambitione ferri, ac homines mundi huius, honorem, magnamq; de se apud homines aucupantur opinionem. In quibus omnibus non affectata aliqua &

ad

ad oculum instituta videbatur cura: sed quædam singularis animi indoles & ab intimo pectoris emanans candor, qui omnibus quæcunq; ageret affunderet gratiam, aliosq; ad imitationem suaui æmulatione pelliceret.

Magnam huius gratiæ conciliatricem inuenerat modestiam, quæ non imperato morosoq; cultu, sed motuum omnium & totius corporis constitutione, ex regularum præscripto, concinno moderamine, regeretur; ut nihil in eo violentum, aut à passionum impetu præceps, obseruari potuerit: immò affabilitas & fraternus ad omnes, cum debita cuiq; reuerentia affectus, eam testabantur quietem, quam mentes addictæ Deo, in hac etiam turbulenta passionum valle, solent consequi.

Sed neq; in ea religiosæ quietis tranquillitate, illa sopita est flamma, quam ante accensam in Alberti pectore diximus, conuertendarum animarum. Patuit tum primum in illa exigua populi simplicioris erudiendi, ita dicam, cymbula, quantus is animarum Nauclerus, in vastis Oceani fluctibus futurus erat. Quoties ad consuetum Nouitijs proponendæ rudibus doctrinæ

næ Christianæ exercitium, prodeundum in vrbis plateas erat, ibat feruore & alacritate magnâ: & quamuis lingua non satis idiomate Italico exulta, suaue tamen influebat auribus circumstantium. Et quantum aberat in dictione suauitatis, tantum supplebat energia sensus, & penetrans ad cor vsq; Tyronis CHRISTI sententiarum grauitas; quâ facilè ad eluendas peccatorum suorum maculas, & Sanctissimorum SACRAMENTORVM frequentiam, rudis illa plebs traheretur.

In eodem Nouitiatûs sui biennio, primordia illi posuit erga Beatissimam DEI genitricem amor, cuius postmodum auctum feruorem, omnia pericula & aduersitates, tanquam aquæ plurimæ non extinguere, sed augere in maius. Accepta enim pluribus occasionibus magna Beatissimæ Virginis, quam erga clientes suos habet, protectionis experienciâ; in id incubuisse visus, vt quibus posset obsequijs, eam Patronam demereretur; & Auxiliatricem propositorum suorum inueniret.

Itaq; primum imitatus gentis suæ Nouitium B. STANISLAVM KOSTKAM, nouos excogitare diligenter cæpit titulos, quibus
DEI

genitricem Virginem compellaret, diem sæpius: tum deinde, partim expiam lectione librorum, partim inuentio-propria eos in ordinem digerere discursus, quibus debitum tantæ Matri amorem, orum pectoribus ingereret, & frequenti oratione traheret secum, quos posset, et piam eiusmodi de Matre Sanctissimæ allocutionem, eiusq; reuerentiam & honorem. Mirabantur pleriq; Nouitio Iuueni adeò vberem in dies sufficere inuentio-nem, noua semper acceptaq; auribus de hac materia sufficere, & planè fontem adesse inexhaustum. Cum verò continuari sermo semper non posset, transibat ad alia obsequiorum genera, prompta in Parentem veneratio. Patebat propè ab eo loco, quâ ei sæpè sæpius transeundum erat, sita Diuæ Mariæ Maioris Ecclesia, deuotumq; aspectum oppositâ è fenestra transmittebat. Hâc ergo illi quoties ire contigisset, depositus in genua, humili ad Parentem adeò distantem affectu, reddebat mancipatam venerationem Reginae suæ, & pluribus idem faciendi stimulum addebat. Quoties verò solennior quæpiam eiusdem Dei genitricis propè adesset dies, octiduo iam

ante seriò inuigilabat Albertus, vt nihil præparationis tantæ solennitati deesset: augebatq; mortificationis, & sui despiciendi consuetudinem: accumulabat orationum frequentiam, totâq; animi deuotione aduenienti festo proludebat, pari industriâ ipsam quoq; octauam diei prosecutus.

C A P V T. V.

*Reuertitur in Patriam factus Societatis
IESV Religiosus, & studia Philo-
sophica prosequitur.*

JTa dum Nouitiatus sui decurrit biennium, & pietatis ac religionis degit securus, è Polonia missis ad Præpositum Generalem arcesitur literis; vt ex Hungarica peregrinatione reduce fratre, Albertus etiam noster ad Patriam rediret. Id nimirum poscebant vtriusq; Fratris rationes: alterius quidem, vt quàm plenissimè se Mundi, quâ facultatibus & bonis, quâ curis & cogitationibus expediret, totusq; CHRISTI esset, ac se CHRISTO probaret: alterius autem, vt compositis
cum

in fratre negotijs, collatisq; consilijs, plicatiùs res suas, statuiq; conuenientes, necessarias rationes procuraret simulq; stabilire.

E. Romano itaq; Tyrocinio Superiorum imperio euocatus, in Poloniam reuertitur Albertus, relictâ & virtutis suæ opinione, signi, & asportatâ secum benè peracti tyrocinij viuâ effigie. Prosperè deinde absoluto itinere, vbi in Poloniam rediisset, Calissium ad Philosophica studia absolenda mittitur. Vbi in tanta multorum Auditorum frequentia, qualem triplex perpetuò Philosophiæ curriculum facile colligit, diem quandam accendisse visus est eluciscentis pietatis & modestiæ; ita amplexus humanam sapientiam, vt à Diuina ne minimùm quidem recederet. Eadem quam primùm ante imbiberat comitas affabilis, ad Superiorum nutum facilitas, dicendi circumspectio, orationis & pietatis cura: vt non abripi aut obrui accedentibus studijs; sed potiùs moderatè assumere, & concedere eis mentem DEO antè integrè consignatam & deuotam pateret. Deduci id facili negotio potest, tum ex ijs, quæ circa proprij animi spiritualem curam molitus

est; tum quæ ad aliorum promouendam pietatem magno zelo aut egit, aut agenda disposuit.

Quantum ad interiorē mentis sollicitudinē attinet; obseruata est in Alberto peruigil diligentia, nulla ut ipsi præterlaberetur dies, quā aliquid ex imperfectionibus quibusuis, etiam minimis, non demeret; idcōq; defectus suos hostiliter planè persecutus est, iam publicis Superiorum impetratā veniā obiurgationibus, iam occultis excogitatisq; supplicijs. Itaq; & de consuetæ alimonie moderata refectiōe aliquid ante destinabat, in quo genium esset fraudaturus, & frequenti diuerberatione corporis atterebat viuīdum robur; non tam quòd contra mentis legem aliquid moliretur, quā potius ne moliretur. Quin ut futuris, quæ animo destinabat, corpus duraret laboribus, & experimentum faceret eorum, quos pro CHRISTO pati disponebat, cruciatuum; destillatā ad ignem candelā, ardentem inde flammantemq; ceram, pronis excipiebat artubus, eiusq; doloris acerrimam vim, suaues reputabat delicias: ita iam animo profundè infederat tolerandi pro CHRISTO aspera quæuis, auiditas, ut gau-

audium reputaret dolorem. Fomes autem perennis, à quo hæc omnia ortum, congressum, vitalemq; succum accipiebat, la erat iam pridem concepta & destinata aponica profectio, quam illius Regni Athletarum insignes exantlati sudores, & vita per extremos cruciatus profusa, frequentibusq; vulgata scriptis, maiorem in nodum promouebant. Hanc ille caram ideo Iaponiam votis aspirare omnibus, seq; quam primum expedire negotijs fraternis & suis, elaborabat; quò obtentâ Præpositi Generalis facultate, eò se transferret velocius. Quod opus quam præmeditatè aggrediretur, secumq; ipse ac cum viribus suis indicto concilio deliberaret, sequens declaret euentus.

SIGISMUNDVMIII. Regem Poloniæ Inuitissimum Pijssimumq;, dum consuetæ deuotionis gratiâ templum ingreditur, nefarius quidam (mentisne malè sanæ & turbati cerebri, an alienæ persuasionis impulsu, dubium relinquo) ex occultis insidijs, graui Regio capiti ictu inflicto, in discrimen vitæ vocauerat. Parricidalis huiusce flagitij, cum ab homine nefario pæpæ exigendæ essent, & per crudelissima tormenta.

tantum in horrorem aliorum deducendum facinus; institit apud Superiores suos Albertus, eò vt mitteretur: assisteret homini in tanta tormentorum acerbitate constituto, & aliquod adferret spirituale subsidium. Id quidem tum ei iustis ex causis concessum non est; cognitum tamen ex ipso postea, non aliam magis præcipuam rationem deducendi & spectandi eum hominem fuisse, quàm vt ex illa immani laniena periculum faceret sui, & intelligeret, tantumne sibi roboris ac firmitatis animi suppeteret, vt pro CHRISTO suo, inter gentes immanes & barbaras, intrepidus fortisque & candenti ferro adurendam exporrigeret dexteram, & forcipe ignito laniandos artus, discerpendumq; equis in diuersa actis totum corpus permitteret, & quidquid hic iustitiæ, illic crudelitatis rigor destinaret. Sed sufficere poterat præparato animo simplex eiusmodi cogitationum delineatio, quæ continuis postmodum progressibus ita informaret mentem, vt longè ei faciliùs videretur suauiusq; pati & mori, quàm viuere & oblectari.

CAPUT VI.

Fratri natu minoris Stanislai mors: noua circa Religiosam vocationem turbatio, Bonorum dispositio.

QVando ad patiendi occasiones ita serio Albertus inuigilat, placuit Diuinæ Maieſtati nouam, eamq; minimè speratam permittere tribulationem. Innuimus iam ſupra, quanto à teneris amore & mutua reuerentiâ cum Fratre ſuo Stanislao Albertus noſter vixerat: eadem ipſa charitas ſequentibus annis augebatur magis, reddebaturq; maniſteſtor, adnitente Stanislao, vt omnibus optimi germani monitiſ morē gereret, & præ reliquis omnibus curam ageret probitatiſ. Hic itaq; dum iam planè, & Patriæ expectatiōi & Maiorum maturuiſſet honoribus; cūm deſtinatam nobili coniugio Sponſam ducturus eſſet; inſperatâ febrī correptus, vltimum clauſit diem. Perculit non leuiter hoc telum Alberti animum benè gnarum, quanta & quot negotiorum moles capiti ipſius impenderet, quàm multa à conſanguineis, multa

Cj

tole-

toleranda essent ab amicis. Hæc ipsa hæreditas, quæ tota ad illum, tanquam ad vnicum hæredem fratris morte fuerat deuoluta, sat prægnans curarum erat. Spe tamen omni in Deo eiusq; Pretiosissimâ Virgine Matre depositâ, ad procurandum funus, iustaq; exoluenda Fratri, Superiorum accedente voluntate proficiscitur. Quæ eâ celebritate, Sacerdotum, Sacrificiorumque frequentiâ, aliq; decenti apparatu, persoluta sunt, qualia germanus frater vnicè dilecto Fratri fieri debuisse iudicauerat.

Postquam parentatum Fratri, & quantum exigebat amor, concessum dolori est, primus, quem inuidtus Alberti animus sustinere debuit, stimulus, acerq; impetus amicorum & sanguine iunctorum erat, qui verbis exquisitâ humanitate ornatis Albertum aggressi, id vnicum satagebant, ut eum quâ possent Religiosæ vocationis statione mouerent. Adducebantur causæ, quæ primâ fronte speciem aliquam præferrent veri. Videret insignem Familiam, & vnicum Gentis decus illius properata pietate extinguere: transitura alienas in manus bona, tanto Maiorum comparata impendio: quodq; potissimum dolorem eliceret

ceret omnibus; nidum illum, è cuius gremio boni hucusq; Patriæ Ciues, & animi candore, alijsq; præclaris dotibus insignes prodière Heróès, sterilem vacuumq; relinqui. Restitueret se potius Reipublicæ: affore promptam Superiorum conuiuentiam, quam ipsi modis omnibus imploraturi essent: aut si adeò profundè menti pietas inhæsisset, vt inclinari illam ad matrimonij leges non esset possibile, saltem ad sæcularis Sacerdotij aspiraret campum; in quo spectatis moribus & probitate vitæ, Maiorum insistentes vestigijs, posset successu temporis altioribus eminere subsellijs, & leuare promptâ manu sanguine iunctos, quos Fortunæ & aliæ dotes remotius ab eo statu posuissent.

Ille verò has omnes insidias integritati suæ prætendi bene aduertens, solidis protinus inanes conatus excussit rationibus. Benè agi cum Familia, quæ hancce superstitem scintillam accenderet Deo. Prospecturum se de hærede bonis, in cuius manu quam diu essent, optimè collocata, minimè dubitaret. Non se fore primùm, qui conceptam de bonitate Progenitorum suorum opinionem, notabili adeò leuitate

cor-

corrumperet. Gentis eiusdem, viui exemplaris instar habere se VINCENTIVM, qui doceret, potiùs a Summis Infulis concepto fastidio Religiosum ambiendum esse secretum, quàm à Religiosa moderatione Senatorias curas & Pontificales Mitras?.

Hac animi inconcussâ firmitate, sollicitandæ postmodum constantiæ suæ finem, fecit, nemine audente contravenire sanctis adeò propositis, & ipso in limine maturæ iam virtuti. Discussâ amicorum intempestiuâ curâ, disponendis quam primum accingit se possessionibus. Vbi dum singularum rationes exigit, prouentusq; examinat (vt difficile est à contractu ignis non incaluisse, & tractando aurum, auri non attrahere fulgorem), hîc quoq; callidi aduersarij inuenit prætentos laqueos, quos ille obijcere his, qui diuites fieri volunt, consuevit. Dum enim domesticum ingreditur armamentarium, & à Maioribus custoditam gazam diligentius perscrutatur, indeq; quidquid instruendo opportunum esset militi, copiosè collectum, magnisq; impendijs studiosè adornatum spectat: hinc supellectilis domesticæ, auro argentoq; collucentis copiam: aderat præterea

rea & integendis mensis & inuestiendis parietibus, iam argentea abacus, iam magna stragulæ, bombycinæq; telæ abundantia, & alia ab antiquitate arte, pretio, commendata monilia, quæ dum singula circumspicit, nescio quâ animum vellicare visa sunt luce. Sed ille hostis aduertens esse istam machinam, fatuum illum ignem generosiore proposito penitus extinxit. Conuersus enim ad eum, quem ante Moderatorem studiorum suorum habuerat, mentem his verbis aperuit. Magna Domine mi, inquit, ex hisce allecamentis posset mihi oriri tentatio: sed firmam spem in DEO meo posui, auri hanc, gemmarumq; lucem posteriorem mihi Diuino ipsius amore & seruitio fore. Quare eò citius admouit manum operi, sopitisq; si quæ excitari poterant, circa hæreditatem adeundam controuersijs, possessiones suas, cum oppidis & adiacentibus villis, quæ illum, tanquam vnicum ac legitimum spectabant hæredem, Collegio Cracouiensi Societatis I E S V, quod per id tempus inter nouæ ac tenuis fundationis angustias luctabatur, seruatis iuris solennitatibus, possidendas attribuit. Et verò ille tum primum se expeditum.

CHRI

C H R I S T I Euangelio prædicando existimans, si nihil terrenarum animo curarum superesset, quod nec tacere coram eodem, quem ex iuuentutis suæ instructione amicissimum habuerat, potuit, cum factâ iam publicis in Actis inscriptione, longè hilarior, quàm aliquis nobilissimo auctus patrimonio, fassus est. *Latari se, quòd nihil iam superesset ampliùs, quàm ut sanguinem & vitam suo restitueret Creatori, quam ultro & libenter paratus esset quouis meliore modo profunderè pro eo, qui prior pro illo tradidisset suam.*

Eo itaq; lætior, quo iam pauperior, Callissium regrediens, in eo totam iam contentionis & studij vim collocavit, ut à Præposito Generali obnixis sæpiùsq; repetitis precib⁹ Iaponicam Missionem efflagitaret. Fauebant homini, tum prima experimenta virtutis iam satis Romæ nota: tum præcipuè ille spirans in literis animi vigor, qui Diuinum testaretur Spiritum; qui cuius accenderit voluntatem, ita flagrat, ut & huic postulandi efficaces gemitus, & alijs postulata concedendi vberem largiatur gratiam. Interea dum Româ à Præposito Generali responsum præstolatur; non minus⁹ quàm

quàm antè gnauum ſe in ijs & induſtrium, quæ occupationis eſſent domeſticae, exhibuit. Idem orationis productæ tenor, corporis per aduerſa exercendi auctum ſtadium, promouendi pietatem, in eis inter quos verſaretur, feruens zelus; vt tum domeſtici, tum qui cum illo agebant externi, recederent ſuaui deuotionis gultu delibuti, & moderatâ hominis grauitate ædificati. Facile erit colligere mentem ipſius ex hiſce literis, quas Califfio ad Sororis maritum dederat, Anno. 1623. 10. Auguſti. Et ſunt eiufmodi.

I. M.

Perilluſtris Domine.

PRo ea quâ domi ſua & me & Religioſos Societatis noſtræ, tractauit humanitate & beneuolentia, vnâ cum Fratribus meis reſero quas poſſum gratias: quin & Diuinam Maieſtatem obligatam, vt ita dicam, Dominationi Veſtræ denuncio. Eius quippe inſallibile promiſſum eſt, ſibi id factum eſſe, quidquid eius ſeruis minimis exhiberetur charitatis. Sani & incolumes Dei gratiâ Califfum redymus, ubi ad tempus aliquod locus præſens eſt à Superioribus commorationi meæ. Hic ego Diuinam deprecabor Maieſtatem, vt
Do-

Dominationem Vestrā cum Illustri Coniuge sua, ad felicem & fortunatum aeternā vitā terminum, per hosce anfractus periculosos deducat. Neq̃ falli videor, cū & quotidiani euentus rerum, vicissitudinesq̃ temporum nos loceant, & quotidiana hostilis incurſus pericula Barbarorumq̃ minae admoneant, serio vigilandum esse. Non dubito equidem Perillustrem Dominationem Vestrā iuxta talentum prudentiā à Deo concessum, considerare hac in mentemq̃ vocare frequentius: cū constet quantulamcunque huius effluentis temporis morā aeternitati comparatā, atomi instar vnius, punctiq̃ minutissimi censerī. Et tamen punctum momentumq̃ illud tantum pondus retinere Sancti viri edocent, ut illud negotiationem aeternitatis esse pronuncient: cuius lucris si quispiam deses ignauusq̃ indormierit, pauperem se & virtutis vacuum, adueniente hora mortis, sit reperturus. Maiorem itaq̃ in modum peto, tanquam is qui medullitūs felicitatem & beatitudinem, quā à Deo est, à Diuina Maieſtate Dominationi Vestra apprecor, ut Perillustis Vestra Dominatio utatur hisce medijs, quae ultrò nobis à Deo proueniunt, Sacra nempe Communionis & Pœnitentiae Sacramentorum frequentia. Multorum iam hac usu recepta consuetudo est, ut singula Beatissima Virginis fe-

sta,

sta, deuotâ Eucharistia sumptione celebrent, quos etiam commune est, fauorem benedictionemq; Diuinam, in perplexis impeditisq; negotijs experiri. Quare & Dominatio Vestra si eisdem inhaerit exemplis, usu ipso ediscet, Diuinam Maiestatem, intercedente Pretiosissimâ Virgine Matre, tum praesentes negotiorum successus, tum Illustris prolis incrementa felicia, esse largituram. Hæc ille plano simpliciq; candore, sed prudenti & profectus studiosâ oratione.

C A P V T VII.

Cursu Philosophico finito Romam abit, indeq; in Lusitaniam.

Finito demum Philosophiæ triennio, hanc, quam adeò efflictim desiderabat & frequentibus literis petebat in Iaponiam nauigandi licentiam, tali opportunitate est consecutus. Venerat eo tempore Romam, ab vltimo Oriente per tot terrarum marisq; discrimina eluctatus P. Sebastianus Vieira Societatis I E S V Procurator Iaponiæ. Itineris remotissimi causa fuerat, Admodum Reuerendo Patri

D

Mu-

Mutio Vitellesco illius Prouinciæ difficultates maximas exponere, & promouendo Christianæ Religionis bono, contra sæuam persequentis Tyranni crudelitatem, novos Athletas & socios colligere. Rumor hic omnibus diuulgatus Prouincijs, erexit Alberti animum, & tanquam signo dato excitari sentiret torporem suum, Romam redeundi facultatem vehementissimè expetiit: vt partim desideria semel inchoata ad felicem deduceret successum: partim Theologica studia, ad omnem occasionem intentus, in eodem scientiarum omnium theatro perdisceret. Concessum est quod petiit. Breuiq; consalutatis omnibus, properatisq; itineribus Romam profectus est. Et quamuis multa alia se se obijcerent pertractanda, nihil tamen prius potiusq; fuit, quàm re cum DEO, cœlitibusq; diligenter communicatâ, eodem P. Sebastiano tanquam interprete voluntatis suæ, simul & intercessore apud Generalem Præpositum Societatis vti, inscijs qui illic degebant Polonis Patribus, ne eiusdem regionis affectus magis retinendi Domi Illustris sanguinis, quàm apud Barbaras fundendi, propensione laboraret: iteratisq; multis

vi-

vicibus preces interponere. Grauis primum in concedenda facultate Præpositus Generalis visus est, cum secum ipse dispiceret, etiam Prouinciam Polonam desiderare eiusmodi viros, qui se & Christianæ Religionis, virtutumq; causæ promouendæ impenderent, & grassantibus tum aliorum, tum Hæresum malis, pari zelo, pariq; virtute opponerent. Sed quò ille in annuendo tardior, eò Albertus in fundendis ad DEVM eiusq; Pretiosissimam Parentem Virginem orationibus productior. Itaq; cum eidem Matri suæ in Ecclesia Diui PAULI extra mœnia (ante imaginem eius, beneficijs iam ante in Societatem præstitis insignem) cum profunda supplicatione, ad eam se missionem liberaliter offert, gratiam tantum munus impetrandi & exequendi postulans, sensit se inusitata deuotione intus moueri, plenusq; spei & coelestis securitatis, dum ad Collegium reuertitur, optatissimum rumorem à Patre Vega Lusitano accepit, inclinatam Patris Generalis ad illius proposita voluntatem, Missionemq; in Iaponem Patri Sebastiano compromissam, quam sententiam, postridiè ab ipso Præposito

sito Generali accepit profusissimo cum gaudio, & gratiarum actione tali, qualem tot exantlanti in expectatione dies, tot præmissa desideria excitare potuerant. Ibi tum primum exultare animo, nec se præ lætitiâ capere: iamq; Diuinæ Maiestati, iam Beatissimæ Dei Parenti Virgini humillimas & frequentissimas agere gratias, quòd se tam beato sint dignati munere prædicandi apud Infideles Euangelij, & in ea causa, sanguinis vitæque profundendæ. Quo vero tantum negotij subiret munitior, adibat quos poterat vlu rerum & spiritualis vitæ experienciâ commendatos Patres: & tum per literas cum absentibus, tum per colloquia præsentium, requirebat modos industriasq; sacras, quæ & proprio conseruando seruirent feruori, & ad aliorum animas DEO, Fideiq; Sanctæ conciliandas, valerent impensius. Eiusmodi autem commotiones pias, sanctaq; proposita, vbi multis precibus emendicasset, alia memori animo recondibat, alia, ne memoriâ exciderent, etiam chartæ inscripta, aut libello mandata, secum defererebat, quo ad manum haberet, quoties vellet, ad illam regulam normamq; rationes animi exigeret.

Vnum

Vnum & alterum eiusmodi propositorum proferam hîc exemplar, quod R. P. Ioannes à Buêra designatus in Mexicûm Visitator, à sanctæ memoriæ P. Alberto discessuro in Iaponiam multis precibus, longâq; familiaritate describendum obtinuerat. Et primum quidem erat R. P. Gasparis Druzbicki, tunc Prouincialis Poloniæ, quem vt Patrem summo amore P. Albertus coluit, & impensissimè est veneratus, datis à Manila in Poloniam vsq; frequentibus, & affectûs Religiosi plenissimis literis. Est autem eiusmodi.

1. *Ama veritatem quocunq; modo cognitam, & à quocunq; propositam, eiq; cede, nec contra illam mutire perge.*
2. *Dignitati Dei deuotus esto; & pro eius ad momentum vnicum exaltatione, omnium bonorum iacturam nibili facito.*
3. *Morere tibi, & pereas assiduo contemptu, odio, diffidentiâ, accusatione, obliuione tui, re-ctâ intentione, neglectu tui, ob curam circa te Dei, & voluntatis Diuina sponsali amore.*
4. *Sub quacunq; conditione Deus se tibi offerat, vel obtrudat, aequaliter illum ama, aestima, honora.*
5. *Contemni appetere, euita linguas & censuras*

hominum, easq; non fugiendo ac impatienter ferendo, sed negligendo, & curare timereq; non dignando euince. Tolerantiâ linguarum te satia, satura, sagina.

6. Amare inimicos, amulos, inuidos, ita seriò discere, ac si ab ea re tota series prædestinationis tuæ pendeat. Sic enim eris filius Patris Cœlestis, qui pluit super iustos & iniustos.
7. Vindicare te, tuasq; iniurias & molestias nunquam cura, imò quoad fieri potest, neq; in mentem veniat tibi.
8. Immola Deo in sacrificium honorem tuum, omnem, quem habere potes à virtute, scientiâ, officio, genere, rebus gestis; immola autem super aram linguarum humanarum, dando singulis hominibus facultatem loquendi de te, sentiendiq; quidquid libuerit, sine vlla quantum ex te est iniuria tua, & restituendi tibi famam, obligatione.
9. Ama labores, difficultates & pericula propter Deum, & eius gloriam, profectum tuum, & animarum lucrum, eo ipso, quòd sint labores, difficultates atq; pericula. Est enim dignus Deus, ut difficilia propter illum agamus, & nihil est tam difficile, quod audendo non fiat facile.

10. Crucem, ignominiam stultitiãq; Christi ne
 cru-

erubescere: imo Professor borum sine dissimulatione vlla esto: si tamen dignus es stultus reputari propter Christum. plus enim hic est gloria, quàm confusionis.

1. *Esto fidelis Deo, & proba illi fidem tuam, ita ut Deus absq; vlllo metu audeat committere, tibi omnia bona sua, certus quòd ex his nihil ei suffuraberis, iactando te, amando te, complacendo tibi, fidendo tibi, attribuendo tibi.*

2. *Me qui hoc te rogante scripsi in Deo ama; in Christi vulneribus repone; Pretiosissima Dei & Nostræ Parenti commenda; in voluntatem Dei demerge, ac tandem viuum mortuumq; viuus & mortuus tuis orationibus, & omni meliori modo adiuua.*

Conseruus tuus Gaspar Druzicki.

Aliud verò quod sequitur in Patris Alberti libello à Patre Francisco Franco proprijs fuit expressum characteribus, ac nomine obfirmatum. Cuius hæc sunt capita quæ subijcio.

1. *Quaecunq; tibi adueniunt, siue prospera, siue aduersa, siue infirmitates, morbi & dolores, siue ab extrinsecis etiam cum summa malitia, contradictione & alia inferentibus siue ab ipsa natura, omnia ut ab ipso Deo tibi ordinata, disposita suscipe animo alacri & constanti Chri-*

stum imitando, qui dixit, Deus meus volui & legem tuam in medio cordis mei.

2. Quotidie, dum manibus Christum sumendum in Sacro tenes, instanter ea pete, qua tibi Deus petenda demonstrat, & ea quorum sentias tibi esse opus: praterea aeternam salutem, perseverantiam in gratia, & Societate & similia.
3. Zelum & salutem animarum quotidie sepiissime à Deo petere, & ad hunc finem aliqua opera Deo offerre.
4. Nihil unquam contra dictamen rationis operari, & in omnibus te vincere quibus possis.
5. Cura Christum Dominum sequi, passionem suam continuâ memoria tenere, ac illum instanter exora, ut te sibi similem faciat.
6. Quando aliquid à Deo vel ab hominibus consequendum curas, nec potes, etiamsi tibi tuaque saluti videatur necessarium, non ideo tristitiam ullam vel animi perturbationem admittas; sed hac consideratione latus eventui acquiesce, nec tibi convenire, nec Dei fuisse voluntatem.
7. Dum rem arduam factururus dubius fueris, an facienda, vel quomodo, non relinquas tibi resolutionem, sed vel Superiorem vel virum prudentem & sanctum adi, & quidquid ille dixerit,

*xerit, uti à Deo tibi dictum existima: & sic
saltem moraliter nunquam errabis.*

Franciscus Franco.

Eiusmodi sanctissimis legibus & generosi-
oris animi propositis, tanquam exquisitis
antidotis, cordialibusq; electuarijs muni-
tus, cursu Theologico nondum finito An-
no Domini, 1630. in Portugalliam profi-
ciscitur, prout Lauretum datæ ab ipso
literæ ad vnum è Societatis Patribus te-
stantur his verbis. *Prope diem iter ingrediar
cùm comitibus meis. Isthac transibimus salutan-
da Deipara gratiâ. Interim Reuerentia Vestra
pro me summo ardore precetur, qui nunquam
aliàs aquè indigeo, præsertim ex quo magis usq; ac
magis mearum infirmitatem virium agnosco.
Nisi ope Diuinâ fulciar, succumbam oneri gra-
uissimæ expeditionis susceptæ. Sed ego me solor eâ
cogitatione, quòd qui dedit velle, dabit & posse;
idq; multo maximè, cùm ad vim efficaciamq; re-
spicio orationum amantissimorum meorum Pa-
trum ac Fratrum, Eiùdem sensûs & aliæ
sunt, quas ad Præpositum Prouincialem
Poloniæ, tutelæ ipsius & patrocinio, bo-
na quæ Cracouiensi Collegio donauerat,
commendans, ex quibus pauca delibo.
Ego fortè discedam in Hispaniam post septem dies*

D 5

(has

(has autem cùm scriberet dies 27 Decembris fuerat) certò tamen adhuc nescio. Reuerentia Vestra ut meo antiquo amico commendo (siquidem iam non potero frui beneficijs Reuerentia Vestra in alio) saltem ut prabeat se defensorem bonorum, qua reliqui Collegio Cracouiensi pro gloria Dei. & paucis interpositis lineis. Mi Pater amantissime cõmendet me Deo, ut in omnibus faciam voluntatem Dei, & perficiatur in me gloria ipsius quàm maximè, & ad finem Sanctissimis me Sacrificijs Reuerentia Vestra multum commendo, & quod caput est, Sanctissima voluntati Dei & gratia ipsius & Pretiosissima Matri Nostræ commendet me quæsò. Quare ubi omnia itineri maturata essent, & facultas discedendi concessa, commemorationis omnium fidelium defunctorum die, tanquam & ipse huic sæculo Orbique nostro vitâ functus esset, Româ digreditur. Expeditionis adeò remotæ apparatus totus fuit, ut nudus omninò proficisci voluerit, omniq; prouisione corporis protegendî à tot itinerum iniurijs, vacuus. Multis illi ægrè persuasum rationibus, ut exornando S. FRANCISCI Xauerij corpori, ante iam pridem destinata donaria, & pauca quædam munuscula pia, pro nostris isthic degentibus, asportaret. Summo

mo illius dici mane, nostris emortuali dicendo officio, sacrisq; piacularibus occupatis, nemine ex Patribus Polonis comite, profectus est. Cognitum mihi tamen ab ijs, qui discessuro præsentes aderant, Romæ commorantes studiorum causâ Poloni Iuvenes, ut vultûs alacritatem insolitam in Patre Alberto effulsiſſe, tanquam votorum omnium apicem summamq; consecutus fuisset & verbis resolutionem Heroicam: ita non potuisse continere, ut cuius pateret nullius alterius respectûs, quam solius CHRISTI amoris impetu, eum in eam Missionem afflatu impulsus fuisse. Hæc illius ad familiares frequētissima vox. *Quidquid mihi temporalium Divina contulit manus, Diuinum iterum omni iure abdicato feci: hoc, quod residuum est homini peccatori, miserum corpus, eandem in arenam restituendi per manus carnisicum Deo libens lubensq; magna animi consolatione, defero.* Iamq; mulum ascensurus, circumstantibus, & iter felicissimum apprecantibus contrerraneis, arripiens ligno elaboratam Crucem (credo illam, quam moris in Societate est, ituris in Indias à Præposito Generali cum benedictione paterna tradi) eam cingulo depositam cordi

di arctissimè adstringens, ultimam hanc voluntatem valedicturus testari voluit. *Hoc signum* (ait) *Sanctissima Crucis mihi amicorum omnium consolationisq; omnimodæ locum obtinet. Quacunq; à me haberi aut optari potuerunt, tanquam veteris mundi, veterisq; hominis exuias sponte deposui. Nouus ad quem tendo Orbis, nouusq; quem inducere cupio, homo solatia omnia Cruce hac ipsâ dimetientur.* Hæc ultima abeuntis verba fuere, quibus circumstantes iam familiares Crucis amore impertitus, & mirificè est consolatus. Itinere hoc exacto feliciter Eboram peruenit.

C A P V T V I I I.

*Eboræ Theologica studia prosequitur.
Primam Diuinæ Maiestati offert Hos-
tiam, Indicum iter aggreditur.*

E Boræ, intermissæ quam primùm Theologiæ operam studiumq; adhibuit, expectans in dies occasionem commodam itineris Indici. Quo tempore magnam inter socios admirationem virtus ipsius obtinuit, tum in humili ad quæq; extrema
of-

officia submissione, tum in obseruantia, religiosarum præscriptionum diligenti: sed maximè enituit in eo flagrans Iaponicorum Martyrum prædicatio, ita, vt ardentis eius animi sermonumq; faces, etiam multorum aliorum pari desiderio corda accenderent. Omnes illius ordinariè discursus, spectabant Iaponiæ lenta incendia, prægraues secures, scrobes fossasque; quas non immanes humani corporis lanienas diraq; tormenta, sed amore Redemptoris sui gloriosos agones, victrices Fidei triumphos, & æterna reuinctas lauro coronas, recensēbat, idq; non Eboræ solum, vbi illi diutiùs commorandum fuerat, sed & quâ cussim breuiterq; transeundum, Conimbricæ & alibi, eadem vbiq; opinione probitatis & feruentis animarum zeli relictâ.

In eodem Eborenſi Collegio, antequam Theologicis studijs manum vltimam imposuisset, sacris admotus est Ordinibus, per Reuerendissimum Dominum Apollinarem de Almeida, Niceæ Episcopum, è Societate Iesv assumptum, (qui postmodum in Æthiopia CHRISTI propagando Euangelio intentus, Episcopali Tiaræ Apostolici agnis

nis superati lauream, morte pro CHRISTO fortissimè obitâ adiunxit.) Quos ita præparari deuotione animi sùscepit, tanquam ab illa manu, non modo sacræ DEO ex vni-
genito Filio ipsius offerendæ hostiæ pote-
statem sibi conferri crederet, sed simul vi-
tam quoq; propriam & sanguinem, pro eo-
dem Domino suo, per manus inimicorum
Fidei in holocaustum plenissimum immo-
landi omen acciperet. Primum DEO Sacri-
ficiu in Societatis Eborensi Ecclesia ob-
tulit die Purificationi DEI Parentis Virginis
sacro, summâ consolatione animæ suæ, &
excitatione pietatis non minoris. Cuius
indiciu aliquod præbent literæ illius, da-
tæ Eborâ 25 Aprilis Romam, quarum hîc
aliquot verba profero. *Polonis ex mea parte
dicat, me nunquam vixisse in mundo magis læ-
tum, quia scio me iturum in laponiam Deo volen-
te, nihil enim nobis omnibus iucundiùs, quàm
pati & agere propter amorem Dei: Mox anno
sequente die 8 Martij, scribit Vlissipponæ
his verbis. Longiorem aggredior viam, nec mi-
bi Dominus deest: cuius gratiam tantò uberio-
rem experior, quantò longiùs à Patria & à meis
me abesse video. Lætu viuo & viuam, in quoti-
dianis (seu potiùs momentaneis periculis mortis,*
in

in solo Deo spem habens; latius quàm olim tot impensis securitates & delicias quarens. Reuerentia Vestrâ gratulor primitas: ego quodq; celebraui Sacrum primum Eboræ in die Purificationis Domine nostræ, 2. Februarij.

Finitis Eboræ studijs Vlisiponem proficiscitur, vbi iam propiùs ex portu specularetur & metiretur latissimè profuso mari desideria conatusq; suos, firmaretq; mentem, quam aduersi non terrent fluctus, sed quietam excitarent gaudij & lætitiæ, in media tempestate, malaciam.

C A P V T IX.

Iterum reuocatur in Patriam.

Accedebat iam consueta penetrandi in Indias per vastissimum Oceanum comoda occasio. Paratæ naues propediem soluturæ, comœatu virisq; & alijs, quæ vsui forent, instruebantur. Instruebat quoq; & P. Albertus disponebatq; iter suum, non tam vsualium rerum & comœatûs affluentiam, quàm aduocatorum è cælo auxiliorum, animiq; ad patientiam compositi præparatione omnimodâ. Cùm iam

iam iam abituri & propè nauem conscensuri destinatos conatus literæ à Præposito Generali Societatis expeditæ plurimum interturbarunt. Illis quippè continebatur expressum mandatum, vt profectiōe Iaponicâ intermissâ, & alteri reseruata tempore, Romam rediret; inde postmodum Poloniam properatis itineribus reuisurus. Inexpectatus hic rumor, cum præfinitæ felicitatis P. Alberti præcideret inchoatam iam, benèq; productam telam, profundè animum vulnerare debuisset: illum tamen breui collectione præmissâ, ita offendit paratum; vt ex genio & normâ Societatis, nullis interpositis moris & querelis aut excusationibus, versatilis instar sphæræ, quâ iuberet mouentis voluntas, siue ab occidente in orientem, siue conuersis itineribus, facili impulsu moueretur.

Causa autem eiusmodi mandati hæc fuerat. Abeunte Romam sanctæ memoriæ P. Mećinio, & post impetratam Missionem Japonicam, in Lusitaniam translato, extinctâ recenti memoriâ præsentiaq; ipsius, & excitatis nouis quibusdam controuersijs, apud virum, præcipuæ notæ Nobilem, eun-

eundemq; Patris Alberti cognatum, ab eodem ipso lis Cracouiensi Collegio, cui ille possessiones legitimè inscripserat, & augendæ Fundationi donauerat, mota est. Donationem scilicet & inscriptionem illam, ex eo fuisse inualidam & nullam, quod ex legum Patriæ more & præscripto, non adfuerit ipsemet præsens donationi huic ad Acta publica consignandæ donator, sed alius quispiam, vultum eius effigiemque mentitus: qui tam publicis Actis, quàm successoribus hæreditarijs illuserit, hæredesq; ac successores legitimos, qui sanguinis nexu proximè ad hæreditatem adeundam ius haberent per fraudem amouerit. Agitata causa est in Tribunalitijs Regni Poloniæ Iudicijs, enitente modis omnibus aduersario possessiones iam inscriptas in sortem suam vindicare. Nimirum homo ille argutè sibi persuaserat, impossibile esse reuocari Patrem Albertum ab ultimo orbis termino, Oceani iam fortasse absorptum fluctibus, aut extra notitiam hominum reiectæ alicui regioni inhærentem. Hinc audaciùs aliqui arreptâ occasione, Societatis calumniosè proscindebant famam. Relegatum scilicet in Iaponiam P.

Albertum Męciński ideò; vt facilius per fraudem in eius inuolarent hæreditatem; neq; liberum ei relinquerent, disponere possessiones tali modo, qualem ipsi iura sanguinis, & beneuolentia erga suos dictasset.

Decreto itaq; cauetur, causâ vt nostri caderent bonisq; cederent nisi ad præscriptam diem P. Albertus Męciński præsens iudicio sisteretur. Ad has angustias reuocato negotio, explicarunt Polonæ Prouinciæ Patres Admodum Rñdo Patri Generali Societatis, laborantis causæ necessitatem & vindicandi boni nominis instantem curam. Censuit Admodum Rñdus Pater, pensato potissimum famæ boniq; nominis Societatis periculo, expeditis quam primum literis P. Albertum in Poloniam reuocare. Factum id non minùs accuratè, quàm feliciter. Rediisset fortasse alius demisso vultu & frontis aliquâ nube permœstitiam inductâ; siquidem amoueretur ab ea occasione, ad quam propter emerfuras de nouo rationes, nunquam fortasse rediturus esset: sed mihi constat ex quodam Societatis Patre, qui redeuntem ex Hispanijs Patrem Albertum conspicatus,

tus, ita de eo retulit. Vidi hunc cū in Hispania essem, virum profectō suis natalibus, imō Sanctorum concilio dignum, hilari vultu atq; explicatā fronte redeūtem in Patriam; tanquam ad alienas contenderet oras; certum, redire propediem, fugientemq; sequi Iaponiam, neq; prius desistere, quā obtinuisset.

Hac ille animi resolutione Vlissipone profectus, iam Genuam primum Italiæ portum attigerat. Sed & illic vrgentes Admodum Rēdi Patris Generalis reperit literas, quibus iniunctum ei fuerat, vt omisā Romā alijsq; ambagibus, rectā in Patriam properatis itineribus tenderet. Quod & fecit, ita Diuinā prouidentia totum disponente iter, vt extra omnem spem, ipso die causæ tractandæ, & sui statuendi ad iudicium, præscripto penè momento, præsens Pater comparuerit. Exultabat iam interea animo suo, nihil adhuc de Patris reditu referri audiens aduersarius, & tacitus prætensionī iniquæ, gratulabatur victoriam. Amici & causarum Socieatis Patronus, sciscitabantur summo mane solliciti, num aliquid de P. Alberto inaudierint Patres. Et ille quidem iam aderat, totusq; rebus

procurandis Diuinis vacabat, Diuino tum Missæ peragenda sacrificio occupatus, cum iam aduocata causa definienda esset. Patronus productâ ad tempus modicum negotij tractandi morâ, omnibus nihil tale sperantibus, Patrem Albertum stitit in iudicio. Illeq; præsens, quæcunq; adductæ fuerant prætensiones cognati confutauit, & obstinatè neganti parti illum ipsum esse Męciński, sed aliquem alium, rursus ipsius loco subordinatum substitutumq;, aperta testimonia, & claras, ex quibus poterat agnosci, protulit notas, in ipsoq; ludicum medio, veræ suæ, & minimè eментitæ personæ reperit testes. Quibus omnibus consideratis iudices, pro parte P. Alberti decreuêre. Qui nactus causæ victoriam, liberatâ Societatis innocentia, inscriptionem donationemq; bonorum eò fecit firmiorem, quo illam inclinare magis pars aduersa nitebatur.

Sub hunc eius in Poloniam reditum accidit, vt quidam ex amicis multa cum Patre de hac eius in Indiam Iaponiamuè projectione labefactandâ pertractans, ac frustra verba fieri videns, tandem dixerit. Jret Pater in Indiam, quoniam ita stare
ani-

animo : at Iaponiam, vbi indubitata, post enormes lanienas, inusitadosq; cruciatus, mors eum expectaret, ne omninò attingeret. Martyrium namq; periculosum opus esse : neq; cuius etiam singulare Sanctorum à DEO concedi solitum : animosius illud ab aliquibus optari, & quæri, quàm inuentum postea peragi. Ad hæc Pater reposuit in hunc modum : Missionem Indicam curæ sibi nec fuisse neq; esse : suspectum me de curiositate, aut aliqua simili vanitate mentis meæ in eius desiderio haberem. Quod desidero & quæro ex animo, Iaponia est. Iaponiam peto & anhe-lo, & quidem ideò, quia illa hoc tempore plena crucibus, plena Martyrijs est. In quibus appetendis, puto me meo spiritu non agi, sed CHRISTI : ab eo spero certum auxilium, & certus sum, quia qui dat velle, dabit & perficere. Par responsum alteri quoq; amico alia occasione Romæ reposuit, de quo inferiùs cap. 22.

Compositis breui tempore ex animo negotijs in Polonia, amplectitur iterum tantisper intermissum profectiois suæ laborem, & Romam primùm, tum deinde Conimbricam & Vlissiponem delatus est. Ro-

mâ cum iam discessionem pararet, scripsit ad Præpositum Prouinciæ Poloniæ, quibus post multa, quæ mutux erant charitatis, ita demum itineris sui successum eidem commendat. *Caterum mi Pater, sanctissimam Dei voluntatem precibus fatiga, ut flectat se ad dandam in cruce perseverantiam mihi usq; ad mortem, & gratias necessarias vero Societatis Filio ac operario. Istud est totum, quod peto à Prouincia mea, orationes quàm plurimas, & à Vestrâ Reuerentia maximè, tanquam ad clauum sedente. Roma 28 Septemb. Anno 1630.*

C A P V T. X.

Iterum Indicum aggreditur iter, sed contrariâ tempestate arcetur.

Profectus exinde Conimbricam, mox Vlissiponem, soluit in Indias Anno Domini 1631. cum alijs è Societate I E S V Patribus. In tota hac nauigatione præbuit exemplum singulare humilitatis & charitatis, quâ non modò vsus est erga Societatis homines, sed promiscuè erga omnes cuiuscunq; conditionis, maximè vero

rò pauperes & nauicularios, qui ex zonæ torridæ excessiuis caloribus contracto morbo, magnam in naui subiēre stragem. Jacebant passim depositi ægri, quos ardor solis desuper, intus putrida febris absument, æstus ab inde & fitis; hinc inter vitælia serpens lues, per eiecta vlcera, & vermicibus scatentem saniem, virus latè spargebat, & omni commeatu instructissima nauis, mobile quoddam fieret inter vndas Nosodochium. His tamen omnibus & Medici & ministri officio Pater Albertus perfunctus est, adeundo singulos, & ministrando apta remedia; quantum aut ex his medicaminum apotheca sufficere, aut acerba & putrida morbi contagio pateretur adhiberi. Atq; hîc emicuit suauis illa DEI prouidentia, quæ Patrem Albertum olim adolescentem Cracouiæ medicinæ præceptionibus, præter omnem Nobilitatis Polonæ morem, operam dare disposuerat: quibus nimirum ille, tum istâ, tum aliâ occasione opportunè vtens, & alijs, & sibi, & imprimis DEI gloriæ inferuiret.

Inter decumbentes vbique ægros, dum versatur impiger Albertus, contracto ex magna itineris incommoditate assiduissq;

vigilijs & laboribus articulari morbo, gra-
uiter & ipse decubuit; totaq; anni illius'
expeditio irritò euentu suscepta est. Si-
quidem post enauigata periculosissima
maria, lectis duntaxat Brasiliæ littoribus,
iterum in Lusitaniam rediêre naues, prout
ipsiusmet Patris Alberti literæ ad Rñdum
Patrem Gasparum Druzbicki Prouincia-
lem Poloniæ datæ testantur, totamq; expe-
ditionis huius seriem declarant. Sunt
autem eiusmodi.

Reuerende in Christo Pater.

Pax CHRISTI.

TOties scripsi Rñtiæ Vestrae, & nihil bucusq;
accepi literarum. Itane oblitus Reuerentia
Vestra nostra amicitia? & paucis interpositis
Ego paulatim cœpi conualescere ex morbo articu-
lari, qui me tenuit in lecto oëto mensibus. Vna
consolatio mihi in doloribus intensissimis hac fue-
rat, quòd is contractus in Indica navigatione:
cuius seriem iam antea scripsi Reuerentia Vestra.
Nam post emensa quinque millia leucarum Hispa-
nicarum, progredientes ultra lineam æquinoctia-
lem, & littus Brasiliæ, longo tractu per Oceanum
Æthiopicum ventis contrarijs impulsæ, reuersi su-
mus in Lusitaniam. Non tamen deerat campus
exer.

exercenda virtutis, seruiendo agrotis, excipiendo confessiones, idq; inter corpora tabo & squalore consumpta, præ vebementi calore zona torrida, ita ut multi, antequam morerentur, à vermibus consumerentur. Ducenti homines mortui in vtraq; naui. Inter quos conseruanda charitatis ego dum immoror, tandem & ipse febris oppressus decubui: & cum peruenissem in Lusitaniam, per funem demissus ex naui, vix hominum humeris delatus in lectum fui. Et dum hæc scribo, adhuc non integris viribus sum. Sed fortassis hæc videbuntur alicui amara: ita amara sunt, ut iterum ad illa redire non pigeat. Vera vita hominis Societatis, pati propter IESVM. Hoc anno sequenti, iterum redeo, maiora pati desiderans, ita illæ miseriæ, non solum animum à proposito non auerterunt, sed potius accenderunt. Nescio quid dulcoris absconditi est, pati propter Christum. Vestra Reuerentia oret pro me; & impetret, ut tota vita mea in laboribus, ærumnis, doloribus, cruce, igne, morte, propter Christum transigatur. O me felicem! si scirem bene pati. Hæc breuiter nunc, amplius postea scripturus. Faciat mihi charitatem, ut sciam aliquid de statu Regni, Collegij, & Bonorum, & Patrũ, & Fratrum. Vicissim scribam Rntia Vestra. Dat: Conimbricæ 20 Octobris. A. D. 1632.

Seruus ex corde, Albertus Męciński.

Es

Qui-

Quibus literis, non modò ad valetudinis vsq; discrimen continuorum laborum descriptio, sed & ad vltiores perferendos, excitata animi promptitudo, nullis frangenda aduersis, perspicitur.

C A P V T XI.

Nauigatione Indica, periculis & patientiæ plenissimâ perfungitur & Goam usque sanus peruenit.

Postquam è morbo redeuntibus modicè viribus, aliquantum resumere sanitatis cœpit, nullatenus ab inchoato perfectionis suæ studio destitit; nauigationem Indicam cogitatione versans perpetuâ, & nouis accedentibus tribulationibus, tanquam affuso igni oleo, magis excitari patiendi pro CHRISTO desiderium sentiens.

Interim currente Anno 1633. solita ex more Regni illius, in Indias nauigatio classis Regiæ parabatur, iamq; aliquot triremes cum alijs minoribus nauigijs à portu soluturæ erant. Quarum vsus opportunitate Pater Albertus, profectus in Indias est, v-

ctus

ctus naui B. V. MARIE sacrâ, & à nascentis in terra æterni Verbi ciuitate, nominata, Bethleem, tanquam Pretiosissima Parens, præter eam, quam clienti suo, semel in protectionem accepto, cœlitûs subministrabat opem, etiam præses esse nauigij dignaretur, ad clauumq; gubernatura cum Filio consideret. Antequam ingrederetur nauim, literas toties iam nominato Patri Gasparo Druzbicki dedit, quas hîc appono integras; tanquam eas, quæ & historiæ lucem præferant; & testes sint magnæ curæ, quam Pater Albertus posuit in eo, vt sine offensione vllius, plurimos lucraretur. Sunt autem eiusmodi.

Reuerende in Christo Pater.

Pax CHRISTI.

TAndem post grauissimos morborum conflictus, aliquādo cōualui, quamuis non perfectè: nam semper mansit aliquod residuum morbi articularis, qui me vexauit quatuordecim mensibus. Non tamen parùm puto lucri attulit hîc morbus, cuius principium longissima nauigatio Indica fuit, de qua iam hætenus scripsi Reuerentia Vestra. Nunc iterum post unum mensem, redeo in Indiam: siquidem è portu soluunt tres naues & dua celoces

& duo galeones. Hoc unum fateor, quòd multa miseria, quas passus sum obuersantur menti assiduò, sed valde dulcescunt omnia pro Christo suscepta. Imparem me profectò sentio tanto oneri, sed animat me fiducia in Deum, & sanctissima voluntas vocantis Dei. Mi Pater sollicitè ora Deum, ut faciat in me adimpleri suam sanctissimam voluntatem, in omnibus tribulationibus, quas passurus sum. Fac quæso, pro tuo in me amore, ut aliqui in Polonia qui se putant aliquo modo offensos à me, per has literas (per quas suppliciter peto veniam) sciant omnimodè me velle ante illos humiliatum. Angit me scrupulus de quodam Nobili N. si fortè fui causa non fuisse illi satisfactum, in toto faciat quæso Reuerentia Vestra pro sua prudentia, ut reddatur contentus; re siquidem aliqua modicà id efficiet. Et quæso, Reuerentia Vestra commendet me Deo, tanquam verum suum amicum in Sanctissimis Sacrificijs. 4. Martij.

Reuerentia Vestra in Christo seruus,
Albertus Męcin'ski.

Eadem quoq; & aliarum sententia est literarum, quas Conimbricà ad quendam scripsit. Ego ex morbo in longa nauigatione contracto, adhuc non conualescens, nunc me itinere denuò committo. Vtinam felicius, quàm anno prateritò. Oret Dominum Reuerentia Vestra, ut

ar-

armet me scuto patientia & fortitudinis, ad subeunda pericula pro gloria eius & honore. Jam expertus sum in praterita nauigatione, & scio, quanti labores me maneat & quæ miseria, sed oportet nos esse fideles usq; ad mortem.

Iter itaq; Indicum, nondum benè receptâ sanitate (cuius certissimam medicinam difficultates & pericula est arbitratus) ingressus est 5 Martij, Anno Domini, 1633. quod quia ipsemet Collegio Cracouiensi Societatis I E S V, literis ad illud datis, descripsit, nunquam credo mihi feliciorem venam in illis describendis fore, quàm ei, qui hæc & egit & passus est, & scripsit. Literæ sunt eiusmodi.

*Reuerendi in Christo Patres & Fratres
Amantissimi.*

Pax CHRISTI.

Visum est mihi scribere his, quos in visceribus Christi & amo & colo unice, & participes facere misericordia & gratia, indigno exhibita à Dño, qui me in partem vineæ suæ Orientalis vocauit. Quod & per presentes facio, supplex à vobis subsidia orationum petens; ut mihi in his partibus militanti, ex Septemtrione in Orientem præsto sint, ad vincendum & perseverandum usq; ad

ad mortem: quorum virtute multa sapè misericorditer operabatur in me Dominus, ad gloriam suam & animarum salutem. Breuiter itaque nunc scribo, sicut & antea scripsi quibusdam, me ante duos annos suscepisse nauigationem, id est, anno 1631. sed post visa littora Brasilia, reuersum denuò in Lusitaniam, & contracto ex longissimo itinere morbo articulari, ferè biennio decubuisse. Sed & hunc morbum misericordissimus Dominus auertit, & resumptis aliquantum viribus, denuò etiam tentare fecit. Atq; ita inuocato eius sanctissimo nomine atq; Deipara Virginis auxilio & Sanctissima Ecclesia triumphantis, solui denuò à portu Vlissiponensi. 6 Martij Anno Domini, 1633. in naui dicata Sanctissima Virgini Deipara, ubi iusserat mihi fieri cubiculum quoddam in meliore parte naui Comes Castelli noui, Gubernator Ciuitatis Vlissiponensis, ad instantiam Filij sui ex Nostri Societate, cum quo mihi pridem magna intercesserat necessitudo: (quod nulli hactenus edificatum fuit ex Patribus, excepto S. FRANCISCO) alij Patres socij mei ibant in puppi, in locis distinctis & conductis pecunià à Procuratore Prouincia. Omnes unanimiter, dum è portu solue-rem, ominabantur mihi mortem certissimam: quod ipsum & Medicus affirmabat, & dicebat: Patres debere habere scrupulum grauissimum, qui me

me hoc iter suscipere sinebant. Postquam verò ingressus fui nauem, dimissis, P. Prouinciali ac reliquis socijs, summo mane multis in terra relictis, expandimus vela, & nauigauimus felicissimè dum appareret Insula Materia. & post aliquot dies insula Fortunata. Et transeuntes post unum mensem lineam æquinoctialem, omnes ferè benè valebant, & omnia nobis ex voto benè succedebant: celebrabatur quotidie Sacrum, & fiebat institutio doctrina Christiana, & reliqua nostri instituti ministeria. At verò peractis tribus mensibus, magna in naui successit calamitas: siquidem subintravit febris acutissima & pestifera: quæ quos afficiebat, breuissimo tempore è medio tollebat, simul quidam morbus horrendus: nam multis è parte secretiori effluebant intestina, & passim moriebantur. Hic nobis apertus est campus aliquid pro gloria Dei, tentandi. Ingressus est mecum noster Superior (nam plures duobus Sacerdotibus ex nostris non erant) facta resolutione moriendi in opere charitatis, & reliqui Fratres adiuuantes in operibus charitatis corporalibus, & nos in Spiritualibus. Post aliquot dies, statim unum ex nostris Fratribus tabes illa infecit, & statim etiam nostrum Superiorem vocatum Sebastianum Alvarez, qui ambo aliquot dierum spatio, in opere charitatis, pro Christo sanctissimè hanc vitam perfuncti

functi sunt. Successi ego in Superioratum, & in onus grauissimum. nam serè octingentæ persona erant in naui, quarum maior pars moribunda decumbebat. Nullus erat, qui exciperet Confessiones, præter me solum. Fratres, qui mecum erant, omnes acutissima febris laborabant, præter unum Italum Coadiutorem, qui omnes mihi cura erant, tam in medicinis ministrandis, quàm in cibis conuenientibus agrotis. Hic ego obstupui super misericordiâ Dei in meipso, vires mihi & animum ministrante ita, ut carere illis continuis laboribus, & periculo præsentissima mortis, fuisset mihi idem, quod carere omni solatio. Fiebam quotidie fortior me ipso, à gratia inhabitante propter ministerium, & necessitatem hominum, quorum salutis consulere Dominus volebat. Et licet me indignum omni gratiâ propter mea peccata videbam: non indigni tamen erant, propter quos ea mihi à Domino conferebatur. Venimus tandem ad conspectum illius ingentis promontorijs Bona Spei 4 Iunij, cum gaudio uniuersali, iactati aliquibus tempestatibus, & multis periculis superatis: præcipuè verò, cùm ignis è puluere tormentario erumpens, horrendum nobis incendium minaretur, nisi Dei misericordiâ raro euentu extinctus fuisset. Sic perreximus ulterius admirantes in mari mirabilia Dei. Nam sæpè propè nauim

balane

balana ingentes, representantes potiùs molem alicuius insulae, quàm piscis, adnatabant. Sape & alterius speciei pisces non nota figura: donec tandem post unum mensem, & aliquot dies, conspeximus terram vocatam Mosambique. Apparebant à longè palmae pregrandes, & locus paucè habens domicilia, præter propugnaculum insigne, quod ibi habent Lusitani. Representabantur mihi labores magni in eo loco D. FRANCISCI Xaverij, & morbi, quos subiit, qui me mirificè solabantur. Hic extra portum iecimus anchoras; ille enim strictus est, & periculosus & scopulis vallatus. Hoc ipso die, primi fuerunt ad visitandum nos Patres illius Collegij Mosambicensis, ferentes secum nuces Indicas, magnitudine caput humanum superantes, & alios fructus Indicos, quos in naui distribui Capitaneo, Episcopo de Melliapor, & alijs Nobilibus amicis meis. Misi aliquos Fratres in terram ad conualescendum; mansi in naui solus. Sed postridiè ad instantiam Patrum, cum alijs viris precipuis nostrae navis, descendi in terram, acceptus summâ Patrum gratulatione. Sed non diu poteram respirare. Nam secundo statim die, ventus vebementissimus rupit navium anchoras; at illæ ad effugiendum naufragium, commisere se mari. Tandem in parua cymba, cum Supremo navium omnium Capitaneo (qui me

F

secum

secum relictis alijs arripuerat in cymbam preparatam) cum summo vitæ discrimine, ad nauim in mari errantem. Eâdem nocte, postquam iam nos commissemus itineri, ventus cessauit, relictis nauibus inter scopulos, in quos impetu aquarum ferebantur, non sustentibus impetum anchoris, sed in partes dissilientibus. Hic apparuit funesta rerum facies, eiulatus, & voces, & omnes certissimum iam naufragium expectabant. Accurrebant ad me subsidium postulantes, quod eâ quâ potui ratione pollicitus sum, perseuerando cum Fratribus in oratione. Sed nihil non tentantibus nautis, & naufragium expectantibus, venit in meum cubiculum Capitaneus: inuenit nos orantes, & rogauit, ut eius nomine votum offerrem nostro D. FRANCISCO: quod cum offerre cepissem, ille suâ voce subsecutus est. Aderat mihi fortè ad manum reliquia eiusdem Sancti, quam religari ad anchoram curauì. Statim adfuit Sanctus. Nam & anchora illa contra impetum maris tenuit nauim, cum omnes alia rumperentur; & ventus adfuit talis, qui nos solus poterat ex illis scopulorum angustijs extrahere; & nauta extrabentes anchoram, in qua subsistebat nauis, inuenerunt eam absq; uncis, in quibus tota res anchora posita est. Quo viso multi in admirationem prorumpentes, exclamauère: miraculum! miraculum! Ab hoc

hoc periculo expediti nauigauimus prosperè, quamuis non deerant venti impetuosissimi, qui ingentem terrorem intuliebant. Tandem aliquando tot laboribus exantlatis, tot perpeffis periculis, post Festum celebratum Sancti IGNATII Nostri in nauui, magnà solennitate, & Festum Assumptionis B. Virginis, 20 Augusti apparuit terra, quam statim agnouimus esse Goanam; quam statim inuenire (maximè in Mense Augusto, quando in India hyems est) rarè utiq; accidit. Non significatum Patribus citò de nostro aduentu; nam iecimus anchoras tribus leucis longè à ciuitatè: sed venerunt postquam iam egressi sumus in terram cum multis instrumentis Musicis, cantantes Benedictus DEVS, &c. Postea deducti in Collegiam, cum magna charitate accepti sumus. Deinceps noster Pater Prouincialis, tulit nos secum in Insulam Salsetanam (ubi etiam nunc ista scribo) ubi exercitus integri Neophytorum nobis occurrebant. Nec certè fas erat nobis à lachrymis temperare, dum ad aspectum idoli cuiusdam, ex alia parte fluminis in terra Gentilium, nos ex altera parte glorificabamus Deum uiuentem. Oblati mihi multi ad baptizandum, quos & baptizauimus; & illis nomina Sanctorum Polonorum dedi, cum magna mea consolatione. Vbiq; per illas Ecclesias excipiebamur, cum organis & instrumentis Musicis diuersi

generis. Celebraui Sacrum in loco, in quo Martyrio affecti fuere nostri aliquot: inter quos Pater Rudolphus Aquaviva; & aliquas exhortationes Lusitanâ linguâ feci. Hac compendiosè volui scribere Fratribus meis amantissimis Collegij Craconiensis, ut mihi impetrent à Domino, ut aliquod instrumentum gloriæ eius in his partibus fiam, cui vitam, sanguinem, & animam, æternum de-
noui. Goæ 20 Februarj, Anno Domini, 1634.

Seruus in Christo indignus omnium,

Albertus Męciński.

Ex hac ipsiusmet Auctoris relatione sincerâ, facile est colligere, singularia DEI dona, & gratias, quibus viam famuli sui comitari voluit DEVS, suggerendo, occasiones patientiæ, & charitatis exercendæ, plurimas, quibus in adeò numerofo octingentorum hominum contubernio, laborandum fuerat soli, prouidendo tum spiritualia, quibus mentis excitaretur pietas, & deuotio; tum corporalia, per quæ Christiana declaratur charitas. Procliuis enim sensus ægrorum est, ut de cura corporis, quam circa se adhiberi vident, mentis, & saluandæ animæ, solitudinem interpretentur. Itaq; illud, homini complexionis debilis, & nec dum confirmatæ valetudinis, additum cælitus robur,

robur, quo vnus ipse, cum aliquot socijs coadiutoribus, tantis sufficere languentium posset curis, satis apparet, firmo illum vocantis DEI præsidio nixum fuisse, cuius causâ quæcunq; accidissent, veniebant illi vt lucra, & commoda, postquam mundi omnia fecisset vt detrimenta. Legitur quoq; ex adeò mirabili successu, Diui Indi-arum & Iaponiæ Apostoli FRANCISCI Xauerij, magnum & cæleste in illa profusissima maria dominium, cuius inuocatâ ope, præsentissimo periculo subducitur nauis, monstraturq; omni anchorâ firmiorem spem in DEVM esse, Sanctosq; eius iaciendam.

Salsetanæ Insulæ recreatus oblectatione, quam sanè limpidissimam, ex illo Neophytorum grege, suâ manu Christo regenera-torum perceperat; (neq; enim aliud Tusculum destinato esset Martyri, quàm Martyrum è sanguine, Christo surgentia noualia, & teneri fructus) reuertitur Goam iterum, vt ad Sacrum Diui FRANCISCI Xauerij tumulum, ab illo resolutissimæ animæ capaci corpore, vnius seculi spatio incorrupto & integerrimo, spiritum vitalem Apostolici illius pectoris traheret, indeq; colligere robur, superstitioni, & idololatriæ debet-

landæ. Quare vt ardentis sui erga Sanctum affectûs, simulacrum aliquod relinqueret, argento affabrè elaboratam lampadem, quam huic vsui in Patria è bonis suis seruauerat, dedicauit. Addidit & tumbæ argentæ, in qua Corpus eius depositum asseruatur, ornameta aliqua præcipuæ notæ, & artis; cupiens inuicem alijs animum exornari suum, quorum in illo thesauri celestis depositorio, ingens thesaurus esset. Ibi ille multoties solidas impendens horas, tenero animi pietatisq; sensu admirabatur felicitatem suam, cui è proximo liceret liberetq;, nato sub Septemtrione frigidus, venerari illud orientis solis, vas admirabile Excelsi electum ad portandum nomen eius coram tot populis & regnis. Sed præcipuè cum cogitaret præsentem hic adesse Iaponiæ suæ Prodromum, & illos osculis frequentibus premeret pedes, quorum sacro cruore, inter hibernales niuium rigores, inter saxorum scopulorumq; asperitates, via sibi per Iaponiam esset iam consecrata: illic conferebat modos, & accipiebat noua promouendæ Religionis incitamenta, deniq; vitæ ipsius & sanguinis profundendi alacritatem admirabilem combibat.

CA-

CAPUT XII.

*Iaponicum iter aggressus ab Hollandis
intercipitur, captiuitatis huius mise-
ria & merita.*

Oblata deinde nauigandi in Chinam commoditas est, vnde propior desiderio suo in Iaponiam ingressui accederet. Antequam verò vasto se committeret Oceano, prius varias in itinere inuisit Pro- uincias, ubiq; eam spargens sementem, ad quam à cælesti agricola fuerat destinatus, ardentis nempè fidei, & exemplaris pietatis. In Malabarica cum versaretur, literas. Anno 1635. Malacam nauigaturus dedit, quarum hic tenor est. *Scripsi nuper ex Pro- uincia Malabarica Reuerentia Vestra, de rebus istius gentis Indica, & de successu, & de pericu- lis meis; nunc etiam de ulteriori discessu meo, hac paucis scribo. Hodie vesperi ascendo nauim, nauigaturus Malacam. Hac est periculosissima nauigatio; sed quia suscepta purè ad gloriam Dei, conabor illo iuuante superare omnia. Verè mi Pater multa hic aperta pericula, mortes; sed sci- mus quod hac tribulatio, pondus gloria operatur;*

& dignus est Deus, ut omnia patienter patiamur propter illum, qui tanta pro nobis passus est. Socius meus Pater Sebastianus Veira, qui me Romam secum duxit, & qui cum Patre Generali nostro egit de missione mea, & cuius ego destinatus eram socius perpetuus, subiit anno præterito gloriosissimum Martyrium in Iaponia; nam viventi paulatim viscera extracta sunt, & idem alijs tormentis affectus, egregie triumphavit. Va mihi! qui non fui socius in termino, uti in via; non fui portus, uti peregrinationis. Causa fuit excursus ille in Poloniam, propter quem tam citò aduolare non poteram. Conabor tamen Deo duce vias querere, ut cui non licuit desideratam mortem tunc consequi, saltem postea liceat assequi. Iuvet quæso Reuerentia Vestra hunc miserum peccatorem, quarentem dilectum suum per tot Oceani spatia, ut eum saltem, vel inter ignes, vel inter ferrum, & sanguinem, inueniat.

Hæc erant desideria, quæ, illius vela animi, quibusvis efficacius veris, impellerent; quæ, itinerum aspera, navigationum periculosa omnia, redderent non tolerabilia, solum, sed etiam amore eius, pro quo suscipiebantur, suauissima.

Malacam iam peruenerat; sed hæc Batavorum cincta nauibus & armis, proficiscendi

scendi ulterius commoditatem interceperat. Translato quippe in Orientem, Occidentemq; bello Bataui, infesta latè prædatorijs classibus tenuère maria; vt & Insulas, quas possent, Hispanorum Lusitanorumq; acquisitas labore, munitas præsidijs, inuaderent, suiq; iuris facerent; & si quæ mercatoriæ triremes (præsertim quæ auri argentiq; annum Regi Hispaniæ deferrent, prouentum) vicina sulcarent maria, illas occuparent, & prædarentur. Nec multum temporis intercesserat, cùm post grauem, in mari conflictum, vulneratis militum plurimis, omnia penè Malacæ Xenodochia, belli incommodis vulneribusq; fracti impleuère milites. Hanc sibi propriam nactus Spartham Pater Albertus, quo tædium desideratæ profectionis leuaret, omnium se obsequijs, magnâ animi demissione simul & alacritate deuouit. Itaq; quibus spes adhuc euadendi erat, ipse præparare malagmata, adhibere, quæ conuenientissima arbitraretur medicamina, prospicere cibos lectumq;. Quos verò grauior infirmitas vltimis fatis admouerat, extremæ illi necessitati, præuijs Sanctorum SACRAMENTORVM subsidijs, in maximè periculosum con-

flictum mortis, apparabat. Donec inter, eos labores, multis ad sanitatem, curâ obsequioq; reuocatis, oblata commoditas anno sequenti est Macaum nauigandi. Aliquot nempe naues, breui designandum, Gubernatorem deducebant: quarum quidam multò plures onerariæ, & mercibus magis, quàm apparatu militari instructæ, belloq; aptæ; vnica, quâ Gubernator iturus erat, ampliore præsidio & militum & bellicorum tormētorum instructa fuerat. Patrū Societ: aliquot per varias naues distributi, quo vna quæq; suo gauderet in spiritualibus obsequijs Patre; suis Pater adhiberet operam Filijs. Itaq; è portu digressi, vix vbi laxatis velis alto se commisere pelago, & Syncapuram Cambriamque præteruecti, Hayramensem sinum in nauigârunt, in aliquot Hollandicæ classis incidere Myoparones. Et primùm quidem montium esse, apices, & culmina, ex carchesijs arbitrati speculatores: mox vbi altiùs progressi fuissent, nauium agnouere malos. Et nec dum quidquam hostile veriti in eo pelago, in quo versari Hollandos, aut prædari, insolitum planè fuerat, demum è proximo, vnde iam Hollandica insignia dignoscere, pote-

poterant, aliæ quidem magis cautæ triremes, permisere vela ventis, & diuersis itineribus, variaq; fortunâ prædatrices eludere naues. Sola quâ Pater Albertus vehabatur, quæq; mercibus grauior, & in celeriore cursu impedita fuerat, apertum discrimen incurrit. Serò nempe interclusam sibi euadendi spem aduertere nautæ, & cum, aut conflictu & armis, aut deditio-
ne & traditione spontancâ nauis, fortunas vitamque suam seruandam animaduertent; ne iam sub ictum vibratorum è ferreis machinis globorum inuectam nauim, longius deliberando, & illam, & seipsos, morâ perderent, præsertim ad ictum glandis ferreæ, concidente præcipuo Lusitano mercatore, vulneratisq; compluribus; vacuum tormentis, puluere pyrio, & militum præsidio nauem, deiectis properè velis, in manus hostium tradidere.

Quæ, captâ nauis, exultatio hostium fuerit! quæ captiuorum fortuna! libet ab ipsiusmet Patris vsurpare commentario, qui & Romam, & in Poloniam, totam captiuitatis suæ seriem, copiosè satis descripsit; cuius ductum sic insequar.

Ingressi primùm aduersæ nauis aliquot præ-

præcipui milites, vbi nil iam hostile meditari captiuos vident, gubernaculum obtinere naui, libertatem vitæ Europæis illic commorantibus polliciti. Secutus deinceps præeuntes & ipse Hollandus Gubernator est: & circumspectâ diligentius naui, rebusq; quas continebat, excussis, liberam fore remeandi ad suos facultatem spondit. Sed vbi primùm naui ille excesserat, libertatis illius hostilis, seuera experti sumus indicia. Incubuit protinùs reculis nostris inimica manus: & quod à me spectari non potuit, nisi dolenti & amaro animo, sacra Reliquiarum pignora, & quæ, in subsidium, & vsum Catholicorum, pietatis ac deuotionis aduexeram munuscula, profanè tractata, & irreuerenter disiecta, & vel pedibus detrita Hæreticorum, vel per contemptum, profundo demersa mari fuere. Quæ, in res, & mercimonia, defæuierat ardens rapiendi auiditas, pari sæuitiâ, nec hominibus pepercit. Quotquot Lusitani mercatores, & eorum assæclæ erant, alijsque ab obsequijs famuli, catenis & compedibus illigati, laceris remigum centonibus tecti, celoce ad Hollandicam deportati sumus onerariam. Nescio quâ sorte alijs ita gra-

uatis,

uatis, extra compedes & catenam libero
licuit esse mihi; sed reliqua, quæ captiuos
concernerent, omninò communia. Quâ-
cunq; naus parte sol occiduus quempiam
nostrum offendisset, ibidem, sub pluuiis, aut
fudo Ioue, pernoctandum erat. Nulla, con-
tra maris frigorisq; iniurias, protegendo
corpori vestis, nisi quam satis laceram ho-
stis reliquisset: cibus ad demensum satis
exilis, magisq; trahendæ vitæ, quàm susten-
tandæ idoneus, qui usq; eo impotentem
sui excitauerat in me famem, ut graui vr-
gente inediâ, ab ipsius Gubernatoris men-
sa, appositum panem præceps rapuerim,
excusatione datâ, meæ iam opis non esse,
adactò vltimâ necessitate stomacho longi-
orem tolerantiam indicere. Itaq; commi-
seratione quadam emollitus Præfectus, me
quidem mensæ suæ quotidie assidere volu-
it, aliorum verò concaptiuorum meorum
necessitati, paulò auctioribus victualibus
consuluit. In cuius mensæ contubernio,
affuisse, die quadam, Patri Alberto, com-
pendiaria occasio, perficiendi desideratum
iter suum in Iaponem visa est. Nauem
quippe Gubernator Iaponico freto in dies
commissurus erat. Supplex itaq; Pater Al-
ber

bertus precari Gubernatorem institit: ultimo se cuiusquam abdicaret navis obsequio, etiam saburræ amouendæ, aut extremis navalium curis, modò, his impendijs liberum sibi esset, nomine & professione tantisper celatâ, Iaponiam ingredi. Verùm crudus ad hæc & immotus Gubernator, renuit se facturum, quamvis auro onustam nauem, præmij loco, sponderet. Extremum quippe inde verebatur discrimen, ob seuerum Japoniæ Imperatoris edictum. Quare meliori tempori præsens desiderium remittendum fuit. Sed pergit ille in describenda calamitate sua. Ita mensem integrum, cum intempesto mari, & cum captiuitatis nostræ luctati sumus incommodis; donec serenior cælo, & opportuniore ventorum afflatu impellente, littus Formosæ Insulæ tenuimus, & ad præsidium Batauicum Taquan dictum expositi sumus.

Antequam tamen exscenderemus captiui, prior ipse Præfectus, stipante lectorum militum cohorte, locum subiit, magnâ suorum congratulatione acceptus, reboante tormentorum omnium festiuo sonitu, tubarum tympanorumq; clangore. At nos planè tunc lixarum & nauticæ plebis, extra
Do-

Domini oculos omnia audentis, triumphus eramus & ludibrium. Excussa iterum, nemine excepto, vestimenta omnium; & si quid occultioris gazæ quispiam absconderat, ereptum. Imminuta tenuis licet, viuendi portio, & quidquid putredine corruptæ aquæ fuerat residuum, magnâ, quamuis fætidi potûs, parsimoniâ, nobis ministratum.

Euocati postmodum sumus, iussu Præsidis. Capitaneus nauis, ego, aliusq; Nobilis quidam Lusitanus, deducti ad satis latè patentem aulam, peristromatis, alioq; solentiori apparatu illustrem; cuius in medio, eminentiori loco, frequenti militum coronâ Gubernator confederat. Ibi ne triumphum suum asperiore in nos dictâ sententiâ confunderet, optionem dedit: eligeremus alterutrum, aut occasionem operiri tam diu, donec esset commoda nauigandi Macauna, aut statim ad proximum Hispanorum deduci propugnaculum; vbi præteream, quæ nos deduceret nauem, alia esset, in subsidium securitatis armata. Nobis, quia omnis mora inter hostes præpostera erat, redeundi ad Hispanum propugnaculum potestatem poposcimus. Promissa hæc

hæc; sed mutatis consilijs (ne quid indulgisse subiectis humanitas euinceret) breui spatio negata, qui iam pelago destinabamur, demandati ad rem pecuariam sumus. Extabat nempe in latè diffusa planicie, conseruandis per noctem pecoribus, non angusta caula pecuaria, neglectu & diuturnis sordibus malè olida. Ad hanc deducti sumus, & cum pecoribus habitare iussi, ita adstrictis victualibus, vt præter corruptæ orizæ patellam vix frustulum daretur salitæ bubulæ, quam maris diuturna putredo succo iam suo vigoreq; dimouerat. Nulla alia, præter hanc exilem, esse poterat commoditas, quod interdum, libero cælo, & sereniorè aère, illâ camporum amœnâ viriditate, quæ nostram communem pecoribus cinxerat mansionem, frui liceret. Inquilini igitur, ergastuli adeò incommodi, iam facti; postquam maris vexatione contractam debilitatem, nouis quotidie cumulauère, inediæ, & pessimæ tractationis, augmentis, subsistere demum expugnata sanitas non potuit. Corrupto quippè stomachi calore, viriumque facultate, paulatim imminutâ, Epidemicus languor, & febrium maligna vis, gregatim plurimos inuasit. Et primum quidem

dem duorum Religiosorum properato facto, exordium tabes illa accepit, moxq; alios addens alijs, numerosum decumbentium Xenodochium fecit. Satis luctuosa fuerat decumbentium facies, videre homines, vti pecudes, humanis auxilijs destitutos, non cum morbis solũ, sed & cum vltimã egestate luctari; nullum protegendis corporibus stratum, vestem nullam, cibumq; ipsum, qui ministraretur, subruendo magis, & debilitando, quã erigendo ægro idoneum. Circumspicere tum proinde Pater, eiusmodi obsequiorum iam minimẽ rudis; & secum ipse requirere, quã ratione, quibusq; medijs, grassantem illam luem reprimere, & indigentia posset prospicere sociorum. Ab hominum illorum, misericordia, & emendicatã stipe, nullum, ob innatum, tum Fidei Catholicæ, tum Hispanæ gentis odium, sperari potuerat subsidium. Remotæ verò sociorum naues, & nocte dieq; excubantes ad eos seruandos militum custodiæ, non sinebant quidquam aut nuntiari, aut deferri. Illud cælitus consilium Patri Alberto in mentem venit, vt eius, quam olim modicẽ delibauerat, & postmodum in Indijs cognitione efficacis-

simarum herbarum plurimum auxerat, Scientiæ Medicæ profiteretur experientiam, in illis præsertim regionib⁹, in quibus, ex mutatione aëris, victualiumq; intemperie, frequentes morbi grassarentur, curatores verò periti morborum, rari admodum reperirentur. Et cessit optimè destinata intentio, Filius enim Gubernatoris vnicus, pestiferâ correptus feбри, accedente quoq; dissenteriâ, planè iam extra spem sanitatis, medicorumq; consilia processerat; iam & aliqua propè imminentis mortis notabantur indicia. Curæ is tamen & industriæ Patris Alberti vbi fuisset permissus, paucos intra dies, adhibita illic nascentium herbarum, & præsertim eius, quæ gentis vocabulo Bê appellatur, pristinæ sanitati est restitutus. Auxit bonus hic successus opinionem scientiæ, tum apud Gubernatorem ipsum, tum apud inferiores alios, qui à maiorum arbitrio pendere assueti, ex eorum nutu iudicia opinionesque formant suas. Gubernator filio incolumi lætus, gratitudinis ergo, paruum aliquod munusculum medico obrulit; quo ille ad ægrorum sociorum subleuandas necessitates vsus, sanitatem multorum, quantum poterat à morbo morteq;

teq; vindicauit. Ita paulatim Medici externi apud Batauos crescente famâ, adhiberi ægris frequentiùs, & familiariùs cæpit, longè maiore obſequio, & commodiore ſociorum. Quidquid ab illis aut donarij aut edulij habere potuerat, id totum in vſum ſanitatſ Sociorum conuertebat. Huius inuidiâ, ſiue æmulatione famæ, ſtimulatus quidam è Caluini ſectâ Miniſter Batauus, qui explanationi Diuini Verbi, parem illius intelligentiæ praxim Medici inter ſuos exercebat, quæſitis à longè medijs, Patris Alberti demereri gratiam, confidentiamque expetiit, quo illum, non aliqua melioris frugis ratio, ſed augendæ in re medica experienciæ, & lucri auditas inducebat. Benè hominis ingenium aſſecutus Pater, è diſciplina Societatis, quæ gratis didiciſſet, gratis communicare aſſuetus, ſine multâ ambage, quæ communicanda fuerant, candidè aperuit. Deuinctus is prompto adeò officio, & ſinceritate, plura exquirendi deſiderio, magnam animi beneuolentiam teſtabatur Patri: imò ſtudioſè ab eo cum reliquis Hollandiſ poſtulauit, vellet ſaltem anno ſecum hîc commorari, vt valetudinis eorum primum habitâ curâ, etiam habendæ poſtmodum

dum scientiam communicaret. Hanc sibi mansionem minimè infructuosam fore: præter enim commune stipendium, affore priuatorum liberales manus, quæ profusiore auro argentoq; sanitatem redimerent. Sed Pater Albertus potiore præ oculis profectionem Iaponicam habens, nullo modo se id facturum respondit; & quamuis tota sibi offerretur Hollandia, ne vnicum quidem mensem spontè hîc exigeret. Quæ responsio asperior, prædicantem ita commouit, vt acrius insisteret. Recordaretur se esse captiuium, & qui persuasioni beneuolæ nollet cedere, alieno nutu cogi posset. Sed hæc facilius tuerat refellere Patri, ad ipsius Medicinæ, cuius gratiâ hæc dicebantur, confugiens præsidium. Quæ, inquit, à coactō medico sanitatis fiducia? cui ad manum est, sub remediorum suauī inuolucro, lethalia propinare venena, idq; impunitâ & securâ licentiâ. Et absit hoc quidem à virtute, & Religione mea, (cuius mihi candor illibatus, legis instar est) quæ tamen prudentia esset alienæ virtutis dubiæ fidei, certum vitæ propriæ discrimen permittere? Redijt ad mentem Minister, & à sollicitando Patre postmodum recessit.

Iamq;

Jamq; sex mensium spatium intercesserat, transactum inter grauia captiuitatis incommoda, & plurium morbis laborantium ægri tudines: cū, redeunte ab Iaponia naui, quæ argento, alijsq; mercibus grauis appulerat, oblata occasio Gubernatori est, in aliquod Hispanorum præsidium captiuos relegandi. Quare nullâ aut præmonitione, aut optione datâ, nauem iubentur conscendere. Facilis expeditio nauigationis fuerat illis, quibus sarcinulæ nullæ, impedimenta amota omnia, ad suos, autem, perueniendi desiderium, moras omnes præscinderet. Nauem itaq; conscendunt, & vasto commissi pelago, ignorabant, Iuamne, quæ Hollandorum præsidio firma est, an Cochinchinam, Macaũue nauigaturi essent. Factum tamen constanti impulsu ventorum, vt post dies sex (quos magnâ egestate, & continuato ieiunio, inter nauticorum ludibria, exegerunt) simul cum alia, casu occurrente Lusitanorum Liburnica, portui Cochinchinæ accederent. Quam, nisi amicum in portum maturè se subduxisset, tanquam rapinæ suæ destinata, de prædari Hollandi moliebantur: sed irrito conatu. Incessit eos postmodum cupiditas,

tas, nauem illam, quam manibus non poterant, saltem oculis delibandi : ergo Patre Alberto secum accepto, Hollandus Præfectus Lusitanam adiit nauem : omniaq; perlustrauit. Cùmq; iam redeundum esset, Patremq; , vt abiret, hortaretur; renuit ille, dixitq; non facturum se, vt, postquam in libertatem venerit, iterum se seruituti, fructu nullo, aut Diuinæ gloriæ vberiore prouentu, permetteret. Ita soli Batauo redeundum fuit. Pater Albertus autem summâ omniū hilaritate, & beneuolentiâ acceptus est. Patrum Societatis præsertim, qui duo illic degebant, Italus vnus, Lusitanus alter. Mirabantur hominem, aëris, & laborum, malignitate, totum pallidum, veste lacerâ, sordibus situq; grauem. Magnâ itaq; tractatum humanitate, Cochinchinam deduxêre. Idem, post duos dies, cum alijs concaptiuis, quos liberos dimisêre Bataui, factum est.



C A P V T XIII.

*Æger à captiuitate Formosam Insulam
describit, item P. MARCELLI MA-
STRILLI gloriosum apud Iapones Mar-
tyrium, & P. ANDRÆ RY-
DOMINA felicem apud Sinas
obitum.*

Libertati restitutus post septem mensi-
um spatium (quorum vnus nauigatione,
sex alij Formosæ Insulæ commoratione
extracti sunt) vbi aliquot dies Cochinchina
quieuisset, Macaum nauigauit. Alio-
rum enim curandis morbis cum impensius
laborasset Pater, grauem quoque sibi ipsi
consciuit ægritudinem; propter quam, de-
fectis planè viribus, Macaum redijt. Ma-
gnâ omnium lætitiâ, sed præcipuè Patriæ
Emmanuelis Diaz, illius Prouinciæ Visita-
toris acceptus; qui diu iam ante sollicitus,
quânam terrarum, aut maris parte, Pater Al-
bertus teneretur, quaquaversum ex Mala-
censi portu dimissis Patribus, peruestigari
iusserat, vbi nam moraretur. Hi diligen-

tiſſimè iam, ad Bantam Doganam (promontorium eſt Anglicorum præſidio munitum) iam ad Giacatram, aliasq; oras, cùm inquiſiſſent, nullibi quidquam de eo inaudierant; nemini in mentem veniente Formoſâ Inſulâ, tanquam inuſitatæ in illis partibus nauigationis. Hic itaq; æger, & debilis, iuuandæ valetudini, curam, quam poterat, Macâi impendit. Cùmq; iam à morbo aliquantulum conualeſceret, præter ſuperius poſitam captiuitatis ſeriem, alia, quæ ſcitu digna iudicauerat, noſtris regnis communicauit. Proferam ego hîc, quæ in manus meas venêre, ne ætatem poſteram, piſſimi labore Patris, tanquam vnico, & diuite defraudem peculio. Romam itaq; in hæc verba ſcribit.

Ego de me quid amplius dicam? niſi quòd hætenus Crucem Domini ſector. Siquidem, ex quo diſceſſi Româ, nil amplius accidit mihi, præter infirmitatem, tribulationes, miſerias, pericula in mari, & in terra. Vltimò, incidi in manus Hollandorum, qui ceperunt nauigium, in quo eram, & Pater Marcellus effugit in alio nauigio Manilam, vnde diſceſſit in Iaponiam, & iam factus gloriſſimus Martyr. Videat Re-

Reuerentia Vestra admirabilem DE I ordinationem, & obstupescat. Ego, qui tot annis quæro, adhuc mihi restat quærendum, & illi statim sponte suâ, tam felix est oblata occasio. Væ mihi! quia peccata mea impedimento sunt huic tam grandi desiderio meo. Ego post aliquot dies, discessurus sum in Regnum Cocincinæ, ad prædicandum ibi Euangelium. Messis ibi multa, & inuitatus sum à Magnatibus illius Regni, ut veniam. *Spero aliquem futurum Dei glorie progressum.* Hæc ille Romam: Quæ verò in Poloniam directæ fuerunt literæ, sunt eiusmodi.

Reuerende in Christo Pater.

Pax CHRISTI.

NON cesso scribere hac vice Reuerentia Vestra: quia fortè amplius non mihi dabitur tempus; ut hæc literæ sint signum antiquæ meæ obseruantie erga Vestram Reuerentiam. Scripserunt mihi aliqui ex Prouincia Lituania, quorum in India accepi literas: Deus illis retribuât charitatem. Mitto Reuerentia Vestra imprimis in his inclusum, captiuitatis meæ ordinem apud Hollandos, in Insula dicta Formosa. In his enim gloriabor, id est, cruce meâ, & infirmitatibus

meis. Ista sunt enim omnia mihi, ex quo exiit
 Româ, panis quotidianus; ita ut mirum sit, ad-
 huc me esse superstitem. Sed necdum satiatus
 sum: superest adhuc mors pro nostro amantissimo
 Domino. Hoc nunc tento, nimirum ingressum
 in Iaponiam, & inuenio mille difficultates à no-
 stris superioribus, qui timent vitæ meæ, cum
 ego nil minus timeam: imò pro lucro æstimem,
 mori pro eo, qui prior pro me mortuus est. O uti-
 nam vincam has difficultates domesticas! ut pos-
 sim aliquando certare prælium Domini, occum-
 bens illi victima grata. An fortè huius paupercu-
 li desiderium exaudiet Dominus. Soluerunt è
 portu Malacensi quatuor nauigia: hostis infecu-
 tus omnes, socio meo P. Marcello Mastrilli fuit
 causa, ut iret in Manilam, & inde in Iaponiam,
 & fieret gloriosissimus Martyr; & me duxit ca-
 ptium. Videat Reuerentia Vestra effectus mi-
 rabiles, nostra Sanctissima voluntatis Diuina. Et
 nunc sum Macai, tentans vehementissimè ingres-
 sum in Iaponiam; & quamuis certa mors, cum
 tormentis excessiuis me maneat; ardeo, suspiro;
 non ire, sed volare cupiens. O utinam! o utinam!
 ista sint ultima litera ad vos. Sed va mihi! quia
 peccata mea, mihi obstant. Iste est murus, hic
 vallus, qui me tam fortiter impedit, ne assequar
 meum finem desideratissimum. Mitto Reuerentia
 Vestra

Vestra literam, seu descriptionem mortis, & vitæ Patris Rudomina, scriptam à socio ipsius, in Missionem Sinensi à Patre Benedicto de Matos, qui omnia verè scripsit: siquidem vir sanctus est, & quem imago Saluatoris dignata est alloquio. Mitto & descriptionem Martyrj socij mei, in itinere Malacensi, quod subiit (heu me! sine me) in Iaponia in ciuitate Nangasacki. Benè consulat Reuerentia Vestra. Habui reliquam Sancti FRANCISCI Xauerij: sed. hanc, cum septuaginta capillis, puto proiecerunt in mare Heretici. Has reliquias destinaueram mittere pro Collegio Cracouiensi, sed non placuit Deo; boni consulat animum. Sanctissimis Sacrificijs Reuerentia Vestra, multum me commendo. Macai 2. Ianuarij, 1638.

His inclusa literis, & ab ultimo Oriente in nostram vsq; Poloniam transmissa est, tum Insulæ Formosæ descriptio, tum aliorum Christi Athletarum, qui aut socij viarum Patris, aut conterranei eiusdem nationis extiterant, vitæ præclare actæ enarratio. Quæ interim subiecta oculis placet, hic relegere, dum ad ipsiusmet Alberti, egregium Christianæ fortitudinis agonem, pedetentim accedamus. Quorum aliqua, quamuis non ignorem erudito calamo, & elegantiore venâ in lucem Orbis emanasse; mihi

mihi tamen religio fuit, quæ ad manum
venêre, hîc præterire illibata.

C A P V T XIV.

Insulæ Formosæ Descriptio.

NOmen non inane rei, Formosa Insula
obtinuit : siquidem ybertate soli,
amænitate locorum, incolarum, præ reli-
quis Indiæ populis, elegantiore constitui-
one cognominem refert pulchritudinem.
Inter Sinensis Regni, & Iaponum terras in-
termedia, ad viginti quinque graduum lati-
tudinem protenditur, sortita eleuationis
poli gradum secundum supra vicesimum.
Qua mari attingitur, accessum, propter
hinc inde circumstantia vada, penè habet
imperium. Incolæ, palis fundo defixis,
consignarunt profundiores mæandros; si-
ne quorum subsidio, & observatione, ne
ipsi quidem, portum rectè tenere possent.
Locus littoris arenosus, & siccus, cui Hol-
landorum munitio & arx incumbit. Quâ
verò parte Orientem spectat, tuetur conti-
nentem, præsidium, & propugnaculum Hi-
spa-

spanicum, 15 à priore leucis dissitum. Tellus, ad miraculum, viriditate amænâ germinat, protuberante, ad palmos nouem, aut decem, pratorum gramine; quod locupletem saginam, tum gregibus Hollandorum pascualibus, tum alijs, quas syluæ numerosas alunt, feris, subministret. Interiora terræ syluis teguntur, rarâ virentium arborum, arbustorumq; & nemorū viriditate: conualles, dulcis aquæ purissimis irrigantur riuis, & in exoticas, illicq; nasci solitas herbas excrescunt. Ceruorum, syluis adeò numerosa egreditur multitudo, gregatimque inuadit campos, vt non syluestris feræ genus, sed armenta potius domestica à longè venientibus videantur. Species animalium, quas incolæ fouent, nostratibus communes, sed formæ & staturæ maioris. Alces quoq; , quod genus alibi rarum, hîc abundat: cuius non modo carnes palato gratæ, & acceptæ sunt, verum & excussa sinistri pedis, dum enecatur vngula, epilepticis persanandis proficit. Auium volutumque magna copia. Perdices in nostri caponis magnitudinem, pinguedine suâ excrescunt. Tellus culturæ cuiusuis capax, & idonea. Quamcunq; ei sementem credide-

dideris, multiplici prouentu redhibet. Spontè verò, in eminentioribus, & soli meridiano magis admotis locis, Cinamomum, Canphoram, Sinicum lignum, falamq; parillam progenerat. Piper in syluis moderatè legitur. Quin & auri, argentiq; intus latentis, spes magna inoluit Hollandis, nec dum tamen intimiùs viscera eius sunt perscrutati.

Gentis indoles, præ reliquis Indiæ populis, ad humanitatis leges videtur inclinata, honestâ vt plurimùm vultûs formâ, corporis constitutione firmâ, & validâ, staturâ supra mediocritatem procerâ, agilitate verò adeò veloci, quæ cursu ceruos conlectari, & assequi valeat. Cæterùm institutionis, & cultioris vitæ, admodum rudis: simulacrorum, & idolorum addicta cultui. Lapides fluuiales teretes, magisq; à natura politos, diuinis honoribus dignantur: illisq; eminentiore, & amæniori collocatis in campo, nuces Indicas, aliaq; præcipui gustus libamina, quæ ipsimet in delicijs habent, ad contestandum affectum, & subiectionem, immolant.

Rotundas, vt plurimùm, virenti iunco, & arundine contexunt ædes, quæ à longè
spe-

speciem reddant, cuiusdam, per frequentia
ambulacra, adornati viridarij. Tentari co-
rum ad Christiana sacra facilitas, per Cal-
uinisticos Ministros cæpit: nec reluctantes
reperit, qui dicto audientes, magnâ fre-
quentiâ adesse amant eorum malæ Fidei
sacris; extructâ, eius rei gratiâ, amplissimâ,
ex arundine, aulâ, multorum millium ho-
minum capace. Cæterum nulla illis pu-
doris, aut verecundiæ ratio, vestitus nullus.
Reges, à reliquis, capitis quodam orna-
mento, distinguuntur; quod è caluarijs in-
terfectorum hostium minutim lectis, inter-
currente fili serici lympo, diadema confi-
cit: è collo verò pendent gemina testudi-
num conchilia, eminentibus supernè apta-
ta officulis; quæ excitato modicè tinnitu,
procedenti Regi, apud reliquos reuerenti-
am imperent. Regis exemplo, prima reli-
quis capitis cura est; cui tegendo, strami-
nea ferra, pilis bubalorum illigant; & vel
aurea, cytreâq; mala, vel versicolores im-
plicant auium alas. Cæterum penitus nu-
di, aut certè lato cingulo, quem herbis flo-
ribusq; varijs texuerunt, satis, vsq; & ad
luxum, vestiti. Bellâ cum vicinis populis
magnâ satis exercent ferociâ, extra tympani

ni, aut fistulæ ferreæ sonum; (quæ duo, tanquam excussum è nubibus fulmen, auersantur, & fugiunt) totam in arcu, & telis, ferræ in modum præsectis, & in acutum mucronem desinentibus, belligerandi peritiam collocant.

Contigua verò, ex aduerso Formosæ, Insula; adeò ab omni humanitate diffformes alit homines, vt, quoscunq; aduenas nacti fuerint, summâ crudelitate, inter geniales plausus interimant, & barbarâ auiditate depascantur. Statura illis Gygantææ prolixitatis, & ad quindecim palmorum altitudinem protensa, color triticeus, & quoad candorem, inter alios Indiæ populos princeps; tota vitæ ratio, ad ferinos mores, ex ingenio crudelitatis composita.

Reliqua, quæ de Regione hac annotari curiosius potuerant, Pater Albertus describendo præterijt, non aliam & huius scripti rationem referens, quàm vt nostro constaret Orbi, non deesse vberissimam Euangelij messem, si accedant cælestis agricolæ fideles operarij, qui extirpatâ perfidiâ, plenos Neophytorum manipulos Ecclesiæ sanctæ aggregent Horreo. A Formosa Insula, ad alterum propositæ narrationis redeamus caput.

CA-

CAPVT XV.

P. ANDREÆ RUDOMINA,
Vita & Obitus apud Sinas.

Pater Andreas Rudomina, natione Lithuanus, è Nobili, præcipuisq; honoribus in Magno Ducatu Lithuaniae celebratus Familiâ, postquam pueritiam, & primos adolescentis ætatis annos, humanioribus literis excoluisset Domi, Romam profectus, grauioribusq; & diuinis eruditus scientijs, & in Societatem I E S V admissus, Missionem Indicam apud Adm: Reuerendum Patrem Generalem enixè expetiit. Utq; id postularet confidentius, cælitus (prout socio itineris postmodum confidenter aperuit) inditam eam sibi mentem, speciali quâdam apparitione accepit. Visus est quippe inter somni quietem videre vniuersarum terrarum orbem, spheræ in modum quatuor partib⁹ distinctum, quem, suppositis humeris, Patres Societatis IESV vndiq; fulcirent: inde tamen qua Orientem spectabat, grauiori pondere adeo succollatorum suorum deprimebat humeros, vt

H

mul-

multi eorum laeso corpore, languentibusq; viribus, multo sudore madidi deficerent, omni subsidio & solatio destituti, cum alibi occupatis, sua non deessent lenimenta laborum, & vicaria quandoq; cum operantibus quies.

Ecce verò modico elapso tempore, adfunt prompti è cælo, iuuenum alatorum, in morem, Diuini Spiritus, qui candidis sudarijs, vbertim ab ore, genisq; manantem sudorem exciperent; vultuq; deterso, madentia illa lipsana, tanquam sudantis ab amore balsami, odoratas guttas, cælesti in Ara, ipsius ante conspectum Numinis, in odorem suauitatis arsura deponerent. Et quidem gratissima hæc fuerat Æterno Patri oblatio, quæ animam vitamq; ipsam salutis animarum impensam spiraret. Quare, nec potuit dimitti absq; munere. Singula sudariola, singulis rependere coronis iussi sunt Angeli, quæ ingenti fulgore auri, gemmarumq; radiarent. Tum primùm tanto excitati cælitum munere Patres, addente vires præmij amplitudine, accinxere sese operi, & illi eleuando Orienti, non ignauos submisere humeros; curarum, aut sollicitudinis respectu nullo. Hæc vbi P. Andreas,

dreas, adhuc extra sustentantium numerum constitutus, considerat, inuitatus ab Angelo (quem ille custodem suum credebatur) est, cui vellet terrarum Orbis parti sustentandæ, sese addiceret. Circumspicere is primùm, secumq; deducere, quibus impendijs, quæ præmia, solatiaq; responderent: mox illi circa Orientem occupatæ, sese recens, facilisq; adiungit operarius, probante electionem Tutelari suo; nouumq; Athletam, Agonothetæ Christo præsentante: acceptaret vt ipse prompti voluntatem desiderij, & primos conatus, vberiori gratiâ, cælestibusq; auxilijs firmaret. Annuit supplicanti Dominus, pronum se affore, voce intelligibili pollicitus; esset bono animo, in eaq; terrarum parte vltimum se obiturum vitæ diem consideret: quod concepisset animi propositum, ad Superiorum deferret notitiam; acturum se eorum in animis, omnia vt ex voto procederent. Somnus hic, aut quædam, sub somni effigie, cælestis apparitio fuerit, non mihi promptum est dicere. Euentus postmodum docuit, vanam eam significationem non fuisse. Siquidem die postera, vbi humiliter desiderium suum Adm: Rñdo Patri Genera-

li exposuisset, spem minimè dubiam accepit, Theologiæ quadriennio ad metas deducto, iter Indicum aggredi: quod & factum est. Antequam tamen itineri sese accingeret, sacris initiatus, Romæ primum Sacrosanctâ Altaris Hostiâ Diuinæ Maiestati litauit, præmissâ ante corporis, per acerbam poenitentiam, diuexatione, animique, per solita Exercitiorum Spiritualium fomenta, excitatione. Hisce præmunitus amuletis, postquam, coelitem fauoribus, illustres per Italiam adijisset Lares, inibique subsidia Diuorum occupasset, prolixæ in Indias nauigationi sese cōmisit. Vbi peruigili, circa difficillima quæq; studio, magnâ in obsequijs egentium promptitudine, Diuinarum rerum tractatione eximiâ, hoc apud nauium Præsides, hoc apud nauticam obtinuit plebem; vt ex moribus eius, & Religiosâ, decentiq; modestiâ formato iudicio, non alio, quam sancti eum nomine hominis compellarent. Goam vbi peruenisset incolumis, primam Nosodochia curandi, sibi poposcit curam; in ægrorum subleuandis miserijs assiduus, vt non triremes, non carceres, non vlla fex hominum, extra illius esset projecta charitatem; sed totos

penè

penè cum eis dies, vel Sanctorum administrationi SACRAMENTORVM, vel instillandis Fidei rudimentis infunderet, tantâ propriæ valetudinis negligentia, vt macie contracto vultu, & in pallorem deiecto, nihil tamen de contentione immiuueret laboris. Superioribus quoq; ne quid hac in parte nimium excederet, admonentibus, identidem responderet; non è vultus macie, pallorq; virium vigorem colligerent, quem sibi promptum ad laborem fore, cum gratiâ DEI consideret.

Interea tamen, cum feruore spiritus metitur imbecilli corporis exile robur, & se difficillimis quibusq; permittit obsequijs; sensim ingrauescente debilitate, quartanâ feбри corripitur. Quæ licet certa faceret, interstitia quietis; iam tamen difficiles reddebat labori vires, pertinaciâ diuturnioris mali fractas. Itaq; maiorum iussu, restituendus fuerat sibi, vt valetudini recuperandæ incumberet, ad quam iuuandam, præcipua visâ est aëris mutatio, quæ, terrarum, altero situ, magis salubri aurâ, membra languentia animaret. Commodum per id tempus acciderat, Patrem Rectorem eiusdem loci, Macaum discessionem adornare:

comes proinde ei Pater Andreas additus est, eò libentius abiturus, quò intimius, Orienti ipsi, & parti præcipuæ, sibi cælitus destinata, operam esset nauaturus. Febribus ne quidquam itinere diminutis, primum Macaum, mox ad vltiores Sinensis Regni Prouincias digreditur, iactatione maris, & longinqui, ac inexperti humore aëris in tantum præualente; vt febris quidem quatríduana, mensium aliquot spatio commorata, recesserit; sed comites reliquerit seipsâ peiores; languorem nimirum, & imminentis tabis malè iacta initia. Sed ille posthabitâ imbecillitate virium, vt se quoq; illarum Prouinciæ curandæ salutis idoneum redderet instrumentum, linguæ Sinicæ addiscendæ incubuit, (qui labor sanè arduus, multiq; operis, ob vocabulorum & nominum multitudinem inconditam, & dialectorum varietatem multiplicem) illius perceptâ notitiâ, sed nequaquam valetudine restauratâ, calidioris aëris regionem ad mansionem designatam accepit. Prouinciæ scilicet Sinensis, Regni Fonkien dictæ, Metropolim Fechêufu appellatam. Huc vbi primum appulit, & Domum Soc: I E S V inuisit; benignè a Superiore domus illi.

illius acceptus; magnâ animi submissione, ad omne obsequij genus, promptissimam voluntatem testatus est. Vnicam sibi esse incommodo imbecillitatem virium, quæ, & domesticis futura esset oneri, & sibi, quominus, iuxta animi votum, partes boni ageret operarij.

Hæc officiosæ humanitatis erant præludia. Verùm non destitit Pater, quamvis ægris viribus, agere rem DEI, & suam. Excipiendis pœnitentium peccatis aurem, præbere singulos ferè dies; Sinico idioma te ad populum frequentem, diebus sacris, verba facere; idq; magnâ Spiritus incitati facundiâ, non mediocri audientium fructu; qui dicentis moderationem, cæterasq; animi, & indolis egregiæ contemplati dotes, virum esse debere illustri genere, & nobili maiorum sanguine ortum, diuinabant: & vt talem, speciali reuerentiâ, & opinione singulari virtutis, sunt prosecuti. Sed ille, deterius collabente valetudine, ruptis vitalibus, exulceratisque pulmonibus, tussi lentâ confici videbatur; quæ interdum libras aliquot sanguinis, ab intimo pectore, emouebat. Adhibita à Superioribus cura est, quæ eo loci poterat, recenti enim illic

habitatione Patrum Societ: nondum satis cōmoditati infirmorum prospectum erat. Sed & Pater Rector Macaënsis de ipsius infirmitate certior redditus, literis ad Superiorem Residentiæ datis, commiserat, vt, si placeret, & vellet, liberum haberet P. Rudomina, iterum Macaum remeare: vt, si quidpiam remedij adhiberi malo posset, maturè prospiceretur. Sed vbi hæc P. Rectoris sententia, P. Rudomina lecta est, parere magis imperio, quam eligere facienda pro arbitrio assuetus, mansurum se potiùs in loco, expectaturumq; mortem, tanquam in designato à moderatoribus suis campo, respondit: vnicam prætexens rationem, seruatae firmiter consuetudinis; nullum se hactenus, ex quo in Indijs esset, aut officium, aut habitationis elegisse locum, quem non simplex, & clara Superiorum voluntas expressisset. Itaq; ingrauescere morbus, & mortifera tabes, omnem melioris succi vigorem depasci ausa, hominem sui possessione deiectum, intercluso liberiori spiritu, contractisq; neruorum officijs, lecto affixit. Natali D. Ioannis Baptistæ die, protracto vltra horam Missæ Sacrificio, quod & continua tussis, & deuotionis, amplior circa

ca extrema, affluentia, ad consuetum tempus reduci non permittebat, vltimùm aris adstitit. Magis postmodum debilis, vitam vsq; ad nonam Septembris traxit potiùs reluctantem, quàm deduxit; singulos planè dies, singulari redimendo tolerantia, nihil aut de rerum penuria, aut incommoditate loci questus; quam tamen peregrino in solo, inter ignotos, & nulla necessitudine, aut humanioris culturæ beneuolentiâ subactos populos, sacris, moribusq; longè diuersos, euenire frequenter oportuit. Donec in compendium maioris pœnitentiæ, medio gutture aposthema excreuit; quod cùm fauces, gulamque premeret, nullam, transmittendo cibo copiam faciebat. Et cibi quidem minor cura P. Andreæ fuit: inde erat sollicitudo maxima, quòd modus non esset, angustè contractis faucibus, Sanctissimum Angelorum panem, in os, visceraq; transmittendi: candidèque Patri de Mattos fassus est, vnicam hanc curam, mentem sibi excoquere, nullamq; aliam, consolationi rationem suppetere, præter hanc; quòd negatum in hac vita vsum cælestis alimonix, abundè sibi compensandum, illius licitatis beatissimo congiario,

consideret. Quartâ demum Septembris, inclinante ad vesperam die, Pater quoque propius adesse fato suo cæpit. Et Sina quidem Medicus, dissimulato mortis imminenti periculo, nihil determinando, recessit. Cæterum letalis pulsus, & deficientes vires, è proximo imminere mortem testabantur. Itaq; supra memoratus Superior, accedit Patrem, eoq; infirmitatis constitutum denuntiat, vnde certius immortalitatis sibi ineundam viam promitteret. Ageret itaq;, & quidquid impedimētorum esset, amoueret; certa; subsidia futuro itineri disposeret. Ille verò ad dictum erectior, & supra ægritudinis sensum ridens, lætusq; interrogat, videreturne possibile, adeò proximè instare sibi tempus vltimum? Affirmâte Patre, crastinam non adfuturam hucusq; lucem, cum ille iam æternitatis constitutus in ianua, perueniret ad laborum coronam: tum verò latior P. Andreas, exultare, & dicere: Proxima hora est! Ô beatum me! qui certum accipio nuntium, perueniendi ad hoc bonum, quod medullitus expecto, & concupisco. Agat gratias Deo meo, quibus agendis ego per valetudinem non sufficio. Vitæ deinde totius ratio-

tiones, & discutiendæ conscientiæ tempus ponere exaggeratiùs cæpit, sacrâq; exomologesi præmissâ, veniam peccatorum, magno cum dolore, & pietatis sensu obtinuit; totamq; noctem alterius præmeditationi vitæ, & inuocationi cælestis opis seposuit. Illucescente sole, aduocato Neophytorum Sinensium tenero grege, vltimo agoni, exitu Christiano, benedicto oleo inunctus est, mente ad eò futuro certamini intrepidâ, & constante, vultu ad deuotionem & pietatem composito; vt & mysterij distinctè perciperet sensum, & verba præeuntis Sacerdotis, respondendo ad singula, compleret. Christianis, quâ poterat consolatione impertitâ, dimissis; precibus obnixis cum Patre Superiore egit, vt sibi tanquam pauperi, minimi pretij tumbam (quam confici, ex sono, & strepitu intellexerat) adhiberi curaret: deinde sibi, vt præsens, ad eò necessario tempore, assisteret. Vtrumq; ex præscripto Societatis Constitutionum fore, promissum. Omnium itaq; securus, totâ mente cælitum prægustandæ felicitati incubuit. Cum post mediam noctem, currente horâ secundâ, lecto assurgens P. Andreas, Patrem de Mattos præsentem, in hac

hæc verba allocutus est: Accipe, quæso te, Pater, quâ potes veneratione, Sanctum nostrum Patrem IGNATIVM, qui ecce me præsentia suâ dignatur; Dux, sociusq; itineris mei futurus huc aduenit. Interrogante Patre, quibus officijs eam venerationem testari deberet? nihil ad interrogationem P. Rudomina respondit; sed oculis certo objecto defixis: Ah, inquit, mi Pater! quàm decori maiestas vultûs! quis splendor circumfusus Sancto! Beati huius comitatûs quàm illustris facies! En quàm benigno aspectu me contuitus, ad se inuitat! iubetque hâc mortalitate excedere! Aspectu postmodum viuido, sequi quempiam præcuntem videbatur, donec & intenta oculorum acies paulatim languesceret, & ipse naturalis calor, placidam declinaret in mortem.

Nondum plene illuxerat dies, cum audito Patris, è viuis excessu, frequentissimi conuenêre Christiani; qui magna deuotione, & pietate, Patris circumfusi corpori, eum Sacerdotis cultu Sinici, deposuere loculo ligneo, & spectandum amicis liberiori tempore proposuere. Mansit ita, oculis condolentium amicorum expositus, vsq;

ad

ad diem octauam Septembris. Quo tempore auditus est à nonnullis Christianis² gratus quidam, & suavis in Ecclesia contentus, odorq; suauissimus, corpori circumfusus. Et Pater Iulius Alenus in Fôrtum degens, eodem, quo Pater Andreas è viuis excessit tempore, adco insignem lucem, totâ suâ Ecclesiâ radiantem, fulgentemq; admiratus est, vt meridianâ claritate splendidior (quamuis secundâ post noctis medium horâ) videretur. Splendoris erat gloriæ, quam eo tempore consecutum Patrem Andream, piè Pater ille est arbitratus. Funebri pompâ elatum extra urbem cadauer est, ad destinatum funeri hominum Societatis IESV locum: (mos siquidem obtinuit Regni illi⁹, nullus vt mortuorum, etiam præcipuæ auctoritatis, intra urbem sepulchrum collocare possit; sed in amœniore, intra pomæria, loco, eminentem, quempiam collem, cumq; arboribus confutum eligat, quem funeri designet) Hunc nuper Societatis IESV Superior, pretio, in eum vsum, comparauerat, collemq; altiore loco editum, & crucis positâ effigie, tanquam Christianorum insigni ornatum posuerat. Christianorum ibidem operâ, & elce-

eleemosynis, tum Patris Andreæ deponendo corpori, ædificatus infra fornix est; tum aliquot circumcirca erecta domicilia, quæ, recolligendæ per Exercitia Spiritualia conscientia Christianorum, seruirent. Parentatum funeri est, corpusq; illatum tumulo, cui' supremo lapidi, hæc, Sinicis, & Lusitanicis expressa literis, inscriptio, incisa fuit: **Pater Andreas Rudomina, oriundus in Lithuania, Sacerdos, qui venit in Regnum Sinarum, ad prædicandum Evangelium; in eodem, postquam laborasset quinque annis, obiit 5. Septembris. Anno Domini, 1631.**

Gratissimam illis in Regnis Patris Rudomina memoriam, sunt testata Christianorum frequenter sepulchrum Patris inuisentium supplicia vota, & preces: quibus, non tam animæ ipsius (quam cœlo admissam confidebant) suffragari, quàm potius necessariam suæ indigentia implorare opem, fatebantur. Hæc in Sinensi Regno acta, & à P. Benedicto de Mattos è Societate, literis mandata, manu propriâ Pater Albertus descripsit: ut tam sanctæ vitæ felici exitu, inflammaret contrerancorum Polonorum, ani-

animos: quatenus, ad felicitis mortis, legitime certantibus promissam coronam, etiam à Septentrione frigido, in ultimi Orientis plagas, non pigeat deferre sacrum amoris DEI, & proximi ignem: quem non regionum terrarumq; situs, sed ille accendit, qui ignem venit mittere in terram, nihilq; magis in votis habet, quam ut accendatur.

C A P V T XVI.

*P. Marcelli Mastrilli Martyrium in
Iaponia susceptum.*

PRæclaro exemplo sanctè transactæ, & obitæ vitæ, aliam quoq; descriptionem addidit Pater Męciński, profusi per extrema supplicia sanguinis, in causâ Christianæ Fidei apud Iapones à Patre Marcello Mastrillio è Societate IESV. Cuius itineris, comes equidem P. Albertus designatus fuerat; sed illa ventorum tempestas, & Hollandicarum nauium insultus, atq; occupata, & capta, quâ P. Albertus vehebatur, nauis, hoc amicorum vnitum par, violenter distraxerat.

Pa-

Pater itaq; Marcellus Mastrilius, postquam in Indias, magnâ totius Europæ expectatione peruenisset, illicq; dignam, quæ prodigio singulari cælitùs restitueretur, vitam, magnis probasset in periculosa navigatione exantlatis laboribus, impetratisq; diuinitùs beneficijs; ad eam, quam sibi Sanctus FRANCISCVS Xauerus, manifestè ex vulnere mortifero decumbenti conspicuus, enixè commendauerat, Iaponiam, omnibus studijs contendit. Versaq; in magnam illius opportunitatem, illa ab Hollandis intentata concertatio est. Siquidem, quâ Gubernator cum Patre Marcello vhebatur, Prætoria, ventorum abrepta vi, Manilam vsq; delata est. Quæ Insula Iaponum proxima terris, sola poterat, aliquem, in Iaponiam penetrandi, offerre modum. Sed non simul atq; naui excendit, ire in Iaponiam, quamuis omninò id desideraret, P. Marcellus potuit. Famâ quippè virtutis, sanctitatisq; illius, Gubernatorem Manilæ pellexit, vt cum comitem bello, quod Saracenorum aliquot Insulis deferebat, adscisceret; habiturus ipsius orationum feruentia suspiria, in vicem magnâ ignium vi excussorum globorum, quibus Mahometis per-

perfidiam fulminaret. Nec spe delusus suus est: Tantum enim momenti aggressioni illi Patris præsentia contrulit; ut exigua manu, munitissima aliquot propugnacula, armis, militeq; & victualibus instructa, suorum iacturam minimam, feliciter receperit; ubi antesignani instar, vexillum Sancti FRANCISCI Xaverij, miraculosam imagine insigne, ordinibus prætulisset, & ter, intra ipsum conflictum, apparente sibi eodem sancto, novis in hostem additis animis, pugnae restituisse. Feliciter belli tractato negotio, rediit Manilam, alteri se accincturus prælio, quod, non armatam manu aggrediendo, sed, inuictam patientiam, hostilia omnia perferendo, peracturus erat. Itaque, quam poterat occultissime, ritu gentis fabricatam nauculam, sociosq; instruit, qui Iaponicum in littus, Japonico lembo sese deportarent: quod & factum est. Fauere venti, & ardentis illius desiderij, æmulati vota, ad Saxumæ portum, illam Christianis periclitantibus, ab Occidente exposuere subsidiariam opem. Post excensionem factam, dimissis, qui usus futuri non essent, socijs, vix duobus relictis comitibus, profundis se sylvis, & saltibus abdidit; ut inter illam nemorum solitudinem,

nem, operiretur occasionem, se, quopiam modo, adiuuandis in Fidei constantia laponibus, clam inferendi. Verum non diu tuto esse inter hasce latebras licuit. Dum enim repellendo frigori, paruum instruit focum, indicio altius emicantis fumi proditus hostibus est; qui iam ante, nauigium, quo Pater Marcellus venerat, affecuti, socios interceperant omnes; & vni illi inuestigando loca late omnia scrutabantur. Inuenere hominem orationi intentum, & suo illo foculo, quem excitauerat, longe ardentiori intus flammâ, quæ vultu toto, oculisq; promicaret, accensum; cuius reuerentiâ, & timore, nemo illum accedere, omnes mirari, nec prius manus ei iniicere ausi sunt, quàm spontè (oratione finitâ) ad eos progressus, capiendi sui facultatem fecisset. Tum primum frequenti militum stipante còhorte, quæ mille ducentos & sexaginta numeraret apparitores, Nangasachum, celeberrimam Iaponiæ urbem, deductus est, & ante Præsidem constitutus. Huius interrogationibus, cum non ex mente responderet, & comitum saluti (quos captos ignorabat) intentus, in eo esset, ut inuolutis responsis, eorum incolu-
mita-

mitati prospiceret, dictorum exquirendæ veritati, tormenta adhiberi iussa sunt, cruciatu, si vnquam auditus est, exquisito, & acerrimè vitalia ipsa affligenti. Alligato quippe ad scalas homini, plures aquæ cyathos violenter per infundibulum ori ingerunt; aquam deinde infusam visceribus, non minore, quàm infuderunt, violentiâ, compresso inter duos asseres corpore, exprimunt; vt ore, naribusq; emanans humor, subtiles quasq; lædat sensuum portas, & ipsa secum trahat viscera, maiore vi concitata. Eiusmodi tormento diem integrum diuexatus, & cruciatus Pater Marcellus, planè impos virium in carcerem conijcitur, quo vltimo perferendo supplicio, fieret validior. Secutum id non multo post tempore, quo euocatus è carcere Pater Marcellus, & Iudicis sententiâ. ad foueæ supplicium est condemnatus. Itaque apparata sunt supplicio omnia. Producitur plenus Christianæ fortitudinis, & animi Pater, mediâ capitis parte rasâ, & minio tinctâ (quod signum apud Iapones insanix, læsiq; capitis est) tanquam verus Athleta. Apostoli instructus monito. Qui vult sapiens esse, stultus fiat, vt sit sapiens; ore, aut

iniuriam Christiani nominis, ferrato veste prohibito, & occluso, ne quidpiam ultimi solatij adstantium Christianorum auribus infunderet; manibus præterea à tergo reuinctis, strigoso, ac elumbi iumento imponitur. Hoc itaq; apparatu ductus ad destinatum supplicij locum est, per patentes ciuitatis plateas, præferente vno ex militibus labarum, in quo crassioribus literis descripta supplicij causa, quo facilius à quolibet legi posset; & sensus eius erat. Hunc hominem stultum, ob violatum edictum Regium, & contemptum, quo omnis extera prohibetur Religio, morti esse tradendum, eiusdem Decreto Regis.

Tandem in agoni suo destinata arcâ, arctissime toto circumligatus corpore, demisso in foueam capite, corpore genuum tenus supra terram eminente, è pedibus suspenditur. Passus est inuersionem adeo atrocem, constans lætusq; illamq; grauissimam viscerum conuulsionem omnium, interclusâ respirandi liberiùs facultate, toto quatruiduo, magnâ delibutus dulcedine cælesti, sustinuit; ab Octobris 14 die, vsq; ad decimam septimam diem Mensis eiusdem:

do-

donec, ob reuerentiam festi cuiuspiam, quod ex superstitione Iaponum, non permittit cæsorū corpora insepulta relinqui, capitis damnatus est. In cuius amputatione, illud singulare, & admirandum contigit, quòd grauiissimi ponderis romphæa, cuius ictu vnico, præpingui boui caput amputari consuevit, vix ad ictum tertium, priorib⁹, vix tenuiter, cutim ipsam tangentibus, resectum fuerit. Sæuitum postmodum in occisi Patris corpus, frustatimque concisum, & igni absumptum in cineres, sparsum in mare; tali condimento suauiores eas facturum aquas, quibus noui in dies Martyres, eandem nauigarent ad coronam. Supra illam, in qua Pater Marcellus pependit foueam, stella quædam miræ pulchritudinis apparuisse visa est, edoctrura idololatrias Iapones, etiam ab obscura fouea, Christianis oriri in perpetuas æternitates radiatura sidera. Prætorium autem, & tota Nangazachi ciuitas, ad ictum carnificis, quo P. Marcelli petebatur caput, magno terræ motu allisa contremuit; admirantibus Iaponibus, vnus hominis ad ictum, totam expauescere Insulam, & inusitato illis regionibus terrore quati.

Et hanc narrationem à Lusitanis, certamini adeò glorioso præsentibus acceptam, describi curauit Pater Męciński, quàm ego eadem, quâ accepi fide, hic refero. Non quòd ignarus sim, post diligentem inuestigationem, multò auctiora edita ab alijs de Patre Marcello, sed vt hæc illis minimè dissona pateant, socijqu; certamen, alterius socij laureâ coronetur. Interea, quem valetudini consulentem suæ, reliquimus Patrem Albertum, iterum reuisamus.

C A P V T XVII.

Itineris Iaponici Occasio & apparatus.

REparatis, quo poterat meliore modo, viribus, Pater Albertus, in illud destinatum animo Iaponicum iter, seriò incubuit; iunctusque Patri Antonio Capezio, eiusdem consilij, & intentionis socio, in regnum Camboiæ, maiorum imperio profectus est. Vbi aliquo temporis spatio commoratus, solitam virtutis opinionem suæ, omnium animis defixit. Regis præcipuè ipsius, qui, in illa demissione, & religiosa modestia Alberti, sanguinis quoq; & natalium

lium decus, mirificè adamauit, & veneratus est. Ille verò totum, quod sibi charitatis Christianæ officia reliquissent, tempus, ad discendæ Iaponicæ linguæ, & eorum legendis characteribus impendit; vsus ad id magno adiumento residentium Camboiæ, mercantiumq; Iaponensium: quamuis postea non ore, sed vulneribus, omniq; sermone eloquentiori patientiâ, apud Iapones, pro Christo legatione esset perfuturus.

Atq; dum inter hæc studia non segniter versatur cum socijs, Pater Emmanuel Diaz Japonæ Prouinciæ Visitator, fatis decessit. Substitutus in locum ipsius, designatione Superiorum Pater Antonius Rubinus, vir, præter insignem vitæ sanctimoniam, humanis, diuinisq; scientijs eruditus, quas, præcipuo Indiæ loco, in Collegio Cocinensi professus est: multisq; annis idem Collegium, ac postmodum Piscariense, Rectoris potestate gubernauit. Hic, vbi admodum Rñdo Patre Generali Mutio Vitellescho munus sibi iniunctum accepisset, quatenus Iaponiæ Prouinciâ, in summas adductam difficultates, adiret; eiusq; concussam, & labentem statum, quantum vis

humana cælesti ope adiuta posset, fulciret; simulq; ViceProuincialis titulo, Religiosis Soc:inChinensi Regno degentib⁹, præesset: tanquam votorum suorum, & totius, in Societate, per varios labores exactæ ætatis, vnicam amplex⁹ coronidem, profusis vber-
tim lachrymis, muneri manum admouit; non tam dignitatis onere, quàm liberâ laponicæ profectiõis dispositione, & si ita placeret DEO, profundendi sanguinis aditu lætus. Quare, moris reiectis omnibus, Manilam se proripuit, vt ibi collato cum Patribus alijs, ipsoq; Gubernatore loci consilio, quidquid maturandæ ad Iapones profectiõis commodum esset, studiosè prospiceret. Affudisse feruenti animo Patris Alberti recens oleum hic rumor videbatur: datis enim continuo literis, obnixè cum Patre Rubino egit, non amplius differret animi sui vota, tot iam annis per continuas dilationes protracta, seu viuendum, seu moriendum in Iaponia esset: & vitam, & mortem, æquè se in manus diuinas permis-
sisse; proinde, cuius ipse Præses esset, socium admitteret profectiõis, & agonis. An-
quit ardentibus desiderijs Pater Visitator, cumq; è Missione Camboiensi, vnâ cum,
Pa-

Patre Antonio Capecio Manilam euocat, magnâ vtriusq; properatione parendi, & excessu tanto gaudij, vt tarda illis vela, lenes venti viderentur. Manilæ Gubernator, Dominus Sebastianus Hurtadus de Corcôera, certior de aduentu Patrum reditus, omni officiorum, & humanitatis significatione Patrem Albertum prosecutus, hospitem prior in Collegio inuisit ipse; venientemq; postmodum ad palatium suum, suscepit erecti baldachini honore, sub quo collocatum Patrem alloqueretur, tractaretque; & veluti præsumeret honorem, quem ei, omni honore maior pro Christo captiuitas, & mors comparabant. Hic, cum celeratis studijs, futuro itineri disponuntur omnia, iterum velut ex portu iam soluentibus, noua difficultas remoram iecit. Subodorati nempe Camboiæ, aliorumq; locorum Præsides, quò Patris Rubini, aliorumq; intentio aspiraret; & quod, Manilensis mansionis prætextu, Iaponiam destinarent; veriti, ne grauis quæpiam iactura, ex eorum profectioe, commercijs, opibusq; suis immineret, (cum non in eos tantum sententia Imperatoris desæuiat, qui illuc sponte suâ venerint; sed in eos

quoq; qui iter adornant, & commoditati prospiciunt) tum apud Patrem Visitatorem, tum apud Gubernatorem Manilæ, efficacibus egere literis, iter ut eorum, non modo nullo adiuuaret subsidio, sed quibus posset modis præpediret. Non frustra hæc Patri Visitatori propositæ fuere rationes, qui ita promouendam alacritatem fidei susceperat, ut nullius dispendio, periculoq; constaret. Quare operiri interea commodiorem occasionem certum habuit. Vna hæc fuerat, & vltima peculio suo timentis demonis machina, qua Diuinæ augmentum gloriæ amoliri cum non posset, saltem retardare nitebatur. Mansere tamen Patres, ea expectatione suspensi, & tanquam à ianuis patentis paradyssi, iterum redire in mundi solitudinem iussi. Sed non immuta sunt eorum studia, fomesq; extinctus, qui spei, fideiq; feruentis tam diu foueret scintillam, donec suæ maturum flammæ incendium sequeretur.

Ergo iam Annus Domini supra Millesimum Sexcentessimus Quadragesimus Secundus aderat; neque amplius protrahendam esse visitationis suæ obligationem P. Rubinus existimans, tanquam classicum,

Ja-

Japonico itineri cecinit; certam diem destinans, quâ clâm alijs inscijs, ne in communem famam vulgaretur profectio, fuerant discessuri. Gubernator supra nominatus, Patris præcipuè Alberti, probè compositis moribus, virtutisq; indice modestiâ deuinctus, vbi iam conclusam de traiectione in Iaponiam Patrum Soc: sentetiam cognouisset, totum negotium sibi disponendum accepit; proprijs impendijs, sumptu ad octonorum millium regalium accedente, nauigium, classiariosq; instruxit; & præter consuetum pecuniæ demensum, nouâ insuper liberalitate deductorum in Iaponiam Patrum, præmium, naucleris, nauarchisq;, & classiariæ turbæ, ad sex pondo milia argenti pertingens, pollicitus est. Dispositis in eum modum omnibus, reliquum fuerat, vt non modò à Manila in Iaponiam, sed quodam modo à portu mortalitatis, ad aliam Patriam vela facturi, quisq; suis, quos in Christo dilexerant, amicis, vltimum per literas vale precarentur.

Pater Albertus cum Collegio Craconiensî, nihil foueret in præcordijs ardentius; præter datas ad Collegium plenas affectûs,
&

& beneuolentiæ literas, etiam, quæ duo in vita habuerat charissima, nempe Christi è cruce pendentis, ebore elaboratam effigiem, & Beatissimæ DEI Genitricis Virginis ære depictam imaginem, eidem Collegio addixit: vsus in transmittendis operâ P. FRANCISCI de Rôâs Societatis IESV, Manilæ tum degentis. Qui licet modis omnibus contendisset, pretiosum adeò pignus in nostras vsq; terras integrum transmittere: ea tamen infelicitas nauigationis fuit, vt circumuento ab hostibus fidei nauigio, Christi quidem effigies, cum eo quo utebatur Breuiario combusta arserit; Diuæ verò Virginis imago integra, serò tandem ad Collegium Cracouiense delata, asseruatur tanti Patris mnemosinon, inter pretiosa Diuorum lipsana repositum. Quod totum meliùs testatum faciam, si Reuerendi Patris FRANCISCI literas apposuerò, quæ, præterquam quòd rei seriem aperiant, etiam laudem, & testimonium singulare Patri Alberto nostro attribuunt. Primis itaq; ad Patrem Rectorem Cracouiensem datis, 1647. Kalendis Augusti ita loquitur.

Non iniucunda obiecta mihi occasio est, quâ absens, per epistolam, ab extremis Philippinarum,
or is

oris Reuerentiam Vestrā conuenirem. Lator
quāmaximè, ubi p̃ys aliorum iussis obtempo-
randum est, & votis unā meis indulgere. Fortu-
natissimum Martyrem, ac Apostolicum virum Pa-
trem Albertum Męcińium, hac in vrbe Manila,
nouī, unicè dilexi, ac humanissimè pertractaui:
à quo & mihi pręstita officia sunt, eā voluntatis,
& beneuolentię significatione, quā, ut nullo, pro
dignitate, in Dei famulum opere, promeritus sum;
ita & verbis, non dicam assequi, sed nec innuere
posse confido. Antequam ab vrbe Manila in Iapo-
nia Regna, Beatus Martyr ad nauigaret; inter
cetera, quę cura mea studioq; committenda volu-
it, baud postremum illud fuit; ut, ubi pro Christo
gloriosissimè occubuisse, rumor certus dissemina-
ret, Christi Domini ē cruce pendentis imaginem,
ebore elaboratam, unāq; Deiparę Virginis effi-
giem are depictam, ad Reuerentiam Vestrā
transmitterem, ut in Cracouiensi sacello ea Diui-
nitatis suspenderentur simulacra, quę, in morta-
litate hac, siue inter nos omnium virtutum gene-
re, siue apud barbaros Ethnicos, innumeris cru-
ciatibus, ac sanguinis effusione intentissimè co-
luit. Quod ut inter vos tanti Herois diuturna
memoria, ac pientissima Martyris in Patriam ob-
seruantię, singulare euadat argumentum, bono
alite, Cruci affixum Dominum, consonum Marty-
ris

ris monumentum, unâq; Diuinam Matrem, Romam usq; transmittito; ut illinc ad Reuerentiam Vestram, per Patrem Procuratorem Polonia, deferatur. Quod ut fieret; ut Venerabili Patri è memoria haud excidit; sic Reuerentia Vestra, ac Cracouensi Collegio, gratissimum fore pignus confido. Hæc ille. Sed vbi de successu sinistro nauigij, combustaq; Christi Domini è cruce pendentis icone inaudiit; idem ipsum alijs literis 14 Aprilis, Anno 1648. datis, significauit his verbis.

*Reuerende Pater Procurator Generalis,
Prouinciæ Lithuaniae.*

Pax CHRISTI.

Superioribus annis rumor hic percrebuit, repetitis à Regnis Iaponia, tum buc Manilam, tum Macaum nuncijs delatus (ut in annuis literis ad Reuerendum Patrem Nostrum Generalem perscripsi) Patrem Albertum Męciński Societatis nostræ, inter innumera tormentorum genera, ac scrobis supplicium ultimum, solenni inter Iapones, his temporibus, crudelitate, feliciter, & sanctissimè occubuisse, eâ quam totis præcordijs exarserat, Martyrij laureâ potitum. Ut felicitatis tanta fama ad me peruenit, quem unicè hic dilexeram, ac peramicè tractaueram, illicò ut Martyrem religio-

ligiosè venerari capi. Exin opera pretium me-
 facturum duxi, ut etiam à Sancto Martyre in
 Japoniam adnauigante in mandatis acceperam,
 si quæ apud me Religionis ergo seruabam Patris
 monumenta, ad Reuerentiam Vestram in Euro-
 pam transmitterem. Itaq; Martyris Breuia-
 rium, imaginem Christi Domini è cruce pend-
 ntis, ebore elaboratam, unaq; Beatissima Virginis
 icona, ut in Cracouiensi sacello, in tanti Martyris
 memoriam susponderentur, ad Reuerentiam Ve-
 stram Romam deferri mandavi. Sed, ut sunt
 marium, ventorumq; effectus varij, innumeraq;
 pericula; dum ex hac vrbe Manila, varia navi-
 cula ad praegrandem onerariam in alteram Insu-
 lam properant, hostium subitaneo impetu occupa-
 ta, huc illucq; diffugiunt; præ cæteris, quæ Sancti
 Martyris monumenta deferebat, nè in prædorum
 potestatem veniret, à nostris ultrò combusta est,
 prosiliente in littus nauta. Nec miror: uti Bea-
 tissimus Martyr se viuum varijs cruciatibus obte-
 lit, ac cadauer, uti mos est inter Iapones, flammis
 vorandum addixit, sua, post obitum hic, hoste
 persequente, comburi permiserit. Attamen inco-
 lumis è flammis, Sacra Deipara imago euasit;
 eamq; modò, eidem Collegio, ac Sacello Cracouiensi
 destino, enixè rogans Reuerentiam Vestram, ut
 Romæ Cracouiam quàm citissimè deferri curet.

Inte-

Interim Reuerentia Vestra, banc, qualiscunq; illa sit, in Sanctum Martyrem, cunctosq; Prouincia Polonia Patres voluntatem, equi boniq; consulat: ac commendatum habeat in suis Sanctissimis Sacrificijs, ac orationibus.

Præter id, adeo insignè donarium, non inferiorem venerationem eiusdem scriptæ Collegio Cracouiensi literæ merentur, quas iam iam discessurus Patribus Fratribusq; dedit in hæc verba.

Reuerendi in Christo Patres & Charissimi Fratres.

Pax CHRISTI.

Vltimum in hac vita valedicturus istas scribo. Siquidem iam Dominus meus vocat me ad onus crucis sue ferendum: & moriendum in illo theatro Athletarum suorum, qui id sanguine suo purpurauerunt. Eniam, post superatos Oceanos, & tot pericula, mari, terræ, post captiuitatem Hollandicam, & alia multa mortis pericula superata pro nomine IESV; vltimum supererat mortis genus: quod, quamuis crudelissimum, facundum tamen vita aterna, gaudens amplector. Post aliquot dies circiter, dum hæc scribo, aggredior luctam contra Tyrannum spirituale, cui præsentabimur ad confitendum nomen

men Domini IESV; Tyrannum, inquam, ebrium sanguine Martyrum Christi. Video iam hęc renouata Diocletiani tempora, & furentem Sathanam in inuentione cruciatuum, in caput eorum, qui euangelizant verbum Dei. Et iam catbena, catasta ignea, craticula ferrea, sartagine, rota, acus unguibus inferenda, cruces, fovea, gladij, & alia dira tormentorum genera à Diabolo inuenta, in oculis meis versantur. Sed veniant hæc, & omnia Inferorum tormenta, tantum Christo meo fruar. Non puto hæc tormenta, sed festa; non cruciatus, sed coronas, pridem animo concupiscenti præparatas, quæ magis inuitant, quam arcent. Congratulamini mihi, & congaudete, quia Domino placuit, hunc Orientis hortum, sanguine Aquilonis rigare; & pro peccatis, pro quibus mihi pana ingens debebatur, me ad palmas, & coronas vocare. Misericordias ergo eius in æternum cantabo. Vado lætus, confisus brachio Omnipotentis, & patrocinio Deiparæ Dominae meæ, per quam mihi, hæc tam admirabilis gratia, & omnia alia bona, toto tempore vitæ meæ fluxerunt; cui tanquam admirabili gratias humiles persoluo; & omnes ad illius deuotionem, quæ tam in me peccatorem liberalis fuit, inuito. Nemo ita ambiuit imperia, & coronas, ut ego propter Christum carnificum ma-

nus; nemo maiori sedulitate ridendos honores mundi, & divitias vanas quasivit, ut ego locum inter diros cruciatus, pro Domino meo ferendos. Dabunt confidentiam magnam peccatori miserabili, ictus, & plaga cruenta ante Tribunal Christi: & spes vita aeterna erit mihi firma, si lauro stolam meam in Sanguine Agni. Dum has recipietis, iam, ut confido in misericordia Domini, cursum peregrinationis meae finiam. Et scitote, quod prae omnibus Societatis Collegijs, hoc maxime dilexi, in quo Dominus meus qualiscumque substantia mea, haeres fieri dignatus est. Valetet milles. 2. Iulij 1642. Datum in Insulis Philippinis, in itinere Iaponico.

Servus in Christo,

Designatus ad mortem pro Christo,

Albertus Mećinski.

Scripsit & sorori suae superstiti patrio idiomate sub eadem die has, quae sequuntur.

Litera Dominationis Vestrae ad me data, magnum mihi attulere sensum gaudij, quod praequam saluam, & incolumem utramque Dominationem Vestram cognovi; etiam neptem meam intellexi adoptatam esse in tutelam, & patrocini-um Domini mei, qui, longè solidiore curâ, eius necessitatum, Patronum, ac tutelarem aget, quam ego in saeculo omnium virium mearum contentio-

ne.

negissem: modò, quod illius est, tantum Patrem demereatur, humilitate profunda & fideli curâ mandatorum eius. Ego vero ultimum hæc litteras scribo vobis, cùm me iam inuitet, & euocet ad portandam crucem suam Dominus meus. In qua, si me spes mea, fiduciaq; certa non fallit, intra duarum, aut trium hebdomadarum decursum, peruéniam & ego, inter carnificum manus, ad præfixum mihi terminum mortis obeunda pro veritate, & confessione fidei ipsius. Progressurus abeo in theatrum illud redundans sanguine Martyrum Christi, ad subleuandas animas, tyranni persecutione depressas quam, sagax animarum hostis industria, ad dimouendas statu beatitudinis æternæ fidelium mentes, inuenit. Versantur iam mihi præ oculis, tyrannica supplicia, quæ nullus hætenus Diocletianus reperit; sola Damonis versutia orbi alijs ignota, & recondita, hic produxit Et quamuis difficilia sint percensendo; tamen, Dei op. freto mihi, toleranda. Minimum me arcent hæc omnia, tanquam cupienti animo preparata. Memoriam appello Dominationis Vestra, quantâ animi mei siti, hæc in Polonia adhuc desiderauerim, mori pro Domino meo, qui morte crucis acerbissimâ pro me prior ipse mori dignatus est. Totam rationem spei meæ deposui, in auxilio potentis dexteræ

ipsius; in patrocinio Pretiosissima Parentis Benefactricis mea; in ope Patroni, & Protectoris nostri Diui FRANCISCI Xauiery. Aderitq; mihi Dominus meus in omnibus tribulationibus, & pro suo nomine decertantem adducet ad brauium & palmam aeternae felicitatis. Inde verò cognoscat, & intimè animo deponat Dominatio Vestra, quantum expediat, obsequiis se deuovere diuinis; qui ob has mundi nugas, & inanias, quas pro eius nomine reliqui, tanto me dignatur honore. Nemo ambitione unquam pari, mundi fastum, & gloriam quasiuit, ut ego horam hanc; nemo auiditate maiori diuitias, auriq; copiam scrutatus est, quàm ego tradi in catenas, & vincula, amore Saluatoris mei. Magnis mihi impendijs constitit hic locus, sub manu, & securi carnificis mori: nunc me Dominus meus eò pro-uocat. Quare libens induo vestem purpuream, sanguine agni immaculati tinctam, ad confundendum Satbanam, ad maiorem Domini Nostri IESV Christi gloriam, ad auxilium & subsidium animarum. Vestris autem Dominationibus, tum & nepti, nepotiq; meo, testamenti loco, ut potè proximè sanguine mihi iunctis, benedictionem caelestem Domini Nostri IESV Christi, cuius causa libenter morior, relinquo. Commendo vobis amorem super omnia DEI, benignam erga pauperes

peres subditos misericordiam, sed precipuè erga Sanctissimam Dei Parentem Virginem, pium, deuotumq; affectum: cuius ego materno fauori, & protectioni, totum quidquid in vita habui, bonum, attribuo. Hæc si ego efficaciter vobis persuafero, spero fore, ut nos in caelesti patria, magna mutua consolationis fructu, reuisamus. Non dubitet porro, ubi singulari misericordiâ Dei, ante thronum gloriæ ipsius, cum victrici laurea constitero, recentem memoriam habiturum me, tum utriusq; Dominationis vestræ, tum Perillustis prolis, & unâ amicorum omnium. Datum ex itinere Iaponico.

In eundem sensum, licet paulò superiori tempore, cum necdum Manilam venisset, ad vnum è nostris scribit.

Sufficit, satisq; est tibi amantissime Pater, quòd Reuerentia Vestra in medio tribulationum versetur; multumq; pro honore, & gloria Diuina propaganda suscipiat impendij, & conatûs. Ego verò licet tanto iam tempore aditum laborum tentauerim; tamen impredientibus peccatis meis, desideo, & penè facio nihil. A tempore captiuitatis meæ finito, Macaum redij, agrâ valetudine, viribus lassis; inibiq; mensibus quinque basi affixus lecto; & postmodum, nescio quâ ratione, ad maiorem firmitatem, roburg; redij. Fortasse est

voluntas Domini mei uti obsequio meo ad aliquam expeditionem suam. Ego quidem Missionem Tunchinensem interpretatus sum primâ fronte; sed ubi sparsus est rumor Iaponia Imperatorem obÿsse; expedit interim prestolari, nec sinere elabi occasionem, ad quam Deus vocat me. Enixè rogo Reuerentiam Vestram, impetret mihi Diuina auxilium gratia; quo subnixus, possim illius promouere gloriam ubiq; & in omnibus rebus, omni meliori modo, qui mihi in hac vita possibilis est.

Tandem post alias omnes (quarum plures interiêre, nec earum quærendi copia fuit) ista est extremarum lacinia literarû, in qua omnes aliæ in Poloniam deportandæ cum valedictione, in Iaponiam nauigaturi Patris ALBERTI, inuolutæ fuerant, missa ad piæ memoriæ Patrem GEORGIVM Cislak Prouinciæ Polonæ & Lituaniæ Procuratorem, Romæ degentem.

Mitto ultimas literas Reuerentia Vestra; dirigat ad eos, ad quos pertinent. Mitto in memoriam mei Collegio Cracouiensi imaginem meam, & crucifixum in Sinis factum. Et quia scripsi aliàs latè Reuerentia Vestra, vale ultimum dicendo in hac vita: iam nunc non scribo. Dum has accipiet, puto cursum meum finiam in manu carnificum.

ficum, pro fide IESV Christi: post triginta dies, plus minus id futurum puto. Citò scribo, nam vocor ad metam. Vale millies amice charissime.

Datum in itinere Iaponensi 2. Julij. 1642.

Reuerentiæ vestræ Seruus in Christo

ad mortem pro Christo designatus

Albertus Mećiński.

Coronet verò has Patris Alberti nostri literas à Patre Antonio Rubino, Præsìde, & superiore huius manipuli Martyrum, magno spiritu exarata epistola: quâ & suos solatur subditos; & illis, qui iam precibus, iam auctoritate iter hoc impedire conabantur, sufficienter respondet. Quam idcirco hîc inserui, constet vt idem propositum ambientibus viris, quàm magno spiritûs, virtutumq; feruore impellantur ij, qui adeò difficilem subeunt pro Christo decertandi aleam.

*Reuerendi in Christo Patres & Fratres
Charissimi.*

Non putavi permittendum, ire in occasum hunc diem, quin vltimum dicerem vale Reuerendis Patribus, Charissimisq; Fratribus meis, quorum recentem memoriam defero mecum, non modò scriptam, sed impressam cordi meo, illo ama-

re, quo erga singulos affectus sum in Domino; quos
 ut amavi semper, ita confido amaturum me; non
 modo quamdiu vivere permissum fuerit è calo,
 sed & postmodum manente aeternum integrà le-
 ge, finem non habentis amoris. Certum, ac deli-
 beratum mihi est, officij mei munus in Iaponia
 exequi, quo placuit Divina providentia humeros
 meos degrauare. Sincerè autem fateor, me nun-
 quam alias ausurum fuisse, etiam cōsilio, aliquem,
 a suscipiendam Missionem hanc, adhortari, nisi
 præcederem exemplo: cū benè recorder, unam
 è boni pastoris conditionibus, hanc à Summo Pa-
 store esse designatam, quòd bonus pastor ante oves
 suas vadat. Quando itaque Deo, citra omne
 meum meritum, placuit, constituere me Pastore
 electarum ouium suarum; quomodo possibile est
 Carissimi Patres, & Fratres mei, ut permittam
 me arceri, ab executione conditionis adeò grauis,
 & necessaria! Prætexent fortasse aliqui, & que-
 rentur, operâ se meâ destitui: sed mihi promptū
 est dicere, relinqui illos à me sub alis Divinae Pro-
 videntia, & protectionis, qua singulorum votis
 efficacius est responsura. Et ut id, quod magis
 me mouet, aperiam: Admodum Reuerendus Pa-
 ter noster Generalis, non ideò Visitatorem me
 fieri voluit, ut in Macaënsi Collegio totos insu-
 mens dies, manducarem, biberem, indormirem;
 nego-

negotijs; sed ut irrequieti sideris more, commissum muneri, & subiectioni mea oberrarem circulum. Cuius quia principalis locus Iaponia est; æquum censeo, eo me proficisci primùm, & ex ipso decernere aspectu, quidnam adferri remedium possit animabus, omni destitutis spiritali subsidio, & collocatis in extrema necessitatis puncto. Possibile equidem iudico dari mihi posse, occasionem commodam, eadem naui remeandi ad vos, ut presentibus minoribus auxilijs, suppetias maiores submittam: si tamen placuerit, negare DEO, immoriar officio meo; ut cognoscat mundus, Societatem, omni quo potest, possibili modo succurrere, & prospicere illis, quorum curam suscipit, Christianis. Utque veritatem confitear, inde mihi rem grauissimam ab Admodum Reuerendo Patre Nostro factam, cum me hic Visitatorem creauerit, iudico, (non quod aliquando gubernationis mihi onus depoposcerim, siquidem liberum me per Dei gratiam ab hac cogitatione sentio) quod occasio aperta mihi sit deducendi ad effectum antiqua desideria mea, qua ad hanc expeditionem Iaponicam Dominus mihi communicare dignatur. Valdeq; rudis, & ignauus essem, si, ad manum opportunitate delatâ, eam elabi sinerem, & non potius obujs vlnis arriperem. Sunt autem adeo vebementes impulsus, quibus me ad hoc su-

*scipiendum iter moueri sentio, ut, si iterum vi-
 dendum mihi Macaum foret, putarem omnino in
 mari demergendum me, propterea, quòd Diuina
 repugnauerim vocationi, ad instar illius Iona,
 refugientis exequi, quod ei mandauerat Deus.
 Itaq; Patres, & Fratres mei, boni consulite pro-
 fectionem hanc meam; sequar vocantem Deum,
 ipse nouit, quo successu. Ego nullum amplius de-
 fectum, & incommodum timeo: subuenit in omni-
 bus magnà suauitate Deus. Non impediant
 tantum bonum meum: multoq; magis non retar-
 dent, nec intercipient gratias, quas placet Deo
 festinare pro me. Scio quid mihi, & Ordini no-
 stro proficit. Quis scit utrum hac voluntas Dei
 non sit, hoc itinere meo aperire occlusam diu por-
 tam, quo Reuerentia Vestra possint assequi anxia
 vota, & desideria, qua communicat Deus. Mei au-
 tem iactura quantula est? praterquam quòd
 Sanctum hoc Collegium magno liberabitur gra-
 uamine tanti unius peccatoris, propter cuius de-
 merita, fortasse subtraxit multas gratias; alias,
 si ego. absuissem, concessurus. Permittite proyici
 in mare hunc miserabilem Ionam; & cessabit ma-
 re, eiusq; tempestas à vobis. Præbete consensum
 itineri meo, ut compleam perfectè id totum, quòd
 Deus vult compleri à me. Non amplius me di-
 ctis, scriptisq; literis affligite, identidem, ut re-
 deam,*

deam, suadendo. Nolite cor, animamq; meam ex-
cruciare penitus, tot comparatis rationibus,
qua conuenientia, minusq; valoris apud me ha-
bent. Non succenseant huic fratri, seruoq; suo;
nec eiusmodi edant planctus, & commiserationes,
quibus attendere in praesens non vacat. Imò
potius congratulatione fraternâ, prosequantur
me: iungant via mea sanctissimorum Sacrificio-
rum, & orationum suarum succursum, bonamq;
apprecentur viam. Deus (dicant) deducat illum
saluum, & faciat assequi metam desideriorum
suorum; ad portam adeò desiderabilem exscen-
dat. Siquidem hoc modo, felici acclamationum
circumfusus applausu, recedam consolatus, ple-
nusq; spei, Dominum nostrum, confidens, auditu-
rum preces seruorum suorum. Quanta enim ue-
ro hac mea esset felicitas! si placeret Deo, vitam
me in hoc passu amittere; aut, dicam melius, pre-
tiosè lucrari. Non sum equidem promeritus tan-
tum bonum: gratia haec ingens est, nec cadit
sub meritum. Non sum dignus, qui vitam me-
am ipsius expendam amore; me tamen proijcio
intra eius Diuina brachia, ut ille disponat de
me, prout ipsius Maieitati gratius videbitur.
Et quid vereamur mali, in loco adeò securo
constituti Providentia, & Gubernationis Diui-
nae? Tenemus eius promissum. Nemo eas de ma-
nu mea

nia mea rapiet. Licet omnis tormentorum expromatur vis, quam humana malitia potest depromere; non tamen sufficit ad nos, à sinu, & brachijs Dei Nostri emouendos. Verum, & indubitatum est, nos pro Christo pati: sed & illud certum, Christum esse, qui patitur in nobis. Sensus Diui Cypriani est, qui ita ad Martyres: Dimicante constanter, scientes vos sub oculis præsentis Domini dimicare: qui non tantum seruos suos spectat; sed ipse luctatur in vobis, ipse, in certamine agonis, & coronat, pariter, & coronatur. Et alio loco dicit: Martyrem hilariter, & exultando pati. Hoc solum ipse conuoluens, quod ex illa crudelitate carnificum, plus, pro quo patitur, Christus ipse patiatur. Et hoc sensu explicat S. Ambrosius. Vado Romam: intellexit ergo Petrus, quod iterum Christus crucifigendus esset. Quod si ipse in nobis Dominus patitur, quid metuamus? Hoc unicum videtur non esse consultum bene, quod omnes unà simul in Iaponiam moueamus. Nam si mihi resolutum calitùs est, ad metam usque peruenire: & illis procedendum erit. Sunt verò Pater Antonius Capecci, Pater Albertus Męciński, P. Didacus Morales, P. Franciscus Marquez, putoque nobis adfuturos comites quatuor seculares. Alij autem Patres mei,

tres mei, annum sequentem præstolabuntur, aliq̃
qui eiusdẽ sententiæ fuerint, his præmissis quinque
prius, qui iam sunt destinati. Præstet hoc Diui-
na Bonitas, ut Iaponici securitas itineris, non
secularium, & mercatorum operâ, sed Religio-
sorum potius aperiatur labore. Reuerentiæ Ve-
stræ omnem adhibeant operam, ut succedant bis,
qui iam sunt destinati. Nos verò planum red-
demus eis iter, aperiemusq̃ portas; modo illi in-
terea præparent, & colligant, quàm possunt a-
bundantissimum commeatum virtutum, & mor-
tificationis; totum cor medullitùs mancipando
Deo: repudium verò perpetuum omni indicen-
do commoditati. Nisi hoc fecerint, expeditioni
huic aptos se minimè iudicent. Quanquam vi-
dere mihi videor, eorum omnium corda, & affe-
ctus, ardentissimo succedente desiderio, bullire,
ut amore Christi, Iaponum ignibus, quàm citissi-
mè torreantur; in foueisq̃ adeò crudelibus, & for-
midandis appendantur; addente animum ma-
gnâ spe, eò quòd appropinquet regnum calorum.
Dato tamen, quòd mihi immuni Iaponem volue-
rit: de toto ulteriori progressu disponam, scri-
bamq̃ eâdem, quæ nos deductura est, naui. Pax
Dei, quæ exuperat omnen sensum, custodiat cor-
da vestra, & intelligentias vestras. IESVS sit
refugium vestrum. Si vos intesserit desiderium
alloquen-

alloquendi mei, & videndi, desigite oculos in crucifixo Christo IESV: ibi me inuenietis ad eius proiec tum pedes, & cum peccatrice Magdalena desilentem graui delicta mea. Hic mihi locus est acceptissimus, à Domino meo designatus: hic ego decumbo, hic noctes diesq; trabo. His amplexu meo stricte illigatis illud suggero: Da mihi o Bone IESV, ut sequar vestigia tua: da Domine IESV, da quod iubes, & iube quod vis. Quibus ipsis verbis epistolam hanc concludo, & singulos vestrum omnium, quo maximo possum, complector affectu, & ad pedes uniuscuiusq; deiectus, cum lacrymis deprecor veniam, huic maximo peccatori. Dignentur mihi condonare defectus omnes in gubernatione commissos. exiguaq; edificationem, quam hoc tempore commorationis mea in hoc Collegio praestiti. Spiritus Sanctus impleat corda vestra: charitas Christi possideat animas vestras. Amor Christi IESV, & Beatissima Virginis Deipara inhabitet in mentibus vestris. Et id ipsum toties dum repeto, commendo me Sanctissimis Sacrificijs & orationibus Patrum Fratrumq; omnium Manila 4. Iulij 1642.

Omnium seruus in Domino,
 Antonius Rubinus.

CAPVT XVIII.

Iaponico littori exponuntur Patres, & continuè agniti, Iudici sistuntur. Eorum interrogatio, tormenta, & mors.

QVisq; pro affectu, studioq; suo, postquam per literas, amicis, terris, orbeq; diuisis, vltimam essent valedictionem, & salutem impertiti, accinxêre sese demum, proximæ expeditioni itineris sui. Atq; vbi Collegij Munilenfis socijs, tenero amplexu fuissent infusi, vberrimisq; lachrymis vltimum allocuti; vestes, quas vsui Religioso habuerant, deponunt; & quo occultiore viâ Iaponiam illaberentur, gentis in morem, de tonsâ comâ, vestem, & habitum reliquum, nationis consuetudini accommodant. Videres mirabili quodam ingenio pietatis, conflari in vnum, sæculum, & DEVM; in vnumq; compositum redigi, Religiosum mundumq;. Erubescabant, ad aspectum insolitæ vestis, Religiosi Patres; sed & illa, quæ intus in animo flagrabat, charitas, profani vestimenti nouitatem, suâ, quâ abundat, sanctitatis luce excusabat. Ita illi
 è picta-

è pietatis ingenio, modò Religiosi, iam, verò Iapones, vt suo ab alijs distinguuntur habitu; ita maiori, quàm vt calamus edicar, animi iubilo, & exultatione, supra spẽ, aduersaq; omnia erecti, accensâ aliorum, animi piâ æmulatione, vbi sollicitas eiusdem felicitatis lachrymas emouissent, 9. Julij, Anno 1642. horâ post medium noctis proximâ, ex Philippinis Insulis, prætextu suppetiarum, ad vindicandam ab Hollandis Formosam Insulam, inferendarum; reuertâ Iaponiæ adeundæ, & eliberandæ Ecclesiæ Christi, Formosissimæ Sponsæ gratiâ, soluerunt. Quis nauigationis eorum successus fuerit, quàm felicibus velis, illa periculosis Typhonibus subiecta maria, sulcauerint, incognitum nobis est: hoc certum, mensem vnum nauigatione extractum, donec ad Augusti 11 diem, Iaponiæ proximè admoti, in exiguam Insulam Saxumæ dictam, excensionem fecêre. Illâ primùm die affecutos diceres votorum metam, & gaudij: vbi suspenso primùm ad inuisitatam felicitatem animo, mox vberiore inundante lætitiâ, in genua depositi, fixis in cælum oculis, leuatisq; manibus, Diuinæ Prouidentiae ductum, regimenq;, magnâ actione gratia

gratiarum celebrârunt. Videbatur tellus illa vix sufficere frequentibus osculis, lætisq; lachrymis, quibus illi pacem precati Patres, tanquam Bonæ Spei amplexati sunt Insulam; quâ soluturos breui se sperabant, proprio effuso sanguine, in possessionem, felicissimæ æternitatis. Perfuncti hoc pietatis titulo, vbi aliquantum hilari, piæq; voluntati, & communi lætitiæ litassent; subitario opere, protegendis à graui regionis frigore corporibus, tugurium excitauêre; vt hoc modo, etiam habitationis titulo, & possessionis iure, Iapones essent. Verum non erat voluntas Diuina, diutiùs hæc caueâ prohibere Athletas suos, quos ille campo, & arenæ destinauerat. Intra enim dies aliquot, frequentissimæ lictoribus omnibus insidentes vigiliæ, nouos incolas deprehendêre: & illi exiguæ circumfusi casulæ, postquam singulos Patrum tractauissent militariter, catenisq; & vinculis degrauassent; Nangazachum, ciuitatem totius Iaponiæ præcipuam, deduxêre die 21 Augusti. Quod adeo à longè peregrinos hospites acciperet diuersorium, carcer erat, & crudeli neci adiudicatorum hominum, malè olida ergastula, in quæ compedibus

dibus, catenisq; graues, compacti sunt Patres. Noctem illam duxêre insomnes, cum iam veluti prægustarent propinatum sibi cælitus passionis calicem; totiq; exhausti, cælestis auxiliij pronam opem supplices implorarent: quatenus non degeneres Societatis IESV Filij, ex hoc primo, qui eis imminebat conflictu, referrent Christianæ fortitudinis, & victoriæ palmam.

Postridie vt erant ligati, & catenis in opprobrium onusti, ante Præsidem constitêre. Qui, ad Patrum infirmam constantiam, & conciliandam sceleris audaciam, transfugam quendam Christianæ fidei, & Apostatam, Ioannem de las Chiaues nomine, aduocauerat; qui interpretis loco esset. Hic primùm, Præsulis iussu, quærere ex Patribus institit, vndenam essent? quis illos casus, aut propositum, inuexisset Iaponum terris? cuius rei perficiendæ studio illic commorarentur? Patres vnanimis, Visitatoris ore, respondere. Sacerdotes se esse Christi IESV, & ex eius Societate Religiosos: causam itineris non aliam, quàm vt sanctam, veramq; prædicarent IESV Christi Fidem; quæ cæli sola aditum aperit mortalibus; & quam tantopere abominantur Iaponi,

pones, malè in Saluatorem suum grati, nec satis gratiæ ipsius correspondentes; qui, pro eorum incolumitate, & salute æternâ, inmania quæq, tormenta, & mortem abominandam crucis voluit perpeti; modò illi æternæ damnationis, & inferni flammaram euaderent debitam sceleribus suis sententiam. Cùm verò à natura homines sint, maturi iudicij, & ad res ex vero pensandas perspicacis ingenij, & tamen repudiant, adeò manifestam veritatem; fieri non posse, vt in illo extremi iudicij decretorio die, euadant supplicium ignis, æternarumque poenarum. Tum Ioannes, Gubernatoris iussu, ad delinimenta, & fraudes conuersus, hortatur, velint ab ea, quam adeò proteruentur, religione recedere; & eis se, Gubernatoris, adeòq; Imperatoris ipsius nomine, grauissimo interposito iuramento, polliceri; nullam rem fore, quam animo designarent, quæ non illis continuo liberalitate Principis conferretur: inter minima autem computarent, auri, argentiq; diuitum gazam, & quæ familiæ domesticæ vsui essent. Commoti grauius, & irritati compellatione adeò indignâ Patres, eorumq; Superior Rubinus, magno animo in Apo-

statam illum inuectus est. Apage, inquit, perfide Apostata: quæ te Tygris, quæ Læna, partu crudeli, profudit? quæ viperina rabies veneno suo pavit, qui audeas desiderijs nostris, Deiq; nostri sacrosanctis mandatis, adeò dissimilia obtrudere? An tu constantiam nostram, eiusmodi puerilibus crepundijs, & propositione adeò insigniter stolidâ vis experiri? scilicet proculcato, & sordido luto, postposituri sumus, ipsius meridiani elegantiam cœli? Recede hinc procul primogenite Sathanæ: gazam, diuitiasque, & munera, in tuam perditionem habeto: mors nobis, ignis, cruces, & taureæ, & quidquid infernus tormentorum exeret, potiora sunt. Ad hanc plenam libertatis, & fortitudinis Christianæ vocem, tanquam fulmine tactus Apostata, disparuit: neq; amplius, in conspectum Patrum, conscientiam facinoris, vim veri non sustinente, venire ausus fuit. At illi, immotâ fronte, eandem, cum Superiore suo, constare sibi sententiam testati, corpus vtrò durissimis tormentis deuouere, pati, & perferre omnia cupere, vitam, & quidquid mundus maiore pretio æstimat, aspernari; vt tantæ admirationis virtutis, etiam in barbari Præsidis pectore,

ore, attonitam sui excitaret reuerentiam. Repetitâ postmodum interrogatione sciscitatus est Gubernator; venerintne in notitiam Patres seueri edicti, quo Xogun, sexaginta Regnorum Imperator, ab ingressu imperij sui prohibuit omnes Castellanos, Lusitanosq; omnes, maximè verò Sacerdotes Romanos; propositâ in transgressores poenâ capitis, aliorumq; immanium suppliciorum, nullâ hominum, personarumq; exceptione: ideòq; & diligentissimis excubijs, terras omnes, portusq; circumdedisse, ne quâ aditus eiusmodi aduenis pateret, qui, religionis prætextu, motus in Regno, & tumultus seditiosè excitarent? Quod si hæc perspecta haberent, quânam stultitiâ adacti, sponte suâ, vltimum capiti discrimen arcesserent? Constitisse sibi Imperatorum edicta respondit omnium nomine Pater Rubinus; scire se immanitatem tormentorum, & suppliciorum, ante iam executioni fuisse mandatam: sed vrgeri se efficacioribus, & grauioris momenti imperijs, quæ, à Supremo Regum omnium Imperatore DEO, eiusq; Filio IESU Christo, haberent, ad proferendam gentibus his Euangelij lucem; cosq; ad agnitionem veri

DEI deducendos: cuius sanctissimæ voluntati, vt promptissimè morem gerant, paratos se, non vnâ inodò profundere vitam: sed quamuis replicata centies corpora, & multiplicatos artus haberent, ipsius hæc amore, nouis, iteratisq; supplicijs immolarent. Et quidem præpeditos se properatâ hâc captiuitate, magnâq; deiectos spe, quam conceperant plurimos ex lapsonibus ad DEVM deducendi: sed & sic, omnem illis adimi euadendi in extremo iudicio occasionem: cùm, omni clariùs loquelâ, & sermone, laceris artubus, ipsâque crudeli morte testaturi sint veritatem eius Numinis, pro cuius promouenda gloria, hæc, quâ nihil in terris magis formidabile est, mors, & atrocissimæ pœnæ, tantâ auiditate, & desiderio expecerentur. Dixêre hæc Patres adeò præsentî animo, vultuq; non in rugas collecto, sed firmo, audaciq; vt ipsa loquentium grauitas, & emicans generosi animi impetus, circumstantium, ipsiusq; Præsidis emoueret admirationem; & in tanta eorum libertate dicendi, vltiorem suspenderit respondendi, aut interrogandi facultatem.

Itaq; de concertationis arena deducti,
ite-

iterum carceri, ergastulisq; suis, Christi Athletæ mancipantur. Augetur excubitorum frequentia; alimonia, orizæ aquæ incoctæ, exiguo dimenso definitur; vt ægrè retinere vitam, famem nunquam possent repellere. Hasq; inter ærumnas carceris, & situs, vnum, & alterum exegere diem, donec supplicio necessaria pararentur.

C A P V T XIX.

Describitur Tormenti aquæ genus, eiusq; experimentum à Martyribus susceptum.

BReui eâ concessâ morâ, ad supplicium bibendæ aquæ damnati sunt Patres. Quod eum sit crudelissimum, & excogitissimum; ita vni, & primario Iaponicæ crudelitatis ingenio est adscribendum. Alligatur Martyr ad staturæ suæ compares scalas fortissimè (sinistrâ duntaxat manu vinculis expeditâ, quo possit, apprimendo eam pectori, motam iam à constantia fidei mentem significare) caput illi erecto collo supinum constituitur, quo ad absorben-

L 4

dam

dam, infundēdamq; aquam reddatur commodius. Taliter constituto, carnificum manu, infundibuli instar, excavatus ori imponitur scyphus; cuius foramine, tantum aquæ in os violenter ingeritur, vt, repleto corpore, vix sit liberæ respirationi locus. Tum, deinde, hinc inde positas tabulas, viri fortissimi, quàm possunt arctissimè, toto conatu comprimunt; &, quam ante infuderant aquam, medullitus eliciunt: quæ maiore coacta impetu, fertur violentius, secumq; sanguinem trahens, nervos ipsos, interioraq; perrumpit; eo acerbior, quo interiore magis dolore: ita vt qui hoc perfunguntur tormento, viribus destituti, planè reddantur semineces, & exanimati.

Hoc itaq; tormento, cui semel tolerando humanæ vix sufficiunt vires, singulis, aut alternis diebus, Christi seruorum constantiam experiri libuit. Fuitq; hæc, inter alios Iaponicos Martyrum triumphos, celeberrima Patris Alberti Męciński, Sociorumq; eius laurea; quæ cum alijs, non modo immanitate supplicij, sed & ipsâ produratore poenâ, & mortis diuturniore morâ decertaret. Protracta fuit ad septem vsq; mensium spatium hæc quotidiana ferè laniena,

niena, contendente ad brauium Martyrum constantiâ; seu pateretur carnificum diras manus, seu corpus vlterioribus perferendis tormentis, illâ modicæ quietis intercapedine durarent. Quanquam videre erat, decedente corporis vigore, augeri magis alacritatem spiritus, & illa dispendia valetudinis, compendium fieri æternitatis. Contendebat in Pugilibus Christi, cum obstinata Tyranni peruicacia, Christianæ Fidei, & Religionis, Petræ instar immobilis fortitudo. Dies illa quæ vocabatur quietis, plena erat melancholiæ, tristisque animi; cum ad tormenta procedendum erat; pro limine carceris, Patres, sæuus licitor inuenit; adeoq; gaudentes, quia digni erant, pro Nomine IESV contumaliam pati. Centies, & quinque ferè vicib⁹, tâto cum dolore bibere affusam aquam; certi torrentem se voluptatis bibituros apud eum, qui nec aquæ frigidæ calicem inanem esse præmij voluisset. Adeo, iuxta literam, aquæ multæ non potuerunt extinguere charitatem; imò aqua hæc ignem accendisse visa est; adeo ex ipsius crudelitatis eluuiione, ardens semper maiora patiendi sitis, cor Martyrum adurebat.

Tandem cùm Præsidis pertinaciam, hæc, adeò firma, & tot mensibus infracta constantia pudore suffunderet; non ampliùs tentandam ratus aleam, à qua plus sibi, Dijsq; suis ignominia polliceretur, quàm gloria; terminare tandem epotas aquas grauissimo congiario instituit 16 Martij, 1643. quoad vltimam satietatem expleti, mortem sequentibus inferendam diebus, expectarent. Namq; Præsides, postridiè congregatis Assessoribus, conceptis verbis, mortis protulit sententiam, eamq; continuo significari Patribus imperauit. Tum verò audito decretorio obitus sui die, non tanquam terreni Iudicis, sed veluti cælestis ad requiem inuitantis Patris, acceptauêre. Depositi primum in genua, intimâ actione gratiarum cælestem Patrem prosecuti sunt, adeò, vt vultum quoq; tot supplicijs pallidum, & exanguem insolita hilaritas accenderet, magno dubio adstantium lapsonum: ne fortasse imperitiâ idiomatis ipsorum, lapsi, magis de eliberatione sua exultarent, quàm mortem sibi denunciatam intelligerent. Ideòq; Gubernator est congratulationum festiuâ apprecatione attonitus, iterum eis, ad intelligendum meliùs, perlegi

legi sententiam, hac ipsa die, executioni mandandam, iussit. Fassi sunt illi, Iaponico idiomate, plus quam sibi intellectam, eam sententiam, tot animo gaudia, tot voluptates cumulasse; nihil sibi vnquam maiori expectationi, & exultationi fuisse, quam pro eo, hoc vitæ profundere extremum, à quo vitæ initia, immortalitatis promissa haberent; quiq;, eorum causâ, vnus è mortalibus effectus, vitam per extrema supplicia profudisset suam.

C A P V T XX.

Ultimo Fossæ supplicio Pater Albertus, una cum Socijs defungitur.

ERgo eâdem die 17 Martij, ad feralis executionem edicti, Iudex processit. Euocati è carceribus Christi Athletæ, & ad maiorem contumeliam irrisionemq; (gentis more) mediâ capillitij parte depilati, & minio depicti, emacidis, scabieq; infectis inijciuntur iumentis: ipsi constricti catenis, non manus modò, sed & ora (ne quid Christianum ipsis possent inimicis precari) fre-

frenantibus. Sed & in abscondito, cælestis Patris patebat eis secretum : & causa, cuius gratiâ potuissent loqui, ipsius Iudicis inscriptione legebatur. Qui breui chartaceo supparo, describi, & à quolibet deportari voluit sententiam, edictumq; suum; constaret vt incolis, cuius rei gratiâ paterentur. Edicti formula hæc erat.

Imperator Iaponiæ, tulit in hosce mortis sententiam, eò quòd in ipsius Regnis predicare conati sunt. Fidem Romanam, à cuius promulgatione multis ante annis fuissent prohibiti.

HIs itaq; patientiæ suæ, & mortis testimonijs insignes, oberrauère præcipuas Nangazachi plateas, expositi ad irrisionem, sibilos, & conuicia Gentilium : ad spectaculum cæli, encomia, & applausus Angelorum. Ibant illi, trophæum quisq; patientiæ, inter inconditæ multitudinis iniurias, & exsibilationes, ad montem vsq; Martyrum circumferens. Ibi primùm equis exsuccis depositi, inuenère parata mortis futuræ instrumenta, quæ illos vitæ æternæ fuerant redditura. Quare tanquam carissimam.

ma peregrinationis suæ, & tot perpefforum laborum pignora, mercesq; toto Oceano quæſitas, quisq; pro ſe eligere, obuijs amplecti brachijs, premere osculis, rigare profuſiſſimis lachrymis, quas plenum gaudij pectus miniſtrabat; nec antè dimittere, quàm barbarâ carnificum manu raperentur.

Sed non diu poterant auelli ab ijs inſignibus, quibus mox arctiore vinculo fuerunt adſtringendi. Singuli enim, primùm in terram deiecti, duobus ad inuicem ſe ex oppoſito neceſſitatibus, ſtriſtiſſimè ſunt alligati loris, (ſiniſtrâ manu, ex eodem, quo ſupra motiuo liberâ) quæ ſupernè in diuerſas ſciuncta partes, ſeruirent uſui crudelitatis maiori. Mox è furcis, quæ pro numero reorum, ſupra ſingulas foueas, aquâ fetenti, & putridâ impletas, erectæ fuerant, inuerſa corporis mole, è pedibus appenſi demittuntur capite in foueas, ita profundè, vt ſupra illas vix cingulo tenus emerent; naresq;, & os ipſum, aquis ſordidis immerſum, catenus retinerent, quantum ad leue, & violentum ſuſpirium, vix aliquid exigui ſpatij ſufficeret. Ita demiſſa corpora, circumegère in vnum orbem designati cuiq;

torto-

tortores: illiq; supernè laxi hæctenus funes, stricteius in vnum redibant nodum, donec totam corporis molem aliquatenus eleuarent: quâ sublatâ, iterum demittitur corpus, & suâ sponte intorti funes, iterum alio gyro frequentissimè circumuertentes, ita in vertiginem agunt; vt & intus cōmota præcordia, plurimum sâguinis ad os adigât, & illo non naturali situ, & orbiculari conuersione, tota cerebri constitutio firmitate dimoueatur suâ: totumq; corpus, multiplici, ac tædioso suspendio excarnificatum, pro constitutione, & firmitate valetudinis, in plures, aut pauciores dies superuiuat, grauissimo cruciatu, paulatim violentam mortem accersente.

In hoc, cum Socijs, Pater Albertus collocatus supplicio, quantum permittebat illa contrarij situs importunitas, in gratiarum actionem Diuinæ Maiestati effusus, gaudebat de obtento desideriorum fine, fruebaturq; illo patientiæ, fundendiq; pro veritate sanguinis exercitio: & ei, a cuius cælesti auxilio, in hoc vsq; tempus fidelis seruus, & constans perfliterat, adnumerabat vltimas sanguinis guttas, ipsamq; animam, illibatæ testem fidei, & victimam, pro
 TOU

tot Infidelium illuminandis mentibus deu-
ouebat. Idem fecere reliqui Patres. Quo-
rum primus, vt Antesignanum decebat, Pa-
ter Antonius Rubinus, & muneris, & æta-
tis prærogatiuâ, die 22 Martij, sexto, post-
quam appensus fuerat, die, præcessit ad
palmam. Secutus eundem Pater Albertus
Mećiński, 23 Martij, vbi septem foueæ di-
es, credo amantiſſimæ suæ per totam vitam
DEI Parentis honori, dedicasset. Superui-
xere alij vsq; ad dies nouem; nempe Pater
Antonius Capecius Italus, P. Franciscus
Marquez, Lusitano Patre, Matre Iaponæ, è
Familia pijsſimi Francisci Bungenſis Regis
oriundâ genitus, Pater Didacus Morales, è
Prouincia Manilæ. Quorum vbi fractum
languore suspendij vigorem, & vix leniter
spirantem animam, eamq; extra faculta-
tem mutandæ constantiæ aduertisset, præ-
cipitari mortem amputatis capitibus man-
dauit Iudex. Factumq; id est die 25 Martij,
tanquam inuitante Reginâ cæli ad conce-
lebrandam Annunciationis suæ solennita-
tem in cælis, qui tam fideles nuntij Filij sui,
perſistere in terris. Extracta è foueis cor-
pora, in foro publico, ad ludibrium, & cru-
delem postmodum Ianienam sunt exposi-
ta.

ta. Accurrere enim frequentes barbari, & latas, grauesq; secures, (quas Catanas vocant) innocentibus adegere corporibus, membratimq; concisa, dignum immanitate sua facinus, igni, magna copiâ accenso, cremare. Et quasi parum fuisset sæuisse flammis, residuos funeri cineres, alto immersere Oceano, ne sicquidem, vndis, flammisq;, virtutis suffocaturi memoriam, quæ etiam intra profundos aquarum gurgites, gemmarum instar colluceret cælo; illosq; monstraret beatos cineres, qui semen essent regenerandis olim corporibus, ad tyrannorum confusionem maximam, ad sui voluptatem, de conspectu Diuini vultus mirificam; cuius amore momentaneum hoc vitæ passus essent præcidi, vt æternam gloriæ pondus mererentur.

Eiusdem passionis, & victoriæ participes facti sunt duo, qui spontaneam operam obsequio Patrum addixerant, externi Adiutores. Quorum alter Thomas Iapon, multis annis Ecclesiæ, & sacrarij curâ Camboiæ perfunctus, hanc demum prouinciam apud Iapones, continuandi, & coronandi hætenus positos labores, depoposcerat; primusq; ante alios 20 Martij, è foueæ tormento,

to, victricem animam cælo reddidit. Alter è Cocincina oriundus, postquam duos adhuc socio superuixisset dies, doloris impotentiâ, an resistantiâ naturæ violentâ, manu illâ liberâ, motum aliquem edidit, quem defectionis esse signum, arbitrati Gentiles, continuo fossâ extraxêre. Sed iam extra fomenta, & medelam, naturæ debilitas procefferat: eodemq; die vitâ defunctus est, christianè & piè, vt sensus, & experientia communis illic præsentium testatur, qui motum cum, non fuisse profectum ab homine rationis compote, certò affirmant. Diuturnitas enim supplicij, turbatis sensibus, & capite, inusitati sanguinis defluxu, repleto; continere iam tum, in officio, ratione, iudicioq; sensus nullo modo poterat. Et, vt quidam testatur Iapon, qui multis annis Nangazachi, interpretis apud Hollandos vice functus est, morali certitudine firmum esse, hunc iuuenem, cum alijs, mortem pro Fide Christi obiisse; cum iam tum, cum depositus est, sui compos nullo modo fuerit.

Et hunc quidem fortunatissimum sortitus est, conatum, laborumq; suorum terminum, P. Albertus Męciński, cum alijs

M

eiusdem

eiusdem profectionis socijs, qui omnes, constanti confessione, approbauêre Christianæ Religionis firmitatem, nullis annorum, temporumq; interstitijs, nullâ regionum, mariumq; distantia conuellendam; sed quotidie triumphare in Athletis suis, inuictum Imperatoris Christi, eiusq; Ecclesiæ, Apostolorum Principi Petro inhærentis, robur: contra quod, nulla Tyrannorum crudelitas, sed nec portæ inferi, præualebunt.

C A P V T XXI.

Exultatio Christianorum, de felici morte Patrum.

VT primùm Manilam, Macaumq; delatus est expectatissimus rumor: Patres nempe in Iaponiam missos, magnâ Christiani nominis gloriâ, respondisse inuictâ patientiâ Religionis sacrosanctæ honori; decertasseq; feliciter certamen illud, ad quod illos eduxerat Christus, vt vincerent: difficile dictu est, quâ animi exultantis significatione fuerit acceptus, effusis omnibus

bus ad referendas Diuinæ Maieſtati, & Sanctiſſimæ Deiparæ Virgini gratias; quòd, cum ſuo Immaculatiſſimo Conceptu (hæc enim die, nempe 8. Decembris, 1643. hæc noua acceperunt) tam beato eos rumore, cumulaffet. Indeque à primo diei illius veſpere, effulſere tum Aræ omnes Diuorum illuſtrius, ad templa omnia ſupplicatio decreta ſolennior, feſtiui in templorum apicibus, veſtibulisque accenſi ignes; qui nocti, noctem eriperent, & repræſentarent diem, multiplicato concentu; quem, & bellica, & Eccleſiæ campana æra, totâ ciuitate, perſonabant. Donec, Oriente iam ſole, ſignum ſalutandæ Diuæ Virgini, è Summa Eccleſia, campanâ maiore indiſtum. Simul è præſidio, & arce, ſimul ex omnibus Hiſpani Regis, quæ copioſæ aderant, trirē mibus, (ita diſponente Generaliſſimo Præſide, Domino Sebaſtiano Lobbo di Sylueira) quidquid erat machinarum, fuſiliumque tuborum, grato mugitu perſonuit; commiſſo inuicem grandium tormentorum boatu, cum minori manualium machinarum canore; interpellantibus, & militari-ter acclamantibus Præſidiarijs: **Viuant Serui Dei.** Totum antemeridianum tem-

pus, ordinum omnium frequenti congregatâ multitudine, inter solennes gratitudinis contestationes peractum est, Ambrosiano ad laudandum DEVM hymno decantato publicè, actisq; DEO immortalis gratijs, qui Athletas suos, in magnum Societatis, & Orbis Christiani decus, adeò felici condecoravit victoriâ. Vbi ad vesperam inclinavit dies, solenniori lætitiâ triumphus Christi servorum effulsit. Quando, eiusdem Præsidis ingeniosâ dexteritate, præter insignia dispositorum totâ vrbe luminum decora, & crepitantium flammarum innocua ludibria, coronam repræsentavit Martyrum: totam, ad æmulationem naturalium gemmarum, artificioso ignium colore, radiantem, quam hinc inde lambentes flammæ distinguerent, subitis quandoq; radijs circumpositum æerem, collustrantes. Fecêre applausum, quantum locus ille tulit, exquisiti Symphoniarchæ, diuerso instrumentorum Musicorum concentu, tum repetito populari totius multitudinis clamore; vitam, & immortalitatem, & gloriam Seruis DEI apprecantium. Ex aduerso, quâ Collegij patebat aditus, templiq; sita erat facies Patrum, Chri-

Christi Athletarum fortissimorum, luminaribus ipsis, appositè expressa legebantur nomina; vt eorum animi ardens Christi amore feruor, non alijs exprimerentur. characteribus meliùs, quàm igneis, atque flammantibus. Neq; hæc vnius diei angustijs festiuitas circumscripta fuerat: mansit toto protracta octiduo, concurrentibus vicinis populis terrâ mariq;, & in ea exultantis ciuitatis lætitia, benè cognitorum, sibi antea Patrum, Operariorumq; facta, & exempla relegendibus.

Hæc, quæ de Martyrio Patrum, deq; eorum vita, scripta subiicimus; partim ab eorum, dum viuerent, lecta sunt authographis; partim post mortem diligenter peruestigata, & tum ex Hollandicis Ephemeridibus (quas magno studio Ioannes Elsdrahtus, Præses commercij Hollandici, in Japonia conscripsit) accepta; tum deinde per Patrem Andreæm Xauerium, & Ioannem Burges, ex aliorum, qui Giacatræ, Tunquini, & Camboiæ negotiantur, vera esse, sunt cognita. Hæc q; vt talia, P. Emmanuel de Azeuedo Prouinciæ Japoniæ Visitator, nouâ inquisitione lustrata, & morali certitudine (vt ipse ait) cognita, Anno Domini

ni 1644. ad Patrem Antonium Franciscum Cardin, Iaponiæ in Vrbe Procuratorem, transmisit: vt, quidquid ad humanæ fidei, certitudinem requiriri possit, tantorum videatur sufficienter expleuisse testificatio Auctorum.

C A P V T XXII.

P. ALBERTI MĘCINSKI,
Animi & Corporis Effigies.

Mihi verò coronidem operi huic imponenti, reliquum est, vt Venerabilis effigiem viri, proponam hîc, non tam colorum, quàm virtutum, quibus enituit, expressam ductibus.

Atq; vt ab ea incipiam, quæ fundamentum est reliquarum, viuâ nempè, & ardenti Fide; satis illam præclarè inde deduci posse arbitror, vnde Abrahami, Mosiq; fidem, plurimùm extulit Apostolus ad Hebræos scribens, *quòd elegisset magis affligi pro populo Dei, quàm temporalis peccati habere iucunditatem; maiores diuitias existimans, thesauro Ægyptiorum, improprium Christi: de Abrahamo*
au-

autem: *Fide obtulit Abraham Isaac; cū tentaretur, unigenitum offerebat.* Quamuis enim amplissimis fortunæ stipatus esset donis; totus tamen firmo aliorum, quæ inuisibilia sunt, desiderio flagrauit; illam prætexens Sacrosanctæ Fidei, articulis immobilem certitudinem Reuelantis DEI: vt eam non modò confiteri coram hominibus non erubesceret; sed eum confessioni suæ campum inquireret, & à Superioribus suis flagrantissimis precibus extorqueret, vbi & contrarietas obijcienda fuerat periculiosior, & quod humanæ rationes non cuincerent, apud barbaros, Fidei quæ hostes; id ipsum sanguine, &, quæ omnibus alijs carior est, vitâ, per supremos cruciatus extinctâ testaretur. A qua firmiter menti impressâ certitudine, secuta est resolutissima quædam, à seipso, auxilijs quæ humanis remota, in DEO autem radicata, & fundata fiducia, quâ, homo imbecillâ valetudine, educatione tenerâ, tot se credidit periculis, mari terrâ quæ, duodecim annorum spatio, mente, animo quæ intrepido perferendis. Quam in eo confidentiam laudauit singulari præconio Pater Franciscus Roas Societatis IESU, tum temporis in Iaponia Prouincialis, ad-

M 4

du-

ductis in testimonium ipsius Patris Alberti literis. Verba illius sunt 1646. 14 Augusti, literis ad Patrem Procuratorem Poloniæ expressa. Vota sua in Deo vno penitus reponere, in Venerabili Patre, præ cunctis animi ornamentis eluxit; quæ in hac, quam hic appingam, epistolâ ad me datâ ex Cagaxana arce Philippinarum extremâ orâ, singulariter emicat. Quam, inter pretiosissima Patris Alberti. in Iaponiam abeunris monumenta, pietate, & obseruantia in futurum Martyrem adductus, accuratius seruabam.

Pater Prouincialis Franciscæ à Roa.

Pax CHRISTI.

CAgaxanam oram attigimus, vt lunæ decrementa, nauigationi nostræ infauista declinaremus. DEVS benè faciet Reuerentiæ Vestræ, eo quòd me iuuerit in adundo vltimo desiderabili bono meo. Et Dominus protexit nos dexterâ suâ; vnde speramus, illum adiutorem in certamine nostro. Et quamuis me terreant peccata mea; confortor in misericordia eius; scio cui credidi. Ascensor coeli, auxiliator meus; & qui triumphauit in pusillis, paruulis &

& puellis, triumphabit in me misero peccatore. Non illi hoc nouum, nec vltimum: obedio voci Domini, ipse perficiet opus suum. Virgo Deipara tota ratio spei meæ; Spiritus Sanctus promisit se affuturum: vnde, cur timeamus, non est; sed, in humilitate nostra, offeramus hæc moritura corpora, in holocaustum ei, cui debemus omnia. Vale mi humanissime Pater, precare Dominum pro agone meo. Ego memor tui, si dignus inueniar conspectu Domini mei. Cagaxanæ 22 Iulij, 1642. Vestræ Rñtiæ seruus ex corde, Albertus Mećiński.

Patuit eadem in DEVM fiducia, cùm difficilia, quæq; aggredi, Religionis Christianæ promouendæ, aut sustinendæ gratiâ, non dubitaret; cùm se discrimini vitæ vltimo, in obsequio, contagioso morbo laborantibus, addiceret; inter prædonum, & Hæreticorum iam intentatas minas, iam promissa, & destinata munera, nunquam fluctuaret dubius; sed adhibitâ longiore aduersorum tolerantiâ, expectaret opem, auxiliumq; ab alto; quæ illum è medio turbinum eriperet, & ad destinatum, quâcunq; viâ, deduceret brauium cælestis vocationis. Iam quantæ fuerit fiduciæ, illa ad

mortem sese offerentis promptitudo, & alacritas! nullus ut amicissimi hospitis conclauē, maiori quiete, & confidentiā ingrederetur, quàm ille ergastulorum, carcerum, mortisque ipsius aspiraret extrema. Quod satis clarè superioribus exemplis, ab illius profectis manu, expressum est.

Erga DEVM charitas enituit, in rerum expoliatione omnium, quas ille (rebus ut magis, quàm verbis profiteretur amorem,) Diuino perenni cultui, Fundatione Collegij Cracouiensis insigniter auctā, dedicauit. Totumq; præterea, quem adeo vastis peregrinationibus, & nauigationibus peragravit orbem, non alterius lucri spe adiit; quàm ut in creatoris sui amorem, omnes, quos posset, homines, verbis, exemplis, obsequijs pertraheret: ut quoties ei de DEO, rebusq; Diuinis, sermo inferendus esset; non eum alio, quàm amoris insigniret nomine, amantissimum Dominum suum compellans, cuius amore, pati, & tolerare omnia, plus quàm dulce sibi videretur. Cùm adhuc in meditatione petendæ Iaponicæ missionis esset, eiusq; rationes, cum eo, quem & spiritus sui Patrem, & amicum confidentissimum habuerat, familiariter

riter conferret; ille, vt hominis intentionem, feruoremq; experiretur profundius, dissuadere Missionem hanc, adductis in contra rationibus, cepit. Mox vbi firmissimè constare illi propositum aduertisset, saltem, vt propiora, mitioraq; amplecteretur, instabat. Esse tot alios, & Nostro Orbi propiores, & laborum, patientiæq; feraces campos; esse Indias, aliasque Occidentis Prouincias, vsu, & consuetudine Christianitatis mansuetas, quibus nauaret spiritua-lem operam, magno suo solatio, nec minore tot animarum auxilio. Iaponiam autem exposcere, quid esset aliud, quàm celeratam ambire mortem, & præcidere, immaturo obitu, tot annos, qui iuuandis fidelibus, infidelibusq; optimè potuissent collocari? Sed ad hæc ille, solitâ vultûs constantiâ, respondit. Ideò præ omnibus alijs, solam mihi deligo Iaponiam, quòd certam mortem, cum exquisitis tormentis, manere me in ea confidam. Neque enim propositum mihi est, ita peregrinari in Indias, vt cum laborum prouentu, aliquam interdum commoditatem, solatiumq; expectem (quod iam ad Christianam charitatem, formatæ regiones fortasse ministrarent,)

rent,) sed vt amore Saluatoris mei, qui pro me pati dignatus est, aduersa quæq; sine ullius condimento requietis, patiar, & moriar. Hæc illius verba. quàm integrum, purumq; D E I redoleant amorem, ab omni proprio commodo, & lucro alienum; quilibet facilè intelliget.

Comès indiuidua charitatis Pietas est, & Religio, quæ cùm vbiq; tum in recolendis Christi cruciatibus, potissimum apud Patrem Albertum obtinuerat locum: nec aliter putabat se tanto beneficio satis gratum fore, nisi & ipse, violentâ morte (vt ipse loqui commune habuerat,) sanguinem pro eo funderet, qui prior ipse pro eo fudisset suum. Ideò, ne vnquam eius sibi memoria recederet, sed altius infixæ cordi ipsi hæreret, Christi è cruce pendentis effigiem, ebore elaboratam, è collo pensilem, vbi vbi locorum esset, detulit: quam deniq; ipse moriturus, tanquam vnicum suum in terris amorem, Collegio Cracouiensi transmittendam, designauit.

A Filio processit deuotio ad Matrem, erga quam tenerrima quædam Patris deuotio fuerat, vt ab illius amantissimæ Parentis suæ ope, & auxilio, totam pendere vitam

nam suam, & ipse certò sibi persuaderet, & alijs coram libentissimè fateretur. Innui superiùs aliqua; addo nunc, quæ Pater Ioannes à Buera, designatus in Mexicum Visitator, intimè Patri Alberto addiçtus, pro ea, quâ cum Patre utebatur, confidentiâ, de his à Beatissima DEI Parente impetratis beneficijs intellexit, obtentâ præsertim Syngraphâ, in quam ille hæc omnia memoriæ, & gratitudinis ergò collegerat. Fuit autem huiusmodi.

Beneficia quæ mihi fecit miraculosa,
Beatissima VIRGO DEIPARA.

1. **L** Vblini dum darem operam literis, apud Patres Societatis, & aliquam deuotè recitarem orationem tempore sacri, in honorem Beatissimæ Virginis; apparuit mihi in somnis B Virgo, quasi S. MARIE Maioris, porrigens mihi pomum aureum. Inde continua beneficia consecuta sunt, & maxima consolatio. Beneficium hoc, vernaculâ Patri Alberto linguâ conscriptum erat, studiosiùs contendì, ut verborum sensum latinis redderet eloquijs; verùm induci haud potuit Dei Famulus, ut ea semel euulgaret, quæ, ut ipse autumabat, nullius erant momenti.
2. Pessimè valens in domo matris meæ, obtinui valetudinem, voto ad Beatissimam Virginem de Monte Claro: ubi postea existens, in Societate fui.

3. Ter-

3. Terriculamenta Demonum, ipsius ope euasi in quadam domo.
4. Postquam è Polonia discessi, liberauit me à latronibus in sylua miraculosè, & socios in Pomerania, non procul à Stetino.
5. Alià vice à latronibus in Vestphalia, qui iam venerant in domum sitam in medijs syluis, ubi pernoctabamus. Fassus est Pater, grassatores illos viarum, dum præ manibus præda esset, semel recitato Sub tuum præsidium, subito timore percussos, ad interiora montium trepidanter aufugisse.
6. Posthac liberauit me ab Hæreticis, & impediuit ne studerem in Academia Hæretica ciuitatis Sedanensis in confinio Gallie. Perinde liberauit me à multis, & maximis occasionibus peccatorum.
7. Illa impetrauit mihi quoddam subsidium, ad vocationem implendam, præter spem.
8. Miraculosissimum verè fuit beneficium, quod mihi accidit nocte eunti Venetias, Patauio, non procul ab ostio maris Adriatici. Siquidem per tenebras ambulans, incidi in flumen Brentam dictum, undiq; altissimis montibus interclusum, & portis clausum, instar rotundi putei, ubi iam deerat omne humanum subsidium. Sed voto facto B. Virgini cuiusdam tabelle argenteæ, miraculosè in maximo frigore, (fuit enim 14 dies Decembris, 1619.) nataui in lacu profundissimo; donec extractus fui, multo cum labore semimortuus. Omnes quasi rediuuium admirabantur. Nam locus quasi impossibilis, talibus cum circumstantijs, quæ mihi acciderant, ad euadendum; periculum enim erat ne simul cum aqua in mare deicerer.
9. Alià

9. Aliâ vice impetraui aliud beneficium à Beatissima Virgine temporale.
10. Demum semel facto voto, ni fallor, destinaui mihi diem futuri beneficij, in quodam negotio temporali: eodem die recepi illud, quo destinaueram.
11. Per ipsius intercessionem liberatus sum, à quodam inimico capitali, & ad vocationem implendam coactus quâsi.
12. 1622. ni fallor, semel manè inseruiens Romæ Sacro, ad Altare B. Virginis è Strada, in Professorum Domo adhuc Nouitius, è regione Capelle Beati Francisci Assisnatis, & petens, vt illa mihi impetraret gratiam Martyrij, accepi nescio quem interiorem sensum, certitudinem quandam mihi promittentem, hanc gratiam me aliquando habiturum. (Euidencia quedam in intellectu clara fuit, vt ipse Pater Albertus fassus est.)
13. In die vero Beatorum Petri & Pauli, maximum à Beata Virgine accepi beneficium. Nam cum petiissem à Reuerendo Patre Generali, in Iaponiam Missionem, ille verò commendato Deo negotio, nondum se habere hanc inclinationem sensit; ab omnibus desperabatur meâ missio, & à meipso. Sed visitando Beatum Paulum extra muros Romæ, ante Beata Virginis imaginem, ante quam Sanctus Pater noster Ignatius, cum reliquis decem Patribus, vota sua fecerunt, oraui; offerens me ad hanc Missionem, & rogans ab illa gratiam: recessi plenus confidentiâ, & securitate, quòd id obtinere deberem. Ac promde, eo ipso die, venit ad me quidam Pater Lusitanus Vega, qui Reuerendum Patrem Generalem, concessisse,

se, & promississe meam Missionem cuidam Patri, qui pro me rogabat, mihi nuntiauit. Quod ipsum etiam alio die à Reuerendo Patre Generali oretenus accipi. Hoc verò non poterat esse, nisi miraculosum, ex gratia, nunquam satis laudatæ, & benedictæ Dominae meae, & Matris misericordiarum: ipsi cum Filio eius, à nobis mancipijs ipsius, gloria, Amen.

14. Venetijs dum essem iam Religiosus, propter malè scriptum testimonium sanitatis, iam debebam ablegari ad 40. dierum mansionem, in locum, ubi periculum occurrebat, ne agnoscerer pro Iesuita; & fuit iam causa ferè desperata, nisi Beata Virgo adiuuisset. Cui vix me commendaui, ecce vocor ad Praesidem, & liber fio.
15. In die Annuntiationis, ex lectione vitæ Fratris Ioannis Berchmans, notabiliter commotus fui ad sanctè viuendum, & mutandi vitam. Hucusq; è P. Alberti libello descripta hæc fuere. Quæ sequuntur per eundem supra nominatum Patrem, à Patre Alberto audita, & literis ipso conscio cõsignata.
 1. Societatis ingressum à Beatissima impetrauit, eò modo, quem in loco ipsius ingressus posui.
 2. Excursio in Iaponiam, à Deipara, in D. Apostoli templo extra mania, impetrata. Eiusdem Sanctissima Matris Purificationis festiuâ luce, à Patre Visitatore, de Iaponica sibi concessa excursionem, optatissimas literas accepit, diebusq; Beatæ Virgini Sacris, euentus felicissimi accidere.
 3. Cùm ab Hollandis captus, S. MARIE à populo spoliaretur venustissimâ imagine, à Nauis Duce Diuam suam deprecatus est; sed ab Heretico reiectus, Beatam

tam Virginem, oratione Angelicâ, vel semel recitatâ, interpellat; cum ecce ab Hollando aduocatus, imagine potitur suâ.

Calculo semel laborabat, eò redactus vi dolorum, ac mali pertinaciâ, ut medicamina cuncta, morbi malignitas repelleret. Dum tantillum quieti se dat, in somnis admonetur, ut cucurbitulam adhibeat. Euigilans imperanti obtemperat; lapillos quàm plurimos facili negotio expulit. Exin apud Medicinæ peritos, inuenit hoc curationis genus, solenne ac praeipuum esse, ad tanti morbi leuamentum.

His quam plurima accessere beneficia, eluse, equataq; difficultates, superata pericula, quibus Deus Optimus Maximus, cunctis illesum integrumq; seruauit.

Hec omnia praedictus Pater Buera, Patri Francisco Roas detulit; ille, auditâ felici Patris Alberti morte, ad aliorum excitandam imitationem, vulgauit, additâ methodo deuouendi se, obsequio eiusdem Diuinæ Matris, à Patre Alberto scriptâ in haec verba.

O B L A T I O.

Cupientis amplecti deuotionem, & patrocinium Sanctissimæ Virginis, & peculiari Oratione, veluti singularem Dominam, & Aduocatam recipere.

SANCTISSIMA VIRGO DEI GENITRIX MARIA,
Ego N. licet vndequaq; famulatu tuo,

N

&c

& vt in numerum seruorum tuorum recipiar, indignissimus: fretus tamen pietate, ac benignitate tuâ, & impulsus tibi seruiendi, & placendi desiderio, firmiter statuo, & propono, me tibi, ex hoc tempore, semper obtemperaturum, & fideliter famulaturum, atq; vt ab alijs tibi seruiatur, pro viribus meis effecturum: & eligo te hodie in Aduocatam, Dominam, & Matrem, coram Beatis Angelis, Michâele, Gabriële, & Raphâele, & Angelo meo Custode, & Sanctis, Ioachim, Anna, & Ioseph; Joanne Baptista, Petro, Paulo, & Ioanne Euangelista, & curia cælesti vniuersa. A te ergo Mater pijsissima, per I E S V Christi sanguinem peto suppliciter, vt me in seruum perpetuum admittere, & in numerum tuorum deuotorum adscribere digneris, & adsis in actionibus meis, gratiamq; mihi impetres, vt in cunctis cogitationibus, verbis, & operibus, ita me geram, vt nunquam tuos, Filijq; tui oculos, offendam; & rogo, vt memor sis mei; nec me deseras in tempore mortis meæ, ô clemens, ô pia, ô dulcis Virgo MARIA.

Hâc pietate occupato animo, quid iam graue
esse poterat, aut inuium, quo velox se charitas
non protenderet. Mira quædam, & vix humano
iudicio, & apprehensioni possibilis est, DE o dica-
torum hominum resolutio: vt sicut proprium est
rationali homini, competenter rationi, & naturæ
viuere; ita illis, qui altiore reguntur Spiritu, DE-
VMQVE supremam actionum suarum regulam sta-
tuunt, tantum se rebus subducere humanis; vt
ordinarios casus, & fortuitos euentus, non aliter
accipiant, quàm cælum accipit tonitrua, & fulgu-
ra. In hunc proinde rerum omnium euecti api-
cem, DE VM, auctorem rerum omnium, vbique
vident, colunt, adorant. Neque est tam vilis, aut
humana conditio, aut muneris, & designati obse-
quij extrema humilitas, ad quam illi promptissi-
mo non aduolent affectu, & tanquam summi bo-
ni, sui effigiem non apprehendant. Et inde mihi
pensanda videtur Patris Alberti demissio, & humi-
litas, quâ instructus, leue habuit, ad vltima obse-
quia extremâ valetudine laborantium, demitti;
artes, sibi ante vix primis initijs cognitæ, reuocare
ad praxim, linguas vsui difficiles, graui iam per-
ætatem memoriæ inculcare; descendere ad remi-
gum, & nauticæ plebis lauandas, eluendasque sor-
des; quia Christum leuare, Christum in animis
parturire infidelium, Christi odore, alios contrari-
os suffocare odores, se credebatur. His autem ex
omnibus, nihil tribuere sibi, DE o adscribere
omnia. Extat huius demissionis sui, exaltationis
autem gratiæ DE i, præclarum Canticum, ad in-

istar Cantici Mariani conscriptum; quod ille è Polonia, ab amico suo Patre acceptum, Patri Ioanni à Buera communicauerat, quod subiicio.

CANTICVM CREATURÆ, Gratiam DEI exaltantis.

Vilificat anima mea meipsum.
Et desperauit Spiritus meus in nihili contemptibili meo.

Quia nihil sum, propter mendicitatem naturæ meæ; ecce enim ex hoc, iure contemnent me omnes generationes.

Quia nihil prorsus ex me possum; & nulla est sufficientia mea.

Sed misericordia Dei sum, quidquid sum; & ex me nihil boni possum.

Fecit Deus bonitatem miseriæ meæ; suppleuit defectus egestatis meæ.

Extraxit me de lacu nihili mei, & donauit me totum mihi.

Exaltantes gratiam suam ditat Dominus; spernentes autem dimittit inanes.

Curat me ut nutrix infantem suum; nouit omne imperfectum meum.

Sicut ab ipso sum totus, quod sum: sic & ab illo solo spero cuncta bona mea.

Gloria Patri, & Filio, & Spiritui Sancto: Sicut erat in principio, & nunc, & semper, & in secula seculorum, Amen.

Vir-

Virtutum catenam reliquarum, accuratius hîc pertexere necesse, non erat: satis illæ expediunt seiplas, tali posito principio. Adeò excellentes prodromas, non inuitæ secutæ sunt reliquæ; cum vix possibile sit, vnius perfectâ possessione virtutis, alias simul non consequi.

**Domicilium verò adeò Inquilinarum
optimarum, hoc fuerat.**

Pater Mećiński staturâ mediocrem modicè superabat, vultu ad longitudinem aliquantùm protenso, sed planâ fronte, viuacibus oculis, naso aquilarum in morem, medio protuberante, & decliui, subfuscus, & adustus faciei color, tritici maturi similitudine, crinis niger, totumq; capillitium, naturæ ductu, crispum, & retortum. Cæterum vultûs amænitas, & procedens ab animo, per affabilem sermonem, candor, aptus erat, qui non imperato modestiæ affectu, omnium cordibus, singularis instillaret sensum pietatis. Faciat tantorum Princeps, & Promotor Heròum suorum DEVS, vt ad tanti exemplar Patris, assurgant similes pluri mi, qui medullitùs, quâ possunt contentione, tueantur hanc, quam nacti sunt Iaponicam Spartam; illamq; promouere, & tueri ambiant, quantum Sanctissima DEI voluntas, quantum Diuinæ gratiæ suaues, & efficaces motus virium suggererint.

A. M. D. G. V. I. C. H.


I N D E X CAPITVM.

- Caput I. P. Alberti Mećimski Maiorum splendor, & Illustres natales. fol: 11.
- Caput II. Educatio, & Studia. fol: 17.
- Caput III. Adeunda Religionis propositum, & impedimenta. fol: 20.
- Caput IV. Religionis ingressus, & prima Religioſe vita rudimenta. fol: 29.
- Caput V. Reuertitur in patriam factus Soc: Iesu Religioſus, & studia Philoſophica proſequitur. fol: 36.
- Caput VI. Fratris natu minoris Stanislai mors, noua circa Religioſam vocationem turbatio, Bonorum diſpoſitio. fol: 41.
- Caput VII. Curſu Philoſophica finito Romam abit, indeq; in Luſitaniam. fol: 49.
- Caput VIII. Eboræ Theologica ſtudia proſequitur, Primam Diuinae Maiestati offert Hoſtiam, Indicum iter aggreditur. fol: 60.
- Caput IX. Iterum reuocatur in Patriam, fol: 63.
- Caput X. Iterum Indicum aggreditur iter, ſed contrariâ tempeſtate arcetur. fol: 70.
- Caput XI. Nauigatione Indicâ, periculis, & patientia pleniffimâ perfungitur, & Goam uſque ſanus peruenit. fol: 74.
- Caput XII. Japonicum iter aggreſſus ab Hollandis intercipitur. Captiuitatis huius miſeria, & merita. fol: 87.
- Caput XIII. Ager à captiuitate Formoſam Inſulam deſcri-

- describit, item P. Marcelli Mastrilli gloriosum apud
Japones Martyrium, & P. Andrea Rudomina fe-
licem apud Sinas obitum. fol: 103.
- Caput XIV. Insulae Formosae Descriptio. fol: 108.
- Caput XV. P. Andrea Rudomina vita, & obitus
apud Sinas. fol: 113.
- Caput XVI. P. Marcelli Mastrilli martyrium in Ia-
ponia susceptum. fol: 127.
- Caput XVII. Itineris Iaponici Occasio, & apparatus.
fol: 134.
- Caput XVIII. Japonico littori exponuntur Patres, &
continuò agniti, Iudici sistuntur. Eorum interroga-
tio, tormenta, & mors. fol: 139.
- Caput XIX. Describitur tormenti aquae genus, eiusq;
experimentum à Martyribus susceptum. fol: 167.
- Caput XX. Ultimo Fossae supplicio P. Albertus una
cum Socijs defungitur. fol: 171.
- Caput XXI. Exultatio Christianorum de felici
morte Patrum. fol: 178.
- Caput XXII. P. Alberti Mećinski, Animi & Corpo-
ris Effigies. fol: 182.



V I T A
R. P.
P E T R I
S K A R G A,
P O L O N I
ε
S O C I E T A T E
J E S V.



PROTESTATIO AVTHORIS.

A Postolicum decretum anno 1625. editum, anno verò 1634. confirmatum, iuxta eiusdem declarationem, de modo scribendi vitas hominum sanctitate illustrium, integrè, atq; inuiolatè in hac scriptione vitæ R. P. PETRI SKARGA è Societate IESV, Religioso obsequio seruaturus, protestor non me velle cultum, aut venerationem aliquam illi arrogare, vel ei famam, & opinionem sanctitatis comparare, aut augere, vel gradum quempiam facere ad solennes aliquos ipsius in Ecclesia honores: sed omnia à me ita referri, vt non plus illis fidei, quàm quæ humana est, adhiberi velim.

APPROBATIO.

Quem Chrysostomum suum habuit, habetq; Polonia R. P. Petrum Skarga è Societate IESV, Sereniss. olim Regum Polonia, plus triginta annis Ecclesiasticum Oratorem, quem fortissimum Athletam Religio Catholica hæresibus profligandis experta est, qui singularibus scriptorum monumentis, ac imprimis sanctitatis religiosa studiis gloriosam, in memoriâ hominum, sibi propagauit vitam; eius Vita à pio authore collecta, ac descripta, si publica Utilitati in lucem prodeat, facultatem concedo. Cracouiz, 2. Aprilis. A. D. 1661.

Hyacinthus Liberius, I. V. D.
 Præpositus SS. Corporis Christi
 Canonicoꝝ Regularium, Librorum
 in Diocesi Cracouien;
 Censor.

Perit!

Perilluſtri & Magnifico Domino, 200

D. STANISLAO
SKARSZEWSKI,
SAMBORIENSI, & DROHOBICENSI
CAPITANE O.

Bonis fauſtisq; frui.

BReuis iſtae narratio, qua natales, & virtutes **PETRI SKARGA** Societatis **IESV** perſequitur, Tuis ſeſe luminibus, & affectibus inſinuat, **PERILLVSTRIS SKARSZEVI**; tantum auſura nunquam, niſi ſingularis humanitas Tua, vel alliceret ingenuam, vel verecundam inuitaret. Quamquam habet etiam ab indole fidentiam ipſa ſuam, cuius utpote Viri res geſtas complexa, cuius mores, non ambigam apud Polonos pradiationem, at verò venerationem manes, iam olim reppererunt. Ecquis enim hoc Regno peregrinus adeò ſit, penes quem, ſin minùs alia, celeberrimi proſectò Eccleſiaſtæ famam, **SKARGA** hucusq; non retineat, transmittendam poſteris, & ſeculis producendam? Jam, pietatem, facundiam, grauitatemq; faſtorum, & dictorum, plebs rudior haud ignorat; adeò quidem vulgò quoq; innotuit, vel inde nequaquam vulgaris. Principum, ac Procerum animos ad Diuinas leges ſpectere; fas, & æquum, præceptis, atq; monitis formare, & firmare; ſcleri obeſſe omni; perennis labor **PETRI**, dum in viuis ageret, fuit. Nec linguam duntaxat, totis decem luſtris, exercuit, ſed inſuper pennam, libris, ad ſacram eruditionem, piamq; Catholicorum utilitatem, in lucem miſſis. Proſtigata, valido argum entorum robore, Sociniana in Moſcorouio

*impietas, Caluiniana fatuitas in Volano, in sexcentis
 ſectatoribus Lutheri peruerſitas, Schiſma in Roxolanis
 Græcum. Illi Metaphraſtes, Lipomanus, Suriusq; de-
 bent, quòd Dinorum iſta Lechicè loquantur; illi Ceſar
 Cardinalis Baronius Eccleſiaſticorum mirè concinnam
 Annalium Synopſim, ſolidumq; compendium refert; illi
 cætuſ miſericordiæ, Pietatiſ montes, & Lazari Socie-
 tates, ſua tribuunt initia, ac incrementa. Illi Paro-
 chiæ popularium inſtitutionem; militum, ac Heroum
 normam præſcriptam, caſtra; Status, & Ordo ſummuſq;
 imuſq;, ac mediuſ, ſalubrem illi doctrinam habet acce-
 ptam. Omnibuſ omnia factuſ eſt, atq; hætenuſ in lucu-
 brationibuſ ſuperſteſ, facit. Hunc igitur talē tantuſ, ut
 plurima diſſimulē PETRUM SKARGA, Tibi præluſ expri-
 mit, animo meliùſ expreſſum, ac impreſſum Tuo. Nihil
 ibi ſepia denigrat; ſed puriſ, iſdemq; viuſ coloribuſ,
 quos Tuæ mentis Candor miniſtrat, integra Viri verè
 Apoſtolici ſpecies ſignata patet. Reperit apud Te pretiū,
 locumq; ea dignitaſ, quam, nemo licèt vilem cenſeat, ra-
 riuſ tamen æſtimat è merito, & conſeruat. Neq; inania
 ſunt in Te probitatiſ lineamenta; cū non admiratio-
 nem modò, verū & imitationem in pectuſ Tuuſ indu-
 cant. Non ſatiſ eſt, venerari; quin æmulari pergiſ, quic-
 quid in homine Religioſo Tibi congruum videtur: atq;
 ut gloriā egregio veritatiſ, virtutiſq; adſtruaſ prædi-
 catori, quæ docuit ore quondam, nunc effingis opere, &
 ad cæleſtiſ ſapientiæ ab ipſo propoſita præceptioneſ, vi-
 tam ipſe componiſ. Cū itaq; SKARGA Tibi familiaris,
 & domeſticuſ ſit, quem interno complecteris reſceſſuſ
 manibuſ excipe benigniſ, ac beneuoluſ pertracta: ſimul
 gratuſ habeto pectuſ, Tibi, PETROq; SKARGA æter-
 nuſ addicti.*

Na-



Atus est Pater PETRVS SKARGA
 in ea Poloniæ Prouincia, quam
 Masouiæ Ducatum dicimus,
 Parentibus Equestri Ordine
 illustribus, Patre MICHAEL E
 POWĘSKI, Matre ANNÂ SWIĘTKOVIÂ. Pri-
 mis in pueritia annis, bonâ Parentum ac-
 cedente educatione, pietatatem coniunxit
 literis: verûm his breui vitâ functis, Pater
 enim Anno 1544. Mater 1548. exceſſerat,
 perrexit ille tamen in vltiori contentio-
 ne studiorum, quibus in oppido Grodziec,
 ad vsq; 17. ætatis annum immoratus, non
 poenitendam locauit operam. Cracouiam
 deinde, Poloniæ Metropolim, Vniuersitate
 Academicâ, & alumnorum frequentiâ flo-
 rentem, annum iam agens 18. se contulit:
 & quâ erat ingenij felicitate, laborisq; per-
 tinaciâ, intra duos annos publicum Sapi-
 entiae testimonium (primam Lauream vo-
 cant) affecutus est. Mansit exinde ea sem-
 per, PETRI in animo, erga Cracouiensem
 Academiam gratitudo, & beneuolentia; vt
 nihil vnquam non honorificum de Acade-
 micis rebus dixerit, scripseritq;: singulari id,
 illâ etiam diligentîâ testatus, quâ res gestas

A3

B. CAN-

B. CANTII, eiusdem Academiae Doctoris Theologi collegit; & utroque idiomate typo impressas, publicae lucis fecit. Periculum postmodum nauatae literis operae facturum, Varsouiam (quae vniuersalibus Regni Comitibus, Regiae sede, situque ac munitione nobilis Poloniae ciuitas est) aduocatus, gymnasij regendi curam suscepit. Rexitque industriam singulari, biennio integro; donec perspecta Viri indole, ac moribus, Illustrissimus D. ANDREAS TĘCZYŃSKI, Castellanus Cracouiensis, primus Senator Regni, ad aulae suae translatum obsequia, Filij IOANNIS, qui tum iam Viennae erat, adolescentiae praefecit. Quo munere egregia cum laude perfunctus, intermissis tandem literarum studiis, innata quaedam ad eloquentiam facundiam, moribusque optime ad virtutem compositis, facile gratiam pie memoriae Reuerendissimi D. PAULI TARŁO, Archiepiscopi Leopoliensis promeruit. Hic, licet nondum maturum annis iuuenem, intra paucos tamen dies, simul Subdiaconum, & Concionatorem, breuique Sacerdotem, dispensatione iuris impetrata fieri voluit: & quod sustinendo oneri par esset auctoritas, & sustentatio, Praeposituram Rohatinsensem addi-

addidit. Nouo igitur Sacerdotij ministerio auctus PETRVS, elaborare sedulò, præsertim in concionib⁹, crebrò, ferverenterq; pro suggestu dicendis cæpit; effecitq; magno, & audiendi desiderio, & Auditorum fructu, vt præter superiora, Metropolitana Leopoltanæ Ecclesiæ Canonicus, simulq; Concionator crearetur. Sed ne, crescentibus oneribus, debiliores humeros, diuino disseminando verbo, ad quod se singularibus stimulis adigi cælitùs sentiebat, adferret, continuò alleuiandos duxit, Præpositurâ Rohatinenfi à se relegatâ. Ita iam expeditior factus, animarumq; lucris inhians, pro concione frequentissima dehortari à vitijs, virtutisq; amorem auido Auditori instillare: extra concionem verò, tam priuatis allocutionibus, quàm publico exemplo præire ad pietatem exorsus est; vt Canonici, & Concionatoris dignitatem, etiam carcerum, ac Xenodochiorum frequenti inuisione, reorumq; ad supplicij locum humili deductione, (vnusq; præsertim sacrilegæ mulieris, quam, Christi de cruce pendentis effigiem manu præferens, ad rogam vsq; comitatus est,) cum magna populi admiratione, & ædificatione honestauerit.

Mouit religiosa adeò viri pietas, antiqui hostis versutiam. Quare optimi Patris benè iacta vitæ Apostolicæ initia, conuellere omni conatu cupiens, vbi multas tentationum machinas, ex insidijs, & occultè structas, altiori animo, cælitusq; instructâ mente eludi vidisset; palam omni rabie oppugnaturus, triennio integro, sub ingentis canis specie, ad terrorem, visibiliter comparuit; & quos adeò in prædicando Euangelio exercitatos, celeresq; aduertebat pedes, totâ mole corporis pressit, tenuitq;. Sed PETRVS Diuinâ fretus ope, ab eiusmodi pedicis agilior, ad anteriora extendens seipsum, quacunq; aut maiorem lucrandi animas spem, aut euidentius periculum imminere Ecclesiæ aduertisset, accōmodare linguam, adhibere piæ exhortationis subsidia, vitâq; exemplari omnem conabatur impietatem debellare. Et primis quidem hisce laboribus fauere Diuina Maiestas visa est, vt cum ad maiora, quæ parabat, alliceretur. Inter multas animas, quas tum verbo, tum exemplo lucratus est, etiam Palatina quædam, Ruffiæ fuit; cuius obstinatum in errore Schismatico pertinaciam, cum, multis demum rationibus, & monitis PETRVS fre-

gisset,

gisset, cessit illa propositæ veritati, & Sedis Apostolicæ obsequio est restituta.

Hæc, dum maiori in dies contentione crescunt, & quotidianis progressibus res Christiana augetur, noua quædam PETRI animo lux cælitus affulsit. Inaudierat non multis antè annis conditam Societatis IESU Religionem, magno Ecclesiæ bono in vinea Domini, non segniter laborare; & (quantum quidem nosse tum poterat,) eius vitæ institutum proprijs conatibus mirificè conuenire. Didicerat tum aliorum, sermone, tum frequentibus literis, illam Sociorum potissimam curam esse, suæ, proximorumq; salutis incumbere; nullis, nisi quibus & orbis ipse definitur, terminis, industriæ suæ fructus claudere; omne genus hominum, quâ diuini prædicatione verbi, quâ expiatione peccatorum saluari, ad DEVM trahere; Hæresi, Fideique hostibus, doctrinâ contraire: quorum omnium, si non exactam iam messem, at prima semina in se viderat; & his ipsis accendi desiderium maius sentiebat. Verùm in exequendo tardior, quotidianis occupationibus, in longius faciendorum memoriam reiicientibus, potius desiderare agenda, quàm agere

desiderata videbatur. Cùm interea accidit **SIMONEM WY SOCKI**, (postea Societatis **IESV** Theologum, & virum in Polonia concionum feruore, animarum zelo, translatisq; in linguam vernaculam pluribus ad Spiritum pertinentibus libris, satis notum) in deligendo vitæ statu, multis anxietatibus perturbari, in eoq; præcipuè hædere, quænam sibi præ cæteris Religio amplectenda esset. Hic, vt sibi consuleret, **PETRV M** adiit, vt pote quem animi sui ducem elegerat, quemq; communis opinio prudentem, diuinoq; spiritu plenum censebat: exposuit primùm omnem consilij rationem: quidquid verò optimum sibi prospiceret, vt decerneret, petijt. **PETRV S**, per orationem, re cum **DEO** communicatâ, respondet, in Polonia nullam se eiusmodi Religionem reperire, quæ ipsius propositis, & naturali corporis constitutioni apta videretur: esse in Germania, Italiaq; Religionem Societatis **IESV**, magno Ecclesiæ commodo exortam, cuius si alumnus fieret, videri non pœnitendam electionem facturum: deliberaret interea, sequentiq; die ad se veniret: se pluribus ea de re cum Diuina Maiestate acturum.

Egresso

Egresso SIMONE, PETRUM potentioribus
stimulis aggreditur DEVS. Quid tu, inquit,
consulis alijs, quod ipse non facis? Si hu-
ius complexionis, & talentis, apta hæc Reli-
gio, quare & non tuis? Ergo Tu alijs mon-
strabis viam ad salutem, ad quam ipse vo-
caris, nec progredieris? Hæsit PETRVS, dul-
ci illo, fortiq; diuinæ vocationis ictus telo:
& simul omnes mundi spes deposuit; simul
Religionis ingressum, firmo constantique
animo proposuit. Redit ex condito SI-
MON, cui totam deliberationis suæ seriem,
enarrans PETRVS, se comitem itineris, so-
ciumq; vitæ futurum, Romam vsq; polli-
cetur: discederet interim, rebusq; compo-
sitis, determinato tempore Leopolim ve-
niret; se quoq; gnauiter idem facturum,
modò propositum hoc suum (quò liberius
sine interpellatione amicorum omnia age-
ret,) omninò nemini propalaret. Quod
propositum; factum: Singulari gratiâ diui-
nâ affulgente, omni negotiorum mole di-
stractâ, facultatibus pro ratione distributis,
magno Ciuitatis, totiusq; Capituli deside-
rio, Romam cum SIMONE profectus est.
Quoq; iter hoc conficeret celerius, eques
illud peragere instituerat. Conatus est (vt
ipse

ipse interpretabatur) humani generis hostis obicem itineri ponere: vix enim equum ascenderat PETRVS, cùm ad primum assultum, viâ planâ, equus validus, tantoq; labori par, pedem fregit. Sed quod, ominis mali, alteri præsagium fuisset; Christi miles, boni, cum capitali bonorum aduersario, certaminis exordium sumpsit; eâdemque die, alio conquisito equo, sine mora iter prosecutus est. Quod ipsum, singularibus quibusque factis ita honestauit, quasi nec proficisci vellet, nisi simul laboribus, meritisq; proficeret. Diuertit aliquantulum ex itinere, inuitante SOPHIÂ de Sprowa Odrowaziâ Castellanide Woinecensi, ad IOANNEM Comitem à Tarnow, maritum suum. Cuius vacillantem, & dubiam fidem, inter Ministrorum Hæreseos blandimenta, & fallacias cùm reperisset; eorum profligatis palam, conuictisq; erroribus, ita pristinae firmitati restituit; vt deinde aliquot post annos moriturus, præsentē Aulâ totâ, accito ad se Patre PETRO, benedictum, accensumq; cereum de manu illius accipiens, illis vltimùm Psalmi verbis alloqueretur. *Nam etsi ambulauero in medio umbræ mortis, non timebo mala, quoniam tu mecum es.* Pari, (licet

(licet principio difficiliore) successu Iaroslaviam prætergressus, NICOLAVM Mielecium Podoliæ Palatinum adiit. Vir ille, civili prudentiâ, maturoq; iudicio, multis probatus, vnâ Hæreseos labe notabatur, simul cum coniuge, quæ in deterius prolapsa, à Calvinismo ad Arrianos; ab his deinde, ad Iudaismum vsq; gradum fecerat. Admouit primum P. PETRVS salutaria monita, oculosque amborum, tam profundæ veritati clausos, Diuinâ Scripturæ, Patrumq; auctoritate aperire connitens, resistentem ad primum insultum fortiter vtrumq; sensit: & peruiacaci pro perfidia, zelo inductus Palatinus, rationum robur amplius non sustinens, de ponte, per quem descendendum Patri SKARGA fuerat, deturbari eum, in præterfluentem mandauit. Sed digresso PETRO, & ad conscientiam redeunte Palatino, postquam dicta, monitaq; veritatis, cum perfidiæ rationibus contulisset, victamq; aduertisset Hæresim, continuo de via iterum honorificis literis aduocato P. SKARGÂ, manus vltro, & cum coniuge, Catholicæ fidei dedit; in eaq; ad finem vsque vitæ, firmus semper eiusdem defensor perstitit. Hoc itaq; & simili animarum CHRISTO

sto acquistarum viatico diues, Romam demum Mense Septembri, Anno salutis 1568. fauente Numine, incolumis cum socio peruenit.

Incident in illud planè tempus, quo, ante mensem exactum, B. STANISLAVSKOSTKA è viuis excefferat; vt Diuina benignitas consulere Poloniae visa sit, cum in locum caelo receptae iuuenilis innocentiae, maturum, labori virum substitueret: quò, caelesti alter praesidio, alter infatigato sudore, Poloniae opem ferret. Romae itaq; aliquot in sumptis mensibus, dum ad Sanctorum Martyrum sepulchra, pro incolumitate sua supplicat, & frequentius iteratis precibus, apud Patrem Generalem (Beatus FRANCISCUS Borgia is fuerat) aditum Societatis flagitat, admissus est: ipsoq; die Beatissimae Virginis Purificationi Sacro Sociorum numero aggregatus. Quo ille die, semper anniuersarie, tum in DEVM, tum in eius Matrem, memorem se beneficii accepti praestitit; nec vnquam illud in hanc Virginem, post DEVM, referre dubitauit: vti in eloquentissimis, simul ac pijsimis eius Concionibus, ad diem, tum Purificatae, tum Visitantis Virginis conscriptis, videre licet.

Jucun-

Jucundum hoc in loco, vnum, alterumue despicientiæ exemplum, referre de eo solitus est Pater SIMON WYSOCIVS, cuius proximè mentio facta est. Ac illud imprimis; quòd cum more sæcularium Prælatorum, barbam comptiorem deferre consueuisset Pater; initâ autem Domo Probationis, neminem videret, qui hoc ornamenti genus aleret; exhorruit nonnihil, doloreque comæ suæ perdendæ perculsus est: sed mox sui potens, mollioremq; iustò animum incusans, forficibus comam illam parùm ex arte præcidit, abiecitq;: causam facti ab eo, qui, de Socijs, eius curam gerebat, interrogatus, ansam (respondit) quâ me hostis arripuerat, sustuli. Edidit postea & aliud non leue, imò illustre, Tyronis, se, nomenq; suum despicientis, argumentum. Illo namq; die, quo primùm Religiosæ mensæ cum reliquis assedit, appositos melopepones, vlt omnibus rudem se persuaderet, sumpsit, corticibus non abrais. Quod vbi Pater Rector aduertisset, hominisq; valetudini metuens, vini generosi poculum propinari iussisset; accepit ille, sed vt virtutis inuolucrum suæ: progressus enim ad Socios, optimum enim uero, inquit, medium, vt generosum

rosū bibas vinum, non decorticatis vescaris melonibus. Talibus initijs feruentiores addens quotidie progressus, in exercitio solidarum virtutum exacto biennio, & Theologicis studijs repetitis, Deo ritē per vota Religiosa obligatus, postquam, inter sacrę pænitentię ad Vaticanum Iudices, strenuam operā nauāisset, iterum in Poloniam redire iubetur.

Quam ille laboris sui Spartam, lætissimo charitatis accipiens complexu, tamdiu circumferre in visceribus voluit, donec in ea CHRISTVM formaret. Primam Pultouię, Superiorum imperio, nactus Cathedram, feruenti, & graui oratione, frequenti concursu, ad populum verba fecit. Deinde vbi sexennio post initam Societatem, Professus Societatis IESV, quarto voto edito adlectus esset; quasi exiguus hic industrię suę campus esset, vni Ciuitati prodesse; in vicinam Liunioniam, partim cum Eminentissimo Cardinale Radziuilio, Liunionię profunc Gubernatore, partim cum Serenissimo STEPHANO BATHOREO, Polonię REGE, excurrit; hæreticâq; labe infectos populos, sacrę eruditionis pabulo, priuatisq; allocutionibus erudit, fructu laboribus respondente.

Sed

Sed cùm videret bonus Pater, parùm semel dictis profici verbis, nisi, qui perpetuò dicerent, essent; Principum fauore ad emolumentum Reipublicæ vsus, Collegia Societatis IESV, perpetuum Euangelicis operarijs Seminarium, (nisi hæretica rabies² successu temporis præualuisset) STEPHANI BATHOREI REGIS liberalissimi beneficentiâ, Derpati, Rigæ, Polociæ, fundauit: sicut & antè, Româ primùm rediens, Iaroslauensi Collegio per manus SOPHIÆ de Sprowa Odrowazizæ, Palatinæ Sendomiriensis, bona initia iecerat.

Hæc inter studia, Vilnensis Collegij Rectoris, totiusq; Prouinciæ Polonæ Vicepræpositi munere, necnon Rigensis, Polocensisq; Residentiarum Superioris officio perfunctus; vbi per quietem licuit, delectam prius literis suis, deinde pietati sedem, Cracouiam, regressus, eodem linguæ sanctioris torrente, quadriennio integro, vtilissimè ad omnem pietatem prouexit; & opportunissimè ab irruentium Hæresiarcharum rapacitate tutatus est, redeunte, ad feruentissimi Patris conciones, & monita, intermisso SS. Pœnitentiæ, & Communionis² frequentiori vsu; templis ipsis, ab antiquo

situ, & squalore, in cultiorem nitidamque elegantiam vindicatis; populi languentem, labentemq; inter Hæreses deuotione, ad Diuini obsequij famulatum, Sanctorumq; imploranda subsidia, ardentius exstimulatâ. Quibus accessit Domus Probationis ad S. STEPHANI nuper instituta, ipsiusq; consilij, ac industriâ, congruis redditibus à Kormanicka, lectissimâ fæminâ opportunè dotata. Auxit insuper pietatem saluberri-
 mis, quæ misericordiam concernunt, inuentis. Illius enim ductu, Sodalitas Misericordiæ excitata: cui leges, consuetudines, muniaq; præscripsit; selectisq; Patrum, & scripturæ testimonijs, prælegendam singulis Dominicis diebus in confessu Sodalium, alimoniam ministravit. Huius confraternitatis studio, ac liberalitate, & ij, quos pudor à mendicando absterret; & aut debita contracta grauant, aut, inopiâ fortunæ, infelicitas opprimit, pronum semper patrocinium, opemq; experiuntur. Et manauit in alias quoq; Poloniæ vrbes, id saluberrimum exemplum, excitatis similibus per eas sodalitatibus misericordiæ. Addidit præterea Varsauiæ prædictis, S. LAZARI confraternitatem; quâ per ciuitatis vicos
 sparsi,

sparsi, iacentesq; mendici, piâ sodalium, charitate, ad excitatum industriâ P E T R I, Principum liberalitate nosocomium, deferuntur.

Contentus iam eâ Religiosæ vitæ quiete degebat P E T R V S; nihilq; aliud cogitare videbatur, quàm vt in proximorum curandam salutem, quibus posset medijs, incumberet; spectaretq; laboris fructum, quem, in fundanda ad S. BARBARAM Professa Societatis Domo, & altera Probationis ad S. STEPHANVM stabilienda, posuerat. Verùm aliter visum Superis. Post excessum enim diuæ memoriæ STEPHANI BATHOREI, ad Clauum Reipublicæ Polonæ, de consensu Ordinum, euocato ex Suecia SIGISMUNDO III. IOANNIS Sueciæ REGIS Filio, vigesimum primum annum tum agente, P E T R V S quoq; in Regium Ecclesiastem, eiusdem Diuæ memoriæ SIGISMUNDI voluntate est assumptus: eoq; in munere, per annos viginti sex, magno, & Aulæ, & Regni totius bono, multâ Societatis commendatione, perseueravit. Molesta quidem visa est vita, à Fratrum complexu diuelli; & in ea semper consistere veluti specula, vbi quidquid ageres, aut diceres, ex totius Societatis per-

sona agendum, dicendumue esset: submisit
attamen oneri humeros P E T R V S; ut qui
didicisset, nunquam obsequenti animo cæ-
litus ministratas vires deesse. Quâ verò
curâ, & sedulitate, commissum sibi Regij
Concionatoris munus exercuerit, quemq;
plausum, aut quem fructum optauerit,
ipsiusmet verbis censuerim exprimendum.
Ita enim ipse in Præfatione earum concio-
num, quas Serenissimo SIGISMUNDO, iam
ætate grauior dedicauerat, coram terreno
R E G E, cælesti rationem reddens, loquitur:
*Mecum ipse recogito, quam demum rationem,
difficilis adeo muneris Christo DEO meo redditu-
rus sim, si is, qui me ad eum laborem delegit, ta-
lentisq;, quantum modica vires ferunt, instruxit,
tandem quaesierit: Ecquis laborum tuorum exi-
tus? qui, qualesue fructus? Ego verò quis tum
consistam? quid proferam? rubore, timoreq;, suf-
fusus meo, hæc fortè eloquar. Legatione tuâ Do-
mine ad Aulam Regiam, Serenissimi SIGISMUN-
DI, duorum Regnorum Inuictissimi Monarchæ,
ad Senatum, ad Equestrum Ordinem, omnesq;
eius Sacra Regia Maiestatis subditos, perfunctus
sum. Docui, & adhortatus sum, nomine tuo,
Dominum Regem meum, Christum tuum; ut po-
te eum, cuius ab exemplo, felix aut infortunatus*
Regno-

è Societate Iesu.

22

Regnorum successus penderet: Te suum agnosceret Dominum, cuius ductu assumptus est; & Caput, in tam lata, adeoq; numerosa gente factus. Sapientiam, & scientiam, difficili adeò regimini necessariam, à Te postularet: addisceret timorem tuum: omnem pietatem adamaret, coleretq;: obsequij, & gloria tua, incrementa augeret: Ecclesiarum, & Fidei tutelam assumeret: ad normam legum imperaret: iustitiam, disciplinamq; non deferret: amore intimo subditos, Regniq; leges complecteretur: laborem nullum, vigiliasq; in promouendo communi bono, Reg; publica incolumi, ac integra conseruanda recusaret: doctos, & pios foueret; eorum consilijs niteretur: ad Regni munia eos Adiutores muneris sui seligeret, qui pietate, religioneq; à fastu, & ambitione alieni, praeexcellerent: deniq; à via mandatorum voluntatisq; tuae digrediretur. Pollicebar interim nomine tuo Christe, potentem dexteram tuam ei ubiq; affuturam; & felici successu ea, quæ ordiretur ipse, ad effectum deducturum, &c. Prosequitur deinde longiori oratione, quæ Senatui, quæ populo dixerit, ad quæ bona duxerit, à quibus abstraxerit vitijs: vt omnium Concionum ideam, compendiumq;, breui illâ Præfatione texuisse videatur.

Solitus quippè erat, ita appositam au-

B 3

dien-

dientium mentib' præmeditari, & adferre orationem; vt & suauis, faciliq; eloquentiâ influeret, & graui quâdam Maiestate, à Sacræ Scripturæ, Sanctorumq; Patrum auctoritate petita, animos deuinciret, traheretque, quò vellet. Subtilitates, & acutæ dicacitatis lenocinia, quæ susurrant aliquid palato, non dicunt cordi, prorsus ablegauerat. Spiritum, pietatem, rationum robur, & Apostolicam ad vitia extirpanda libertatem, spirabat tota dictio semper. Erat enim in eo singularis quædam, magnæ prudentiæ iuncta, in dicendo de superiore loco, libertas; à qua cum nulla multitudo, nulla dignitas, nulla varietas Auditorum, deterruit. Et constabat omnibus audientibus, illi dicenti, solius DEI gloriæ, & animarum salutis, & boni publici causam, curamq; ob oculos versari. Inde consecuta, tam benè præparati, & prorsus Apostolici sermonis æstimatio, & reuerentia; inde, quod maximè quærebat, maxima per omnes ordines morum, ad meliora commutatio. Triplici porrò in efformandis concionibus vsus est subsidio, orationis, videlicet, mortificationis, ac diligentia; quarum priores duas præmittere semper.

soli.

solitus: orationem quidem, aptis ad id præcatiunculis scripto conceptis; mortificationem verò triplici quandoq; , aut quintuplici diuerberatione continuans, tantum celestis annonæ concioni accessurum credebatur; quantum sibi cumulasset doloris. Illud ab exacta præparati sermonis diligentia profectum; ut conciones ferè singulas ad verbum conscriberet: quin, si non ad captum audientium viderentur, ad tertiam vsq; limam integras vocaret, tantâ Diuinarum scripturarum lectione, ut nec mensam (quam diu ad Regis aulam moraretur) accederet, nisi Diuinæ scripturæ lectio prius ei cibos condiret: & iam grandæuus, Cracouiam rediens, id præcipuum oblectamentum haberet, Diuinam scripturam, & præcipuè D. PAVLI epistolas relegere; aut qui prælegeret, inuitare.

Extra hunc Concionatorij muneris ordinem, suum esse opinatus, quidquid posset manus sua instanter operari, admonuit manum sacris operibus. Sanctorum vitas, idiomate patrio, industriâ singulari selegit, in singulos anni dies distribuit, morales doctrinas ad quamlibet apposuit: quin, & Ecclesiæ Doctorum exemplis, ex eorundem

dem scriptis excerptas sententias addidit; quibus, Hæreses modernæ, per singula capita errorum, impugnarentur; & præsens Ecclesiæ doctrina antiquis per omnia consentiens demonstraretur. Qui labor, ipso superstitite, octies impressus, lucem vidit, videtq; omnium implens manus, cordaq; , vt rara sit domus, cui hæc vitæ benè instituendæ sacra Bibliotheca præsto non sit. Cæsaris deinde Baronij Annalium Ecclesiasticorum tomos aggressus, ipsomet per literas approbante Auctore, in compendium, tomi vnus, non minore labore, quàm iudicio redegit. Concionum præterea tomos duos posteritati dedit, magnum doctrinæ, & pietatis suæ testimonium. Repullulantem protunc Arrianam Hæresim, Lutheri, & Caluini sectam, & præcipuè de CHRISTO, in sanctissimo Altaris SACRAMENTO existente, erudita contra Volanum, eoq; iterato scripto confutauit. Militibus orandi, viuendiq; formulam præscripsit: Schismatis Ruthenici oppugnationem, inter quotidianos labores concinnauit; vt nullum prorsus hominum genus esset, cui PETRI SKARGA affectus se non impenderet. Accidit in eo genere scripto-

ptorum, quibus Schisma Russicum impugnavit; vt, primos inter labores, Vilnæ librum de vnitate Ecclesiæ, & Græcorum, Ruthenorumq; ab ea recessione, deq; incitamenti iterum recipiendæ vnionis in lucem ederet: fuitq; tantum veritati robur, tanta rationibus claritas; vt ij, quos præcipuè spectabat labor, nec pati possent, nec refutare. Ergo potentiorum aduocatâ ope, quidquid eiusmodi exemplarium in Bibliothecis residuum fuerat, collatâ pecuniâ cômunt, comburuntq;. Sed eo successu, vt clarâ adeò victi Schismatis confessione, auctiorem deinde editionem, & regiâ protectione tutam euocarent. Pro Societatis etiam defensione, contra grauissimas aliquorum, maximè Sectariorum, calumnias, Apologeticos vulgavit: eâ moderatione, vt hostes ipsi probarent; eo veritatis pondere, vt victi, confusiq; obmutescerent.

Duxit exinde felices laboris sui manubias; vt Matri Ecclesiæ restitueret, non è vulgo tantum plurimos; sed etiam multos ex prima Nobilitate viros, Regiæ Aulæ Præfectos, Cubicularios Regios, & insuper ipsos aliquot Hæreticæ prauitatis Ministros. Vnio-

ni cum Romana Ecclesia, per aliquos Ruthenos Græci ritûs Episcopos attentatæ, opportuno subsidio adfuit; Regisq; Domini sui, amplissimam ad Sedem Apostolicam commendationem, itinerisq; subsidium obtinuit. Coniurationem Schismaticorum cum Hæreticis, ad dissuendam hanc concordiam in Brestensi Conciliabulo, quod ipsimet collegerant, initam, constanti sapientiâ, ac pietate perfregit. Sæpius inter partes agitata internecina odia, resq; ad sanguinem vergentes, interpositâ tum auctoritate, tum ratione, & inprimis ad DEVM oratione, composuit. Præcipuus inter eos, quos, aut Superiorum mandato, aut charitate inductos suâ, susceperat, labor, Fidei Christianæ Catholicæ promotio, & observatio fuit. Hanc, ille providis, maturisq; consilijs, hanc ore, & calamo, insuper vitæ, famæq; periculo, apud Regiam Maiestatem, & Regni Status, contra impios, & Hæreticos tueri non prius destitit, quàm vivere. Iam tum in Senatum multi Hæretici peruascerant; fiebatq; ut plerumq; quidquid in Ecclesiæ commodum deliberandum veniret, promptis illi consilijs disuerent. Iuit obuiam prudentissimus REX,

&

& Catholicorum numero paulatim Senat-
 um adimpleuit; adeò, vt Hæretici vnicam
 postmodum Hæresim, honori, speique suæ
 contrauenire videntes, Hæresim aut exue-
 rent; aut, si hoc nollent, manerent inglo-
 rij, minusq; Ecclesiæ, & veritati noxij. Ex
 eorum hominum audaci libertate, publi-
 cis Regni Comitij, grandis erat excitata
 controuersia. Volebant nimirum, vt lex
 quædam, & libellus confæderationis dictus,
 quem ante in conuentu particulari procu-
 derant Hæretici, & in quem, multa impia,
 de concedendis superstitioni suæ templis,
 perfidiæ immunitate, liberâ cuiusuis reli-
 gionis professione, congefferant, publico
 Ordinum omnium consensu, Regiâq; au-
 ctoritate firmaretur. Restitit Pater PETRVS,
 iam concionibus feruentius dictis, iam li-
 bellis priuatim elaboratis; approbariq; eam
 legem, quæ in perniciem Religionis Catho-
 licæ, Regniq; totius sit, nec posse, nec de-
 bere, suasit. Sed vt sua semper non deest
 nequitia calliditas, non procedentia in
 plano consilia, occultis adoriuntur cuni-
 culis. Scriptum aliud, blandis, castigatisq;
 verbis venenum illud approbandæ Hære-
 seos condians, Ordinum iterum manibus,
 Regi-

Regiæq; approbationi porrigunt; eoq; res processerat, vt, dum omnium manib⁹ scriptum illud teritur, omnibus ad singula minùs aduertentibus, penè fraus omnis lateret. Sed Regis sedula pietas, priuatim noctu relegens singula, quæ in crastinum approbaret, speciem fraudis aduertit; & continuo, licet in serum progressâ nocte, Patri PETRO SKARGA relegendum mittit; videret ille, quid sibi rectâ fide, & illibatâ conscientiâ statuendum esset. Vt vidit PETRVS, fraudemq; ad acriorem libellam recensuit; præter ea, quæ de tota illa subreptitia expostulatione Regi retulit, præcipuos quoque Regni Senatores, & Nobilitatis legatos summâ celeritate adiit: quanta rebus Diuinis iniuria, cum imminutione famæ, Nominisq; Poloni, ex approbatione fraudulentæ adeò consilij sequeretur, edocuit; confutauitq; ita, vt & pietati Regiæ, & Religioni abundè consultum fuerit. In eiusmodi piæ sollicitudinis præmium, Hæreticorum quidem probra, & alapæ, perferendæ sibi frequentius fuerant; bonorum verò amor, & reuerentia, & admiranda in consilijs, animæ salutem concernentibus, fiducia, sequebatur.

Ipso præsente, & dirigente, multi è prima Nobilitate Viri, præsertim, quos ante ab Hæresi, ad Ecclesiam reduxerat, cum ultima mortis necessitate, colluctari volebant. Et accidit non rarò, vt agonizantium desiderijs ipsemet Pater, quasi de cælo monitus, opportunè adueniret.

Viginti iam & sex annos in Regij, Regniq; totius Ecclesiastæ munere exegerat, cum ætate, & ad labores iam impare valetudine, discessum ab Aulæ strepitu, reditumq; ad Religiosorum priuatum conuictum meditari cæpit. Ergò multis, & apud Societatis Præsides, & apud Regiam Maiestatem, egit precibus, vt sibi fracto laboribus, tempus reliquum Religiosæ quietis concederetur, & iterata licet repulsa, geminatis tamen precibus missionem tandem obtinuit. Quâ obtentâ, ipso Paschatis die, pro concione, Regi, Senatui, cunctisq; Ordinibus dicto vale, excessit Varſauiâ, gemitu, & lachrymis comitantibus multorum, quas, memoria laborum, & meritorum optimi Patris, expresserat.

Fuit in eo viro singularis, & profunda demissio, interq; honores humilis sui ipsius æstimatio. Redux ab Italia, initâ iam Societ-

cietate, Leopolim, antiquam suam Sedem aliquando inuisit. Ibi contubernium Canonorum, in quo ipse aliquando vixerat, accumbentibus illis, ut tum ibi mos erat, communi mensæ, ingressus, positus in medio cænaculi genibus, sese de præterita inibi vita accusauit; veniamq; perfusus lachrymis supplex petijt: quasi nimirum eo loci non iuxta Sacerdotalem vocationem vixisset, & mala ibidem de se exempla quondam dedisset. Exciuit spectaculum hoc præsentibus omnibus lachrymas, præsertim probatissimæ eius vitæ, laborumq; perutilium conscijs. Summa alijs affectus fuisse videri poterat; ut pote, qui præter omnium Regni Procerum, Ordinumq; amorem, apud Regem ad summam admissus fuerat gratiam; & à CLEMENTE VIII. boni Patris nomen, cum plenissimis affectûs literis obtinuerat; illè tamen non plus his vnquam affici visus est, quam si hæc ad eum minimè pertinerent. In iuuandis animabus eximiarum adeo personarum non acceptator; ut, animas magis, quam personas intuitus, non minùs infimæ sortis hominum, quam illustrium quarumq; personarum, salutem procuraret. Iunxit Humilita-

lirati indiuiduam comitem Patientiam. Primùm Vilnæ in Lithuania cùm acriùs in Hæreses pro concione fuisset inuectus, vnius Hæretici adequitantis in via protrituss equo, alapam in præmium prædicatæ veritatis obtinuit. Licetq; is à Domino suo, pænæ, iuxta iuris præscriptum desumendæ, extraderetur, intercessit attamen PETRVS, & neutiquam permisit patientiæ suæ occasionem à quoquam vindicari. Similis ei patientia in alio non dissimili euentu constitit. Visus enim nescio cuius in patrimonio CHRISTI luxum perstrinxisse, quod æquiùs erat in pauperes, inediâ, & frigore, ob oculos eius morientes, profundere; Ne pos eiusdem regredienti à concione Patri colaphum impegit: cui Pater aliud nihil, quàm illud Dominicum reposuit, si malè locutus sum, testimonium perhibe de malo. Et illud eiusdem Apostolicæ sementis est, quod addo tertium. Inuectus erat solito dicendi ardore, in vestium luxum feruentiùs, vt potè qui grauitatem, honestatemq; Polonis obseruatam, semper dedeceret. Pupugit res illa vnum, præcipuè ex comptulis eiusmodi, qui vlturus piam Patris medelam, egressum templo priùs maledi-

ledictis, alapâ deinde appetit, PETRO ex disciplina CHRISTI, id vnicum respondente; Fili, si placet, en tibi & alteram maxillam. Hæc vbi REX accepit, captum illum aulicum, & Diuinæ in Sacerdote Maieſtatis, & Regiæ in Concionatore Regio violatæ reum, capitali ſupplicio adiudicauit. Sed tam diu Pater PETRVS, ſummis apud Regiam Maieſtatem interceſſit precibus, donec impetratam vitam redderet percuffori; & ita vlciceretur iniuriam, ſi minimè vltus eſſet. Sed qui vnus alteriusue alapam, ita modèſtè pertulit, longè acerbiores aliorum linguas perpeſſus eſt. Impreſſas typo Hæreticorum calumnias, in faciem iactata probroſiſſima verba, efficitas Reipublicæ turbationes, adiecta crimina, (quorum omnium, aut Politicorum detectæ fraudes, aut Hæreticorum conuerſiones, cauſa fuerant) ita ſurdâ aure prætergredi ſolitus; vt non aliter hæc, quàm ſi in ventum ſpargerentur, diſſimulata abirent; niſi vbi Eccleſiæ, aut Societatis bonum, modèſtæ reſponſionis aliquid extorſiſſet. Nec illam ſilere fas, ſummos inter Aulæ ſtrepitus ſolitudinē. Adeò Religioſæ vitæ conſuetudinem, in nulla penitus re mutari à ſe volebat;

bat; ut & assignatam orationi matutinæ horam, & bis in diem examinandæ conscientiæ tempus, constanter, quoad vixit, tenuerit. Nullum laborem dicendi, aut scribendi aggressus, quem sedulâ oratione DEO prius non commendasset; quem proprii (ut ita dicam) afflictione, & censu corporis non redemisset. Mansit libellus, in quem referebat, quodcunq; diuerberationis, & quotidianarum orationum pensum, ante singularia quæq; opera, DEO obtulisset. Itâ Baronij quilibet abbreviatus to-mus, sibi iam quinquagesimum quintum annum agenti, viginti quinque disciplinis, (ut vocant) libellus de quatuor nouissimis, decem, Vita B. CANTII, quinque, S. CASIMIRI, decem, Concionum quælibet, quibus præcipuè insudaturus fuerat, quinq; constitit. Cælitum cum DEO regnantium, opem feruentius implorans, etiam eorum aspectu exhilarari promeruit. Primum quidem Cracouiæ, die festo S. CÆCILIAE, cum sacris altaribus assistit, eiusdem Sanctæ (ut ipsemet interpretatus est) precibus, singulari de Sanctissimo Eucharistiæ SACRAMENTO notitiâ, & illustratione est delibutus. Anno deinde 1610. calculi grauissimo dolore

lore diuexatus, cùm D. FRANCISCVM de Paula, quem sibi eius mensis Patronum, fortitio menstrua dederat, impensâ prece exorat, præsentem cum S. Patre IGNATIO, intuitus est: audiuitq; dicentem: Venimus ad deprecandum Dominum, pro salute tua. Præcipuâ tamen deuotione solitus ferri erga eos, quibus cum vixit; eorumq; virtutes, atq; sanctè actam vitam habuit benè perspectam. Ex eorum numero fuit Pater STANISLAVS Warszewicki, (qui insigni honorum contemptâ luce, quæ illi satis iam splendide ex gratia Regia affulgebat, Societatem IESV ingressus, multisq; perfunctus laboribus, ad præmium æternæ vitæ recesserat.) Huius cùm frequentem memoriam, in acerba febris, quâ Varsoviæ diuexatus est, Pater PETRVS facit; claro die, meridiano sole affulgente, Martij 20. Anno 1604. conspicuum se ei clarissimo splendore exhibuit, dixitq;: Ecquid Pater SKARGA, vnum duntaxat vitæ annum à DEO tibi prorogari expetis? cur non potius denos? Nec vanum ostentum fuit; tertiâ die febris penitus remisit; PETRVSQVE in decimum exinde annum, vitam produxit. Simile & illud est, quo al-

ter eiusdem Societatis in rebus temporalibus Coadiutor Patrem P E T R U M recreavit, visum. Hic artificio murarius, sponsam promissam pro C H R I S T O relicta, Societati nomen dederat; laboriq; suo adeo operose infudabat, ut sæpè attritæ manus copioso sanguine diffuerent. Adhortabatur hominem Pater, insisteret operi, in ornando cultu diuino non deficeret; adfuturum breui tempus, quo ipse quoque cælitum præmijs ornaretur: animatusque adeo bonis monitis, accessit ad ipsam vitæ metam, eademq; quâ viuis excessit, horâ, Patri P E T R O, duodecim inde passuum millibus commoranti, manifestum se fittit; manusq; sanguine olim manantes, sed nunc iam in purpureum, splendentemque colorem abeuntes ostendens: Accepi, inquit, præmium sanguinis huius Pater. Atque istiusmodi Propheticæ futurorum prænotiones, prædictionesque illi non inusitatae fuerunt, comprobante semper veritatem subsequuto euentu. Notabile illud, & iam tunc, sicut ab omnibus notatum, ita & hodie cernitur adimpletum. Emittens namq; in lucem duos, de Sanctorum vitis, tomos, in præfatione priori

tomo præfixa VLADISLAVM IV. tum quidem octenni non maiorem Polonia Principem, ita non ominantis, sed planè prædicentis spiritu alloquitur; ita omnia de Regno eius, regiminisque successu prænuntiat; vt non futura, sed præterita aut præsentia scribere videatur, tam certo euentu, qualem tam multis post annis sublecurum, atq; præsentem, vniuersa conspicit Europa; vniuersa perfruens sibi gratulatur Polonia.

Tristior fuit alterius prædictionis, sed non minùs verax euentus. Erat ex Principibus viris nonnemo, Lutheri tam infectus, quàm & addictus erroribus. Diu multumque P. PETRVS SKARGA in eo ad Ecclesiæ fidem, vnionemq; adducendo laborauerat; sed omni labore irritò. Edixit ergo illi Pater, adfore quondam tempus, quo omnia, quæ ex se audisset de Religionis Catholicæ veritate, fateretur, confessione tamen minimè sibi proficuâ. Degebat longè Pater, & spiritualibus exercitijs sese fortè, annuo Societatis nostræ ritu, occupabat: cùm die quodam, circa meridiem, sudo per omnia cælo, vehemens quidam turbo circum habitaculi fenestras

nestras incubuit; voxque lamentabilis aures Patris impleuit: Pater S K A R G A, P. SKARGA, vera, vera nimis fuere illa, quæ de religione suafisti; sed væ mihi! væ mihi! Quam postremam lamentantis vocem diu Pater audiuit repetitam; donec demum quasi per distantiam loci, audiri defineret. Citò post Pater nuntium de morte Principis illius accepit; collatoque euentûs sui, & mortis eius tempore, comperit, illo ipso articulo, infelicem illum, in Hæresi tua defunctum. Fouendæ suæ deuotioni, icones sacras, non à diuite quidem penicillo, à pia tamen manu, libenter adhibuit: illas, quæ nec pro dignitate, nec pro decore Sanctorum essent, igni potius tradendas censuit, ipseque fecit. Extat eius rei singulare monumentum, donata quædam cælitus consolatio, & addita præmij spes, ipsiusmet manu consignata, quòd Vilnæ C H R I S T I ligno exsculptam effigiem (sed non pro decentia) exusserit, præmissis hisce verbis: Tu equidem Domine I E S V nosti, quod amem te, tuasque imagines venerer; eas tamen, quæ non sunt ad honorem tuum, vellem penitus aboleri. Ex oratione velut perenni cæle-

itium bonorum fonte, secuta sunt aliarum ornamenta virtutum. Puritas animi, seu conscientiae illius ea fuit; ut neque hostis animae reperire posse visus fuerit, quod in vita, moribusque culparet. Contigit aliquando, ut ab homine infesso, malum hospitem sacris carminibus foras abire, cum iuberet, nequam Spiritus obiecturum se illi quidpiam minaretur, sacra confessione minimè expiatum: benè conscio sibi Patre, ac ideo permittente, ut demum, quicquid haberet, obijceret: Ecce (inquit malus genius) scopas alienum ante cubiculum positas, sine licentia ad usum tuum adhibuisti: non leui sanè indicio, & quæ Patris innocentia mentis foret, & quam attentè mali Dæmones, omnia nostra etiam minutissima errata obseruarent. Morum integritas, atque modestia, quamvis in perpetuò aulae comitatu, ipsismet etiam hostibus fuit in honore; quam, præter perennem sensuum custodiam, carnisque afflictationem, comitis sui è Societate præsentia, semper esse voluit munitam. Paupertatem loquebatur etiam in Regia affluentia: cubiculum ne panno quidem rudiori vestitum; lectus, aliaque
ad

ad vsum necessaria sanè pauperis Religio-
fi, non concionatoris Regij. Et licet ex
Regiâ munificentia, pecuniam sustenta-
tioni suâ, quam vellet amplam, habere
potuisset: plus tamen, quam satis mode-
rato vsui esset, non admisit; eiusq; quam
accepit, singulis annis exactam superiori-
bus rationem reddere solitus fuerat. Ob-
sequij, & obedientiæ laudem coluit præ-
cæteris, vt ad nutum Superiorum semper
esset: licetque eis quæ iudicium concer-
nunt, aut à nobis elaborata sunt, adhærea-
mus plerumque tenacius; Pater P E T R V S
tamen pro libitu maiorum, & concionum
mitigare feruorem, & augere benignita-
tem perinde habuit. In tanta laborum
frequentia, quam sibi, aut Ecclesiæ defen-
sio, aut muneris ratio assiduè ingerebant,
quidquid supererat literis minus apti tem-
poris, totum manuali occupationi im-
pendebat; ne otio locus esset: iamque
pennarias, & atramenti thecas instruere,
consuere indusia, fundere candelas, & in
extrema senectute, strophia Nouitijs So-
cietatis reparare, solenne habuit. Vlti-
mus ferè labor fuerat, candidi duo cerei,
quos animi sui testes, primum quidem

Beatissimæ Virgini CZĘSTOCHÓWIENSIS, miraculis per Poloniam, totumque Septemtrionem celebri, dedicauerat, miseratque; alterum similem eidem Diuæ Virginis Matris Imagini, (quæ vna ex ijs quinque, quas Beati PATRIS FRANCISCI BORGIAE pia deuotio, Summi Pontificis concessione accedente, ex Romana Maiore depingi curauerat, priuato primò cultu coli cœpta, publicâ deinde deuotione, & insignibus illustris miraculis, in Sacello Nouitiatûs Soc: IESV inclaruit,) accendi petierat. Perlatus vterque, & ante Aras Diuæ Virginis accensus, eodem tempore, & horâ (vt postea cognitum est) ardendi, quo & P E T R V S viuendi finem, fecit. Ad quem finem, tot per labores, ac merita properans, vbi sese, vt supra innui, Aulæ negotijs subduxisset, Cracouiam peruenit.

Receptus eâ omnium hilaritate, quam, & grandæua ætas, & sancta quædam vultus, totiusque corporis auctoritas merebatur. Ingressus religiosum cubiculum, quod tantis votis pridem ambierat, non minori mentis quiete amplexus est: vbi tandem negotiosissimum vitæ, otium aggreg-

greditur. Quamdiu quidem vires adhuc valentes erant, quotidie operabatur sacris, Diuinum officium exactè, diligenterque recitabat: deficiente deinde valetudine, quotidie cælesti alimoniâ recreari petijt: ad quam suscipiendam, summâ reuerentiâ, capite inclinato, componebat sese. Eos, qui inuiserent, rogabat, vt, si quid loqui vellent, loquerentur secum de Regno DEI. Ad quod regnum vt disponderet sese, primùm generalem totius vitæ confessionem, ad maius meritum, & pœnarum purgatorij diminutionem, sui que ipsius confusionem, (ipsum hæc est intentio, & verba) præmisit. Inungi postmodum ad certamen vltimum, sacro oleo voluit: & ita demum paratus Athleta, expectabat indies mortem, quin & cælestis desiderio Patriæ, Regnique sui, prouocabat, quotidie Angelicum prægustans panem, quò fortior magnum illud vitæ iter conficeret. Cùmque, aggrauante morbo, interclusisque maiori parte spiritibus, orationes, quas præmittere SANCTISSIMÆ EUCHARISTIÆ sanus solebat, recitare non posset; piam inter reuerentiam,

tiam, & amoris famem constitutus, dicebat Sacerdoti Diuinum sibi epulum porrigenti: Pater mi, in animam tuam, **SANCTISSIMUM SACRAMENTUM** recipio, ad quod recipiendum dignè paratus non sum. Quæ vox adstantibus, benèque vitæ innocentiam perspectam habentibus, insignè humilitatis exemplum dedit, lachrymasq; expressit. Hæc inter, cum bono Domino, bonus seruus colloquia tacitè conferens; summâ quiete, die Festo Translationis **DIVI STANISLAI**, Poloniae, & sui specialiter Protectoris, ac Patroni, Anno Salutis, 1612. 27 Septembris, annos ipse natus septuaginta sex, animam Conditori suo reddidit.

Elatum magno Nobilitatis, Ordinumque omnium concursu, ac mærore, funus, ambientibus, vel ipsis viris Principibus, feretri onus subire. Ingentibus præconijs, demortui Concionatoriæ facultatem, & virtutes cæteras celebravit Reuerendus Pater **FABIANVS BIRCOVIVS**, Sacri Ordinis Prædicatorum Theologus, collatis in eum illis Ecclesiastici verbis, nactus inde idoneum
lau-

laudationis argumentum. *Surrexit Elias, & verbum illius, quasi facula ardebat.* Vbi ad finem inter cætera loquitur: Lucerna, in medio Ecclesiæ ardens & lucens, extincta est. Excessit viuis, non verbo tantum, verum & vitâ perfectus; Verbi DEI Orator. Recessit à nobis eximius SACERDOS ille, qui in vita sua suffulsi domum, & in diebus suis corroborauit templum. Mortuus est ille, qui laboriosum Prædicatoris onus, per annos quinquaginta, & ampliùs, sustinens, primas Episcopalis muneris partes peregit: exemplar, & idea Concionatorum defecit, à qua normam accipiebant ij, quicunque exedras Ecclesiasticas occupaturi essent. Merueras longiores annos Nestor Polone, ad minimum Nestoreos, ob illam mirabilem, tibi que cælitus inditam facundiam, quæ & Nestoris ipsius ora, auresque ad se conuertisset. Hæc, & plura alia affectus sinceri congerit encomia, quæ totius Poloniæ approbat, in hunc diem, consensus, & de amisso, tam bono vineæ Dominicæ operario communis dolor. Vnicum solatur, quod nunquam defu-

defuturum est, & vitæ sanctæ, ac integerrimè actæ testimonia pollicentur, sanctioris è cælo auxiliij patrocinium. Quod quàm præsto sit, sequens, post excessum iam è vita Patris P E T R I, visio declarata approbavit.

Fuit Cracoviæ notissimæ virtutis, pietatisque Virgo B A R B A R A L A N G A. Hæc plurimis persæpè, tum Beatorum iam, tum in purgatorio poenas luentium spirituum visitationibus dignata, habuit, etiam præsentem sibi Patrem P E T R V M S K A R G A, aliquot ab annis vitâ functum, amictu indutum Præsuleo, Pastoralem etiam baculum manu gerentem; sed sine Episcopali Infula; qui significaret, Pastorali habitu ornatum se, quia, vivens Pastorale, seu Episcopale munus exercuisset in facie totius Regni Poloniæ.

Libet totam hanc, de vita huius Religiosissimi Patris narrationem concludere, vno quodam, Patri Optimo, in Sacro, ante ipsam Communionem Diuinitus dato responso, quod ipsemet Pater, singulari cuidam, in spiritu Amico suo obnixè postulanti, per scriptum concedidit,

dit, hisce verbis: Senti in corde meo
 talia mihi à Domino dici. Do Tibi pi-
 gnus Amoris mei, erga te. Recipio
 te in vnitatem Corporis mei, vt sis mem-
 brum meum, & pars mea inseparabilis.
 Facio Te consortem, hæreditatis meæ:
 Cape Inuestituram, & implebo, quæ pro-
 misi. Do Tibi hanc Arrham. Habes via-
 ticum; Curre. Habes Cibus; Labora.
 Habes solatium; non despera, nec sis
 tristis, & turbulentus.

Ita fiat Domine IESV, DEVS meus,
 A M E N.





RESTAURO del LIBRO ANTICO
Cav. G. DI GIACOMO
PESCARA

- LUG. 1970

